

2

1

CHRISTIANI GVIL. THALEMANNI

S. THEOL. LIC. ET ECCLESIASTAE LIPS.

TRACTATVS

DE NVBE

SVPER ARCA FOEDERIS

COMMENTO IVDAICO

ITERVM EDITVS

CVM VINDICIIS

ACCESSIT COMMENTATIO

DE AVCTORITATE

PHILONIS ET IOSEPHI




IN HISTORIA RITVVM

SACROBVM

LIPSIAE

APVD E. B. SCHWICKARDVM

MDCCLXXI.



DOCTO ET AEQVO LECTORI

S

Quod fere accidit omnibus, qui in dubium vocare audent opinionem a multis annis vel saeculis doctorum hominum calculo comprobata serioque defensam, ut in reprehensionem incurrant eorum, qui inueteratis opinionibus pertinaciter inhaerent, hilemque adeo iis moueant: id mihi quoque non potuit non euenire, cum anno LII. in Disputatione Academica dubitationes mouissem contra vulgarem satis sententiam doctorum, quae nubem in templi adyto super arca foederis perpetuo resedisse decernit. Non defuerunt quidem Viri Doctissimi, Praeceptores inprimis Optimi in hac Academia, et cum iis Gottingenses, qui instituto meo omnino fauerent; id quod mirifice erexit atque confirmauit animum: mox tamen extitere alii, qui eandem rem palam, nec sine magna indignatione, improbarent,

et contra disputare fusciperent. Anno enim proxime subsecente mihi primum opposita est a Pl. Reu. CAROLO GVIL. WEISSIGIO, nunc apud Hirschbergenses Ecclesiaste praeclare merente, *Dissertatio de Arca Foederis ordinaria columnae nubis et ignis sede*; praefide Cel. IO. FR. STIEBRITZIO Hal. 1753. proposita ac defensa; in qua cum nihil aliud actum esset, quam vt sententia vulgaris, cum vulgaribus etiam argumentis, repeteretur, neque visum esset Cl. Auctori, attingere argumenta mea e silentio Philonis et Iosephi, et ex rei ipsius natura petita: non opus sane erat causae meae defensione contra eiusmodi aduersarium. Quam ne forte tentarem, ab ipso diligenter cautum fuit, ad finem Dissertationis solemni veluti formula silentium mihi pro humanitate sua imponendo, vt qui causam liquido iustam defenderit.

Alius non multo post mihi extitit aduersarius grauior IO. EVERH. RAVIVS, Theologus Herbornensis Primarius, qui primum per particulas edidit Exercitationes Academicas pro Nube Gloriosa super Arca Foederis mihi oppositas, easque deinde vno volumine ita recudendas curauit, vt meus libellus ad latus poneretur, in *Dissertationibus*

bus Sacris Antiquariis Traiecti ad Rhenum
1760. 8. A quo cum iniquissime habitus
essem, in superiori inprimis Exercitationum
istarum editione, iterum causam meam
suscepere magno cum favore Gottingenses,
RAVII que iniustam acerbiter ita reprehenderunt,
ut in repetita editione Ultraiectina
deleret quaedam iniquius iactata, mitiorem-
que paullo animum ostenderet. Summopere
quidem in Praefatione eiusdem editionis re-
centioris laborasse videas Cl. RAVIUM, ut
excusaret acerbe dicta; quae cum in omni
controuersiarum genere nullam excusationem
habeant, frustra et hoc fecisse recte putandus
sit. Quamuis igitur laceffit et prouocatus
a tali aduersario, a me tamen impetrare non
potui, ut de more vulgari statim ad scriben-
das Vindicias me accingerem, dissensumque
eius non modo sed et iniuriam aequo potius
animo ferendam duxi.

Cuius quidem patientiae et silentii iustas
mihi causas habere videbar. Etenim cum
Doctissimorum Virorum, quorum magna
apud me est auctoritas, tulissem assensum,
meque ex hac parte non frustra laborasse cre-
derem; id mihi satis esse arbitrabar ad negli-
gendas aliorum reprehensiones. Neque uti-

que expectaram arroganter, vt omnes in partes meas traducerentur, quod nemo in re quamuis certa sperauerit; iniquumque semper habui et stolidum eorum animum, qui male excipiant aliorum dissensum, a quibus tamen et ipsi dissentire haud dubitent. Sine arrogantia tamen hoc mihi poteram persuadere, doctos rei iudicēs, argumentis ab vtraque parte pensitatis, vtra momentum faciant, intellecturos esse ipsos; vt vel sic non mea opus esset defensione. Primariam autem silentii mei causam hanc fuisse non dissimulo, quod natura mea abhorret omnino controuersias, inprimis cum aduersario violento incundas, quas satis vsus docet, non modo inanes esse, sed etiam saepe periculosas. Quo grauius laceffitus fueris, eo facilius erit ad paria peccata lapsus, si in primo praesertim indignationis feruore ad defendendam causam tuam accesseris: vnde feruentes eiusmodi controuersias saepissime videmus in meras abire lites et agitationes animorum, in quibus vel nunquam, vel perraro saltem, verum recte indagatur; placidum enim animum requirit veri studium: neque alius tandem totius litis euentus sequitur, quam vt turpiter se dent litigantes, risumque vel certe indignationem moueant prudentioribus.

Qui-

Quibus rationibus adductus ego nunquam Cl. RAVIO vindicias opposuissem, qui facile praeuidebam, nullo modo apud ipsum aliquid profuturas; nisi nuper noua editio expetita fuisset libelli mei, quem, ne ab aduersario ad incitas redactus viderer, sine defensione causae meae dimittere non sustinui. Accessi igitur ad satisfaciendum Viri Docti, non conuiciis, sed dubitationibus, his utique, quas ad rem facere periti agnoscere possent. Cuncta enim persequi et longum et molestum mihi et legentibus, et alienum a causa, videbatur. Plurima enim cumulauit, quae non plus momenti ad victoriam haberent, quam insectandi, qua subinde effertur, acerbitas; quam ego nec tali Viro, nec causae tenuitate, nec liberali doctrina ratus dignam, nec notare volui, nec imitari. Immo quae ad rem non pertinerent, et iniquitatem proderent, modeste potius disimulanda existimaui, ne vel sic mortuo insultare viderer. Quid secutus sim, profitendum erat, ut in ipso libello allatis argumentis ratio visque constaret sua, neque temere me ista aut proterue effudisse defenderem: quid assecutus sim, aequi iudicabunt lectores, quos totius causae ac certaminis arbitros atque interpretes libenter agnosco; melio-

meliora docenti vltro gratiam habiturus,
dumne conuiciis, aut alienis a re commen-
tis, sed e subtili interpretatione fideliter re-
petitis argumentis agatur. Nam ista velita-
tio turbandae rei, quam expediendae, bonis
omnibus semper accommodatior est visa.

Subieci Commentationem commune
argumentum tractantem; cuius consilium
cum in eius limine fatis iam indicatum sit,
nihil amplius hic praemonendum duxi; quam
vt sincero haec animo in rei sacrae emolu-
mentum a me scripta esse sancte confirmem,
et meam qualemcunque opellam, meque ad-
eo ipsum; docto aequoque lectori etiam at-
que etiam commendem.

I

DE NVBE

SVPER ARCA FOEDERIS

COMMENTO IVDAICO

A

C
 sempre
 in
 natura
 stessa
 sempre
 di
 ad
 in
 di
 per
 in
 et
 Cl
 per
 in
 in
 in

Cum in interpretatione librorum sacrorum, tradendis suae gentis antiquitatibus eam semper rationem ingenii sui prodidissent Iudaei, ut in fingendo plus iusto sibi indulgerent, in iis maxime rebus, ex quibus peculiare aliquod, nec affectandum aliis gentibus decus sibi nasci sperarent, eamque consuetudinem suam tot tantisque documentis demonstrassent quae etiam minus circumspectos aduertere, atque rem suspectam facere debuissent: mirandum tamen est quanta facilitate in amplectendis illis, quanta certe inconstantia in probandis repudiandisque, Christiani, nequaquam ceteroquin Iudaeis dediti, vti sint. Atque huius rei causas non est difficile indagare, si quis modum perpenderit, quo Christiani primum ad linguae Hebraicae scientiam peruenerunt. Cum enim nulla alia eius discendae ratio pateret, nec aditus ad eam daretur, nisi per Iudaeos ipsos, quibus olim solis huius linguae tradendae facultas esset, nullis dum libellis compositis,

quibus per praecepta ac certa principia linguae huius ratio, ut postea factum est, traderetur: non mirum videri debet, si etiam in iis rebus, quae nullis fundamentis certis niterentur, eorum auctoritatem plerique sunt secuti, quos in toto hoc genere solos doctores habuissent. Deinde vero cum ad eam doctrinam percipiendam opus esset, et disputantes audire Iudaeorum magistros, et eorum libros crebro versare: quid mirum, si hac adfuetudine eoque commercio in eam similitudinem cogitandi ac disputandi sese conformarunt, ut, quae sibi praeceptores illi tradidissent, vel hoc nomine facilius arriperent, quod ipsorum ingenio, praeceptis eorum subactis, essent accommodata. Vnde etiam factum, ut, quo quisque maiori studio in hoc genere versaretur, quoque facilius tractandis Iudaeorum libris disputationibusque operatus esset, maioremque sibi huius doctrinae copiam collegisset, tanto facilius esset credendis iis, cum quorum magistris in tantam familiaritatem pervenisset. Neque etiam mediocris eo in negotio fuit novitatis commendatio, cuius gratia in re cum per se magna et summo opere accepta, tum rarissima adhuc, immo incognita, facile efficiebat, ut, quicquid pertinere ad notitiam eius existimarent, id cupidius, quam cautius, arriperent: debiliore etiam in re nova
exami-

examinandi cura, quam recens amor et cupiditas in omnibus rebus solet infringere. In quo quidem tanto magis excusari merentur, quod omnia, quae a Iudaeorum magistris tradita acceperunt, aut ad antiquitatum Iudaicarum cognitionem, aut ad interpretationem eiusmodi locorum scripturae sacrae pertinerunt, ex quibus vel perperam intellectis nullum caput religionis verae quicquam detrimenti caperet. Neque enim quicquam est ex iis, in quo probato aliquid momenti ad auctoritatem nostrae religionis labefactandam inesse videatur, nisi forte id in eo numero habere velimus, in quo leuitatem IO. BVXTORFII I. F. accusat ALBERTVS SCHVLTENSIVS V. C. in *Præfatione Commentarii ad Proverbia Salomonis*, quod honorificum illud linguae Hebraicae nomen, quod Iudaei, et in ore eorum Christiani, vulgo usurpant, לשון הקדש tribuere illi cum Iudaeis tam facile animum induxerit; cum non animaduerneret bonus ille vir venenum, quod sub illius nominis latebra occultaretur. Etenim hoc tribuendo nomen illud effectum voluerunt Iudaei, ut ipsum Deum in religione tradenda non alia usum esse lingua, nec alia uti vnquam voluisse, indicarent, ceterasque adeo linguas omnes, Graecam quoque, qua libri Novi Testamenti perscripti sunt, et Aramaeam, siue Syriacam, qua Ser-

uator noster vsus est, profanas, neque aut a Deo, aut a viris Θεοπνεύστοις vsurpatas ostenderent: quod quam infesto animo, quamque exitioso consilio in libros nostrae religionis diceretur, si intellexissent **BVXTORFIVS** alique, quis credat, eos hoc nomine uti voluisse, quo Iudaeorum peruicaci superbiae tantum tribueretur. Clara sunt in hanc rem, si quis Iudaeorum mentem perspicere velit, loca, quae extant apud **SCHVLTENSIVM** l. c. p. 44. Sed, ut diximus, tam perniciosum consilium nequaquam secutos nostros, nimis credidisse tamen Iudaeis in eo censet **SCHVLTENSIVS**, quod vsurpatum ab ipsis nomen tam facile acceperunt, non satis considerantes, quo sensu a Iudaeis adhiberetur. Sed multo plura nimiae huius facilitatis exempla renatarum literarum cultores dederunt in illis librorum sacrorum interpretationibus accipiendis, quae a Iudaeorum magistris traditae nihil in se quidem habebant, quod vel summae religioni, vel cuiquam ex eius partibus ac decretis aduersaretur; ceterum neque cum natura linguae, neque cum contextu, aliisque locis ac rebus, congruerent. Cumque interpretationibus sacrorum librorum sententiae de rebus sacris, antiquitatum quoque et rerum gestarum traditiones nitantur: factum est, ut per illas cupidius acceptas, multae opiniones de

de his rebus apud Christianos inualefcerent, quae nulla alia, nisi falsae interpretationis auctoritate subniterentur, et tamen a Iudaeis bona fide acceptae, ab his porro, qui eas primum acceperant, ad alios multos transmissae maiori sane, quam par erat, modo constantia retinerentur, modo leuitate relinquerentur atque repudiarentur. Factum igitur est, ut melius constitutis interpretandi subsidiis, inspecto ac consulto accuratius textu, adhibitis etiam in auxilium aliorum scriptorum veterum, tanquam PHILONIS ac IOSEPHI scriptis, omninoque aucta cura simul ac facultate ad suum iudicium cuncta exigendi, multa ex istis traditionibus a recentioribus ut inania repudiarentur; quod minus licebat illis, quibus discendi pariter ac credendi maius studium, iudicandi cura minor et praesidia erant infirmiora. Sed a quibusdam tamen magistrorum Iudaicorum traditiones fideique tam varie interdum aestimatas videas, ut nullo varietatis atque inconstantiae metu, nunc eam illis tanquam nugacissimi ingenii hominibus, ac studiosis partium, negent, v. c. in istis traditionibus de igni sacro ac perpetuo, de vinctioe summi Pontificis per figuram Caph Graeci, siue crucis Andreae etc. nunc haud aliis magis, ut qui optime scire ista atque explicare potuerint, habendam statuunt, ubi v. c.

disputant de ingressu Pontificis in adytum, eiusque habitu ac vestibus, de agno paschali, de panibus facierum etc.

Equidem dudum in eam cogitationem pronum me esse sensi, ut, quae cum apud Iudaeos, tum apud Christianos ex ore eorum de nube illa, diuinæ praesentiae super arca foederis in tabernaculo pariter ac templo indice, celebrantur, in eorum numero habenda esse putarem, in quibus amplectendis minor facilitas, et in excutiendis maior diligentia adhiberi potuisset: non quo praesentiam diuinam tabernaculo aut ipsi templo super arca foederis abiudicare aude-rem, quod nimis manifestis librorum sacrorum locis aduersaretur, sed ut de signo eius atque argumento, quod in nube illa vulgo ponitur, tam secure tamque confidenter, quam sit a multis, pronunciare non sustinerem. Eaque res cum non indigna diligenti disquisitione videretur: non alienum duxi, quae confirmandae huic sententiae vulgo afferuntur, modeste sub examen vocare. Graue enim est, ac fere temerarium, tantae auctoritati tot summorum virorum, qui defensores se huius sententiae praebuerunt, non illico cedere. Hoc autem quo rectius facerem, statui hac commentatione, dubitationibus atque argumentis diligenter pensitatis, vtra momentum facerent,

rent; non tam meo iudicio definire, quam eruditorum sententiae diiudicandum permittere, quorum fauori me atque hanc qualemcumque commentationem etiam atque etiam commendo. In ea autem re examinanda secuturi sumus eam rationem, quam nobis summi literarum sacrarum interpretes et antiquitatis auctores praeiuerunt, ut primo quidem scripturae sacrae loca excutiamus, quae aut ex illis traditionibus lucem capere videantur, vel iis amplectendis causam materiamque praeiuisse: tum deinde scriptores antiquos consulamus, quorum si non maior, certe par cum Iudaeorum magistris auctoritas esse debeat, ut constet, quid illi, et num omnino quicquam de his rebus eo loco dixerint, ubi commodè et sine iusta reprehensione illas praeterire non possent, aut certe commemorandi opportunam occasionem haberent: ad extremum vero ipsius quoque rei naturam expendamus, omninoque adeo, num necesse sit, aptumque satis, eiusmodi traditionem amplecti, dispiciamus. Quod si igitur loca primo illa librorum sacrorum, quae probandae huic sententiae afferuntur, aut ex ea illustrari putantur, nullam aut leuem viam ad probandum habere videbuntur; si deinde nec veterum scriptorum, qui de illa re dicendi et facultatem et occasionem, et causam quoque habuerunt,

A 5 aucto-

auctoritas satis ei fauebit ; ac denique in ipsa rei natura nihil erit, quod necessitate quadam hanc sententiam commendet : non credimus, quemquam fore, qui nobis vitio vertat, si in re argumentis idoneis ad fidemque necessariis destituta, veritati potius, quam auctoritati receptaeque opinioni, credendum duxerimus. In eo quoque aequos iudices speramus nos habituros, ut eam rem, de qua nobis dubitandum fuisse, ad aliquod caput sacrae doctrinae pertinere nequaquam existiment. sed ad traditionem aliquam interpretationemque locorum referant, quae quomodo accipiantur, ad doctrinae quidem summam perinde sit. Cum enim nihil nisi modum aliquem contineat, quo Deus suam apud Iudaeos praesentiam indicare voluerit: nihil decessurum videtur religioni, aut ulli eius capiti, si nihil, quod hunc modum cogat statuere, aut scriptura sacra, aut veterum testimonia, aut ipsius denique rei natura suppeditet.

§. I.

Itaque, uti proposuimus, id primo agemus, ut de locis librorum sacrorum quaeramus, quae partim huic traditioni confirmandae afferuntur, partim ex ea, quasi iam probata, explicantur atque illustrantur. Cum Deo placuisset ex Aegyptoeductum populum

pulum suum per longa deserti spatia atque ambages in Cananaeorum sedibus collocare, hoc etiam benignitatis suae et peculiaris in hunc populum curae documentum edere voluit, ut, cuius viae auctor fuisset, eiusdem sese ducem praeberet, eiusque beneficii sui signum, atque, ut sic dicam, instrumentum voluit esse nubem, seu globum interdiu umbrosum, noctu autem igneum fulgentemque, ut ab omnibus conspiceretur Exod. XIII, 21. Quo autem certius documentum praesentiae divinae illa nubes haberet, non praeiuisse modo populum, sed etiam interdum demississe se ita dicitur, ut ex ea, quasi ex sede sua, Deus cum Mose loquens responsa daret ad populum ferenda; quale exemplum primum legitur Exod. XXXIII, 9. quo quidem ex loco apparet, Deum, cum ita se demitteret, nubem illam statuisse ad ostium minoris tabernaculi et quasi temporarii, quod ad maioris illius et longius duraturi exstructionem, usque sacris usibus inseruiret. Postea vero in maiori illo tabernaculo, quod ad praescriptam a Deo formam exstruxerat Moses, non alium locum nisi tectum summum occupasse illa nubes invenitur, unde sublata movere castra, reposita autem collocare ac figere iuberet Exod. XL, 34. etc. quod quidem primo factum legitur in ipsa consecratione huius tabernaculi,

culi, ut hac ipsa re id domicilium sedemque praesentem statuisset sibi in eo tabernaculo Deus ostenderetur, qui etiam tam honorifico nomine locum illum dignatus, habitaturum se dicit inter Cherubinos super arca constitutos, et ex eo loco responsa populo daturum Exod. XXV, 22. Ex his vero ne utquam consequitur, nubem illam, quam supra tentorium confedissee facile concedimus, etiam intra ipsum tabernaculum demissam locum eum inter Cherubinos occupasse, quem Deus suae praesentiae sedem futuram significauerat, ut nempe externum eius signum et adspectabile nubes illa foret. Nam etsi, ut diximus, demissa illa super tabernaculum nubes dedicasse illud legitur, et gloria Domini implevisse totum tentorium, ut etiam aditu Moses prohiberetur Exod. XL, 34. 35. non tamen eo loco, aut his verbis exponitur, quid demissa illa nube factum sit, nec demissionis illius causam hanc fuisse, ut gloria divina tabernaculum repletet, sed hoc tantum, quid deinde, vel simul, factum sit. Neque vero gloria illa Dei, quae hic commemoratur, aliud quicquam fuit, quam nebula, vel etiam splendor aliquis eximius, quo Deus suae maiestatis praesentiam in ipso quoque tabernaculo declarari vellet, qualis etiam apparuisse narratur in dedicando templo

plo Salomoneo I Reg. VIII, 11. vbi diferte talis nebula commemoratur, quae visum inter sese et sacrificandi facultatem sacerdotibus ademerit, de quo paullo inferius; eodemque modo Iesaias, cum vidisset domum, seu templum, densissima nube oppletum, vidisse dicitur gloriam Dei Ies. VI, 4. Diuersam itaque esse hanc praesentiae diuinae indicem, nubem seu nebulam, quae in ipso tabernaculo fuit, ab illa nube, quae supra tectum eius confederit, vel inde, apparet, quod haec tantum demisisse se supra tectum, illa vero totam domum dicitur complexisse; quod neutiquam in illam nubem conuenit, ac ne ab auctoribus quidem huius sententiae ipsis defenditur. Cumque haec gloria Dei non semper fuerit in toto tabernaculo, sed eo tantum tempore, quo illud dedicaretur atque consecraretur: in eam necessitatem adiguntur, qui sic sentiunt, vt eam, relicto sanctuario reliquisque partibus tabernaculi, concessisse dicant in sanctum sanctorum, et se quasi contraxisse; vt perpetuam ibi sedem haberet; quod nemo nec vidisse, neque affirmare adeo potest, cum haud alio tempore conspecta illa sit, quam quo tabernaculi dedicationem diuinae praesentiae signo cohonestaret, ac venerabilem redderet. Id tamen sic visum est expedire quibusdam,* vt dicerent, nubem istam
 tecto

tecto tabernaculi insidentem penetrasse tectum et in
 adytum descendisse, vt simul supra tentorio ab omni-
 bus conspiceretur, et intra adytum arcam cum Che-
 rubinis obumbraret, vtque, vbi leuata nubes itine-
 ris signum populo dedisset, illa quoque pars, quae
 adytum replebat, vna tolleretur, quasi eminentem
 illam partem secuta, hac autem reposita, et ipsa
 locum in adyto suum rursus occuparet: quae fin-
 gendi leuitas nullo modo conuenit interpretis sacri
 grauitati. Sic tamen IO. LVNDIVS *Sacror. Iudaic.*
L. 1. c. 12. vt alios taceam. Sane egregie siconimia
 constarent iis quidem, qui necesse sibi putant tale
 quid assumere, modo in literarum sacrarum docu-
 mentis potius, quam in interpretum ingeniis nata
 haec essent. Neque tamen hi ipsi testimonia sibi deesse
 putant, quorum haec vt praecipua affert LVNDIVS,
 quod Deus promiserit *Leu. XVI, 2. se velle apparere*
in nube super propitiatorio, et *Exod. XXV, 22. se*
habitaturum inter Cherubinos et cum Mose locuturum
ex eo loco; vnde haud dubium esse, quin Deus eo
 tempore, quo dedicaret tabernaculum magnifico
 suae praesentiae indicio, hanc suam sedem occuparit
 per eandem nubem, quae etiam super tentorio con-
 spiceretur. Sic autem explicantibus illa loca erat
 necessarium eo deuenire, vt statuerent, nubem non
 in

in tectum modo tentorii missam, verum etiam per
 tectum alioue quo modo venisse in sanctum sancto-
 rum, ibique inter Cherubinos perpetuam sedem te-
 nuisse. Quodsi autem vere promisit Deus priori
 loco, se habitaturum inter Cherubinos die expiatio-
 nis, atque adeo consequens est, nubem perpetuo
 ibi fuisse; sique non minus ex eo, quod habitauit
 illo in loco Deus, (quod nullo modo negatum imus)
 illud quoque necessario consequitur, vt id non fa-
 ctum esse dicamus, nisi per externum aliquod signum,
 idque nubis eiusmodi: tum vero haec argumenta
 haud dubie pro arce ac fundamento sententiae to-
 tius valebunt, omneque illius robur constituent.

§. II.

Sed age videamus, an ista loca recipiant illam
 interpretationem, eamque vim habeant, quae iis
 vulgo tribuitur. Leu. XVI. 2. dicit Deus ad Mo-
 sen: דבר אל אהרן אחיך ואל יבא בכל עת אל הקדש
 מבית לפרכת אל פני הכפרה אשר על הארן
 ולא ימות כי בענן אראה על הכפרה Ultima
 verba vulgo sic vertuntur: *etenim in nube apparebo
 super propitiatorio*: quae si vera interpretatio est, vi-
 cere quidem, qui nubem statuunt die expiationis
 Pontifici visam fuisse super propitiatorio, non autem,
 qui

qui et alio tempore perpetuo ibi sedisse contendunt. Sed ne illius quidem sententiae praesidium ex hoc loco peti posse nobis videtur. Iam ut ab ipso verbo אֵרָאֵן initium faciamus. non est necesse id sic capere, ut nullum alium sensum admittat, nisi hunc: *apparebo, conspiciendum me praebebo*. Nam etiam hanc explicationem forma illa passiva recipit, ut sit, *in conspectum meum veniet, aditum ad me dabo*. Quod si est, ut esse per ipsam vim verbi passivi potest, quidni iam sic interpretemur: *nam* (huc potius *sed*, in oppositione contrarii, de quo deinde) *videbor, videbit me, in conspectum meum veniet*, cui licet, Pontifex scilicet die expiationis, *in nube veniet*, inquam, *coram me, seu per nubem, seu cum nube* (quis enim ignorat, כִּי significare etiam *per et cum*) *quam ipse fecerit super propitiatorio, vel prope illud*, utrumque enim significat עַל: quae nubes qualis esse debeat, deinde videbimus. Ceterum huic loco simillimus alius Exod. XXIII, 15. ubi dicit Deus: לֹא יִרְאֶה פְנֵי רִיקָם quod sane nihil aliud est, ac si dixisset, לֹא אֵרָאֵן נֶמֶן in conspectum meum veniat, nemo adeat me iuani manu, sine donis, ut optime expressit LUTHERUS in versione. Qui ad Deum accedebat sacrificaturus quodnam is videbat praesentiae divinae symbolum, aut num nubem illam, si

quae

quae fuit in sancto sanctorum, potuit videre? et tamen dicit Deus **וַיֵּרָא** quod nihil aliud est, quam *venient in conspectum meum*. Atque haec interpretatio tribuenda est omnibus sacrorum librorum **לִבְּרִים**, ubi Deus. seu. quod idem est, Dei facies in tabernaculo et templo dicitur videri, conspiciendaue praebere, v. g. in eodem capito v. 17. Exod. XXXIV, 24. Es. 1, 12. aliisque locis innumeris. Praesentiam diuinæ maiestatis e tabernaculo et templo neutiquam tollimus, visibile eius signum. et nomination eiusmodi nubem ibi fuisse, nondum persuadent explicata hoc modo loca, quae maxime, vel sola potius, persuadere debebant. Qui vocem **וַיֵּרָא** vrgent, hebraisimum aut ignorant, aut non reputant, notiozem ac tritum magis, quam ut hic adstrui debeat, quo facies alicuius pro ipso ponitur, uti et in Nouo Testamento τὸ πρόσωπον, ut saepe facies terrae. pro ipsa terra, et sic centies. Sed ut ad coepta redeamus, cum ipsis verbis hic, quem diximus, sensus commodissime tribui possit: iam contextum inspicimus; ut per hunc quoque, non alium illis verbis tribuendum esse sensum, appareat. Fuerunt quidem viri docti, ne quid dissimulemus, et sunt hodieque haud dubie, ex iis maxime, qui phrasas hebraicas e latino aut germanico sermone interpre-

tantur; quibus haec interpretatio contortior et nimis quaesita videretur, quod vel sic facile fit, cum alia iam occupatus animus tenetur; sed hic metus statim, ut speramus, evanescet, si contextum verborum recte expenderimus. Loquitur Deus ad Moſen initio huius capituli, mortuis Aaronis filius **בקרבתם לפני יהוה** (tamen et ipsi nullam nubem viderant) eumque iubet hoc denunciare Aaroni, ne quovis tempore adytum intraret, sanctissimum illum locum, quam sedem suam fore ante iam Moſi dixerat Exod. XXV, 8. 22 in quo essent recondita mysteria, arca cum Cherubinis, nemini adspicienda, ne similem poenam mortis subiret; qua de causa etiam addit, ne ipse veniat **אל פני הכפרת** quam partem arcae, ut primariam Dei sedem, pro tota ponit. Iam sequuntur illa verba, quibus rationem reddi praecedentium volunt sententiae, in quam inquirimus, auctores, **כי** quoniam, uti vertunt, *conspiciatur in nube*. Sed illud **כי** propius Hebraismum est, ut, praecedente negatione, significet *verum, sed*: veluti Gen. XVIII, 15. XXIV, 4. Exod. XVI, 8. etc. quod et Rabbiorum subtilissimi observare suis locis non neglexerunt. Sit itaque sensus: non veniat Aaron ad me sic negligenter, non ita temere coram me compareat; moriatur enim, si hoc auderet:
verum

verum conspiciat in nube, veniat ad me in nube, seu per nubem, seu cum nube sc. fumi ex suffitu, quae tegat propitiatorium, totamque adeo arcam: quod fiat semel quotannis, die scilicet expiationis. Atque hic adytum ingrediendi modus et haec cautio in sequentibus accuratius describitur v. 12. 13.

ולקח מלא המחתה גחלי אש מעל המזבח מלפני יהוה ומלא חצניו קטרת סמים דקה וחבייה מבית לפרכת ונתן את הקטרת על האש לפני יהוה וכסה ענן הקטרת את הכפרת אשר על יסודו itaque sumat plenum thuribulum prunis ardentibus ex altari, et plenos pugillos suos suffitu aromatum attenuato, et inferat illa intra velum: et imponat suffitum illum igni coram Deo, VT TEGAT NYBES ILLA SUFFITVS OPERCVLYM, QVOD SVPER TESTIMONIO EST, NE MORIATVR.

Quis non videt, hanc esse verborum superiorum clariorem interpretationem? Fumus ille ex suffitu appellatur *nubes*, haec *nubes* tegat *propitiatorium*, et haec faciat Pontifex, *ne moriatur*, quod idem est v. 2. Cuius etiam iussi ratio egregie constat. Si enim iam fuisset *nubes* in propitiatorio, quae diuinae maiestatis praesentiam occultaret, cur iubeat Deus aliam excitare suffitu, quae hanc ipsam nubem ita rursus occultaret, vt nec a Pontifice posset con-

spici? Si iam tecta fuerant ista arcana nube illa diuina, et iam sic nullius conspectui patebant, quorum alia nubes, quae hanc ipsam velaret atque absconderet? Hoc enim erat consilium Dei, ut Pontifex ista nube suffitus rebus sacris induceret caliginem, ne exposita oculis mortis periculum ei crearent. Erat enim haec sedes praesentiae Dei, quod nullo modo negamus; quam etsi externo signo declaratum non daret, necessaria tamen nihilominus erat reuerentia; quae etiam conseruata fuit in templo secundo, quanquam aberat tum arca, atque adeo nubes, si quae vnquam adfuit; adytumque a Deo, ut sine arca, ita etiam sine illa nube, putabatur inhabitari.

§. III.

Sed ne cui noua prorsus atque inaudita haec interpretatio visa, hoc ipso nomine, quod saepe fieri, maxime in hoc genere rerum, videmus, reiiciatur, si non et inuidiam pariat: age quaeramus illi auctoritates, quibus etiam nouitatis reprehensionem amoliamur. Quas quidem, cum eo consilio voluerimus illustriorum interpretum libros, non sane tam raras inuenire contigit, inter ipsos adeo, quod maxime mirati sumus, Iudaeorum magistros, quorum
qui

qui plus aliis sapiunt, maiorisque sunt in scriptura
 sacra interpretanda auctoritatis, ita proferunt hanc
 interpretationem, ut eam et naturae sermonis He-
 braei aptam, et contextui vnice consentaneam esse
 dicant; aliis duplicem, ut solent, huic loco sensum
 tribuentibus, aliis nostram interpretationem cum
 illius refutatione solam amplectentibus. In iis de-
 prehendimus esse R. SALOMONEM IARCHIVM ad
 hunc locum, qui sic habet: **כִּי בִּעֲנָן אֶרְאֶה' כִּי חֲמִיד**
אֲנִי נֹרְאָה שֶׁם עִם עַמּוּד עֲנָנִי וְלִפִּי שִׁגְלוֹי שִׁכְיִנְתִּי
שֶׁם יִזְהַר שְׁלֹא יִרְגִּיל לְבָא זֶהוּ פְּשׁוּטוֹ וּמִדְּרַשׁ לֹא
יֵבֵא כִּי אִם בִּעֲנָן הַקָּטָרֶת בְּיוֹם הַכִּפּוּרִים *etenim in*
nube videbor, h. e. quoniam semper videbor ibi cum columna
*nubis meae, et quandoquidem ibi Schechina seu prae-
 sentia mea declaratur, monet, ne crebrius accedat. Hic*
sensus est simplex seu literalis; reconditur vero hic est:
ne accedat, nisi cum nube suffitus die expiationis. Non
 negat IARCHIVS his verbis illum sensum, quem
 nos iis subiecimus, inesse, ita tamen, ut alterum,
 qui faueret communi opinioni, simul amplectatur;
 quae literas sacras interpretandi ratio valde est fre-
 quens Rabbini. Duplicem pari modo loci istius
 sensum indicat etiam KIMCHIVS ad II. Paralip. VI, 1.
 ABEN ESRA ad h. l. ad verba **כִּי בִּעֲנָן** sic scribit:
הַטֵּעַם שֶׁלֹא יִכְנֹס כִּי אִם בַּקָּטָרֶת שֶׁעֲשָׂה עֵנָן וְלֹא
 B 3 יִרְאֶה

יראה הכבוד פן ימ'ת' והנה סעמו לא אודיה נראה
 אליו כי אם בענן ויש אומרים כי פ' כי בענן
 בעבור כי אני דר בענן על חכפרת כטעם יי' אם'
sensus est, ne accedat nisi cum suffitu,
ut fiat nubes, nec conspiciatur gloria, ne moriatur.
Et ecce! sensus hic est: non ero videndus nisi per nubem,
seu cum nube. Et sunt, qui dicant, sensum esse hunc:
in nube, propterea quod ego habito in nube super propi-
tatorio, secundum illud: dixit Dominus, se habitare in
caligine. Nostram interpretationem selam amplecti
 videtur ABEN ESRA, quoniam illam praeponit tan-
 quam suam, et sensum sibi probatum, alteram vero
 affert ut ab aliis prolatam, nec ullo argumento ad-
 struit, aut sibi probari ostendit. Et commode sane
 verba ista לא אודיה כי בענן אראה sic interpretatur
non ero videndus, nisi per nubem
 sc. suffitus. Alia interpretandi ratio est apud ABA-
 RABANELEM ad h. l. cum quo etiam facit R. ABEN-
 DANA ad h. l. in R. BEN MELECH *Michlal Jophi*,
 qui particulam כי hoc loco pro רק positam esse pu-
 tant, ut alii in locis, quae afferunt v. c. Gen. XVII,
 15. XIX, 2. XL, 12. et sensum dicunt esse hunc:
 רק בענן הקטרת אחת בשנה אודיה נראה אליו
 על חכפרת *tantum, seu non nisi, per nubem suffitus se-*
mel per annum videbor ab eo (Pontifice scilicet) super
 oper-

operculo arcae. Atqui hi solam hanc interpretationem amplectuntur, et quod mireris, A BARBAMEL alteram reſcit, et IARCHIVM refutat, quod a Iudæo non expectaueris. Audiamus eum ad iſta verba ופרש"י לפי שגלוי שכינתי: ita differentem: שם יזהר שלא יבא שם בכל עת אבל הכתוב לא הזכיר שתהיה השכינה בענן' גם שבהיותו בענן אנו מונע שיכנס שם' אבל בהפך של היותו מכוסה בענן' יתן מקום להכנס שם' והראיה' Iarchius explicat, quoniam ibi conspicitur Schechina mea, mouet, ne quouis tempore eo veniat. Sed enim textus non dicit, Schechinam eſſe in nube, et ſi etiam eſſet in nube, non eſſet prohibitus, quo minus eo accederet, ſed contra potius, quoniam eſſet teſta nube, daret illi locum eo accedendi. Et hoc eſt probabile ac verum ex eo: et tegat nubes ſuffitus propitiatorium, ne moriatur ſc. Pontifex. Quid ſimplicius pro noſtra ſententia? quid apertius? Mirum proſecto, hæc a Iudæo contra gentis ſuæ quaſi publica placita potuiſſe proferri. Sed ille eſt vir, quem noſtri fere omnes fatentur, ſi non plane errores ſuæ gentis reliquerit, multum tamen et acumine ceteros viciffe, et moderatione. Sed nos his commemorandis nihil aliud efficere volumus, quam vt appareat, hanc interpretationem

pretationem nec nouam esse, nec ipsis adeo contrariae sententiae defensoribus incognitam atque improbatam, cui adstruendae alia atque firmiora argumenta deinde afferemus.

§. IV.

E Christianis interpretibus paucos sane vidimus, qui hanc interpretationem amplecterentur: cuius rei causa forte haec est, quod sacrorum librorum versiones in quaque ecclesia receptae, atque etiam versio nostra vernacula a Lutero nostro profecta interpretationi illi vulgari fauent, nimisque pauci fuerunt, qui totam istam de nube super arca opinionem accuratius excuterent. Itaque vt de loco, e quo ista opinio maxime confirmari videbatur, parum fuere solliciti, neque eum curiosius inspicere atque indagare instituerunt. Affulsit tamen, quasi lux in tenebris, auctoritas magni C. VITRINGAE, inter principes haud dubie interpretum numerandi, qui *L. I. Obs. Sacr. Dissert. II. c. 4. §. 6. 7.* et totam vulgarem opinionem refutauit, et hunc inprimis locum, quem primarium in hac causa esse fatetur, eo, quem attulimus, modo explicauit, omisis reliquis omnibus, e quibus haec traditio solet confirmari atque illustrari: illo enim loco aliter expli-

explicato, cetera illa, tanquam fundamentis subtractis, labant ac corruunt. *Loca*, inquit, a *Buxtorfio* aliisque prolata de commoratione huius nubis apud tabernaculum, et quandoque in priori parte tabernaculi, nulla vero (ἐξὸν ἐπεὶ μετὰ παρήσias) de habitatione huius columnae apud vel supra arcam intelligenda sunt. Et huius tanti viri rationem atque auctoritatem in hoc loco explicando secuti maxime, non putauimus mediocrem inde causae nostrae defensionem accessuram. * Praeter hunc vidi etiam *Seringham*

B 5

mium

* Cum primum in hunc locum *VITRINGAE* incidere, utebamur editione *Obs. Sacr. Franekeranae* anni 1689. Sed cum postea euoluissimus editionem recentiore *Franq. 1712*. sperantes, hanc dissertationem ab auctore auctam esse, vidimus hanc subiectam notam: *Quae hic in prioribus huius libri editionibus collocaueram, nolui delere, quia nostra haec dissertatio viris quibusdam literatis et veri studiosis non displicuit. Nec tamen sententiam,*

*quam hic defendo, haberi velim pro certa. Immo non negabo, me, si non secundis, saltem tertiis curis, pedem coepisse retrahere, et ad gregem Doctorum, quem antea deserueram, retrospectisse. Tu tamen, lector, tuum iudicium tibi hic habe integrum, et rem absque ulla ἰγκλίσει anticipata expendere. Haec cum legissem, non potui non valde mirari, quid tandem *VITRINGA* mouerit, ut relinqueret sententiam, quam antea tam serio tamque subtiliter*

mium commemoratum a VITRINGA, hunc locum sic explicare ad *Codicem Ioma p. 52.* vbi quidem monet, non infrequens esse, vt fumus vocetur nubes, etiam apud Latinos, quod confirmat exemplis. Sed hoc, puto, non est necesse, cum hic ipse fumus in adyto excitatus a Pontifice diserte nubes dicatur v. 13. eiusdem capituli, vt iam supra. monuimus. VITRINGAM secutos etiam esse vidi *Interpretes Anglicanos* ad h. l. nouissime apud nos lingua vernacula editos, qui quidem iisdem fere argumentis, quibus ille vtitur, negant hunc locum posse aut debere adeo explicari de nube gloriae diuinae super arca, sed de nube potius excitanda e fumo suffitus v. 13. Sed quemadmodum Rabbini, si ABARBANELEM exceperis, hunc locum de isto fumo explicantes nihilominus nubem gloriae diuinae in arca confedissee statuunt: sic etiam Interpretes Anglicani, quamuis negent, nubem ibi fuisse, tamen gloriam Dei, h. e. splendorem, diuinae praesentiae signum, inter Cherubinos dicunt effulsisse. Nubem, dicunt, in

tiliter propugnasset. Neque, si quid videmus, aliud quicquam in causa fuit, quam inuidia suorum, quam ea disputatio ne mouerat, cui cedere

consultius ei visum ex ipsius verbis apparere nobis videtur potius, quam veris visum sese intellexisse.

in consecrando tabernaculo refedisse supra tectum, dum interea gloria Dei adytum maximo splendore compleret. Sed iam supra diximus, gloriam Dei in consecrando tabernaculo illud totum complexisse; solum vero adytum occupasse, ita ut nunquam ab eo discederet, non dicitur. Deinde vero magis est probabile, ut diximus, gloriam illam Dei fuisse nebulam aliquam, non solum splendorem, et si vel maxime fuerit, reliquisse tamen videtur, ut uniuersum tabernaculum, ita et adytum.

§. V.

Quod diutius immorati sumus isti loco, in eo hoc magis ignoscent nobis Lectores, quo magis vulgaris eius interpretatio, traditionem istam confirmare videbatur, quoque plures vidimus in ea sententia probanda hoc vno loco afferendo acquiescere. Quoniam igitur ista sententia nihil praesidii nobis videtur ex illo loco accipere, videamus, an forte reliqua, quae ei defendendae vulgo afferuntur, maiorem vim habeant. Neque vero obscure indicant multi, alterum illum locum, Exod. XXV, 22. de quo iam supra diximus, sententiam de nube super arca valde confirmare sibi videri. Vbi cum Deus dicat Moysi, se in operculo arcae praesentem fore, ibique

ibique cum eo collocuturum, colligunt inde, Deum per externum quoddam symbolum praesentiam suam ibi declarasse, nec nisi per nubem cum Mose locutum. Quod quomodo ex hoc efficiatur, non magis video, quam quomodo Iudaei ex Exod. XXIX, 45. ubi Deus dicit שִׁכְנִי בְּתוֹךְ בְּנֵי יִשְׂרָאֵל eandem nubis praesentiam super arca possint adstruere, cum ita hunc locum interpretentur, quasi Deus dicat: collocabo Schechinam meam (per quam h. l. nubem intelligunt) in medio Israelitarum, quae scilicet perpetuo super arca resideat. Nihil enim aliud utroque loco Deus pollicetur, quam se fore praesentissimum populo Israelitico, ita ut etiam habitare inter eos videatur, sibi que locum elegisse super arca inter Cherubinos, quibus tanquam throno insidens Mosi velit responsa dare. Hanc vero suam praesentiam in isto loco declaraturum esse per nubem, nec nisi per eam cum Mose locuturum, id nec uspiam dicitur, neque iis in locis, in quibus commemoratur Deus cum Mose locutus esse in tabernaculo, unquam nubis fit mentio. Non enim, si Deus ille inuisibilis praesentia sua locum aliquem dignatus est, idcirco statim eius praesentiae signum visibile statuisset intelligendus est; nec illa nubes utique signum illud fuisse coniici potest nisi ab iis, qui

ex principe illo loco, de quo iam transeginus, id confici statuentes, explicationem illam sententiamque in mente habent, quae non magis ex aliis locis, ubi collocutus cum Mose Deus narratur, quam ex hoc primo, elici posse videtur. Leu. I, 1. dicitur Deus vocasse Mosen e tabernaculo, eique decreta dedisse, et Num. VII, 89. Moses, quotiescunque Deum vellet consulere, dicitur vocem audisse a propitiatorio. Nihil hic de nube. Neque vero aliquis putet, Deum, ubi voluerit cum Mose alioquoquo loqui, semper usum esse externo praesentiae suae symbolo, quod nec factum semper esse, neque adeo necessarium fuisse, vel ipsae sacrae literae doceant. Quid enim? Quam saepe Deus cum Mose locutus est, ante quam exstrueretur tabernaculum, sine ullo externo signo? quod interdum quidem accessisse non negamus, tanquam cum per rubum ardentem se illi praeberet conspiciendum: in monte vero Sina per signum tale Deum cum Mose semper esse locutum, inde refellitur, quod, cum Deus iam illi responsa ibi dedisset, tandem promisit, se venturum in montem בְּעֵבֶר הָהָרִים Exod. XIX, 9. Nil ergo nisi vocem Dei antea audiuisset, nihil viderat. Quid igitur impedit, quominus etiam in adyto sic Mosen statuamus vocem tantum audisse, nihil vidisse;

disse; Deo nihilominus praesente, loquente autem per *בַּת קוֹל* quam Rabbini vocant, ita nempe, vt claram distinctamque vocem Dei audiret. Certe nihil vltra colligere licet ex Leu. I, 1. et Num. VII, 89. quod iam diximus, vbi diserte dicitur Moses vocem audisse ex operculo arcae, nihil amplius. Etenim ne illud quidem probabile satis videtur, nondum saltem est demonstratum, Mosē, vbi vellet Deum consulere, semper intrasse adytum, locum illum, cuius tanta esset sanctitas, vt eum ipse Pontifex summus sine mortis periculo non auderet ingredi, nisi semel per annum, ac ne tum quidem aliter, nisi caligine rebus sacris per suffitum circumdata, omnibusque summa cum cura ad praescriptam diuinitus normam peractis. Nam etsi nequit negari, Mosi, interpreti et ministro Dei primario, quocum Deus familiarissime et amicissime loqueretur, cui adeo amplissimam sui noticiam concessisset, (Exod. XXXIII, 11. *) plus licitum fuisse, quam aliis, ipsi-

*) Ita enim verba Hebraea intelligenda, non statim de externo praesentiae diuinae symbolo, *יְהוָה אֵל מֹשֶׁה פָּנִים* *יהוה אל משה פנים* quod vulgo vertitur: *locutus est Deus cum Mose facie ad faciem*, nullo sensu. Vario quidem sensu hoc dicitur de Deo, sed ita, vt e contextu facile possit discerni. Hoc quidem in loco esse, quem dixi, verborum sensum,

ipsique adeo Pontifici: non videtur tamen, ob summam loci religionem ac caerimoniam, nisi iussu diuino adytum intrasse; idque non nisi semel factum legimus Num. XVII, 19. vbi Deus iubet eum ingredi adytum, et inferre virgas, at cum iussa Dei acciperet Moses, tum vero in adyto non stetisse, ex ipsis verbis et contexto apparet. Neque vlllo in loco dicitur Moses adytum intrasse eo consilio, vt cum Deo loqueretur, sed simpliciter tabernaculum: vt adeo stetisse potius videatur in sancto, et audisse vocem ex adyto. Hoc apparet, nisi fallimur, ex Num. XVII, 8. vbi dicuntur Moses et Aaron, rebellantibus Israelitis, intrasse tabernaculum, et cum Deus ad Mosen dixisset, se perditurum esse

totum

sum, intelligitur ex sequentibus, vbi additur: *quemadmodum loquitur homo cum amico suo.* vid. *Fagius et Vatablus* ad h. l. Vel cum h. l. verbum loquendi positum sit, פנים de ore, vt parte faciei, intelligi possunt, vt fit idem, quod alio loco de Mose dicitur Num. XII, 8. ei alias solemniter Hebraei dicunt, פנים אל פנים *ora ad os, i. e. coram.*

Quod egregie confirmat versio Chaldaica, quae פנים אל פנים vertit *verbum cum verbo h. e. coram.* Quod 1 Cor. XIII, 12. dicitur, nos esse visuros in altera vita Deum *πρόσωπον πρὸς πρόσωπον*, explicat Ioannes I. Ep. III, 2. *scienti est.* Tum plenissime eum cognoscemus, quoad scilicet poterunt homines.

totum populum, tum ambo procubuisse humi. Ambu igitur hanc vocem videntur audisse, quod haud dubie factum est in sancto. Quae si vera est ratio, illud quoque efficitur, ut videre Moses non potuerit nubem, si vel maxime aliqua esset in adyto super arca. Quod si ingressus utique semper est adytum, nubem tamen ei visam, demonstrari rursus nequit.

§. VI.

Quod haecenus studuimus demonstrare, Deum super arca praesentem quidem, sed non per externum symbolum fuisse conspicuum Mose, neque per nubem illi in adyto responsa dedisse, id maxime confirmari putamus ex eo, quod e sacris libris constat, illam nubem, ducem Israelitarum, quae in tecto tabernaculi conspiceretur, interdum e tecto demissam constitisse in foribus tabernaculi, ibidemque Deum per hanc nubem cum Mose, Aarone et Iosua esse locutum, quod se facturum indicauerat Exod. XXIX, 42. 43. quodque factum esse legimus sic, ubi Deus rebellantes Israelitas compescere, omninoque suam maiestatem toti populo quasi praesentio-rem ostendere, atque adeo de re graui cum Mose vellet loqui. Ipsum vero tentorium eiusque adytum ingressa nuspiam legitur. Sic constitit in fori-

foribus tentorii minoris Exod. XXXIII, 9. maioris Num. XI, 25. XIV, 10. et locutus est Deus per illam cum Mose. Alibi cum Mose et Aarone Num. XII, 5. XVI, 20. XX, 6. 12. cum Mose et Iosua Deut. XXXI, 15. Iam non potest intelligi, quomodo illa nubes, quae constitit super tectum tentorii, seseque demisit interdum cum Mose loquendi causa, eadem fuerit in adyto, perpetua sede sua, nisi diuersam hancce, duasque adeo nubes, aliam extra tentorium, aliam intra illud, libeat comminisci. Si eadem fuerit, dicendum necessario, egressam e sancto sanctorum, ubi demissa a tecto in foribus tabernaculi assisteret, unde reditura in suam sedem, etiam in adytum recederet; omninoque statuendum cum LVNDIO, ut supra diximus, transisse nubem per tectum tabernaculi, ita ut et extra illud in tecto, et intra illud in adyto conspiceretur, quod e sacris libris nullo modo potest doceri. Dicitur enim tantummodo nubes se demisisse a tecto, ubi Deus vellet cum Mose loqui; sublata esse inde, ubi essent castra mouenda, recessisse in tectum, ubi ponenda: ingressa autem adytum, vel egressa inde, nusquam legitur. Quod si alia fuerit nubes in tecto, alia in adyto, haec, ubi proficiscendum erat, sese abscondidit, atque euauit, ubi rur-

sus tabernaculum poneretur, rediit. Sed neque de hoc in sacris literis quicquam relatum legimus.

§. VII.

Cum paucos ante menses viro cuidam Hebraicarum literarum doctissimo, nunc e viuis sublato, institutum meum exposuissem, hoc solo argumento utebatur, quo demonstraret, nubem fuisse super arca, meque adeo ab isto instituto abstraheret, quod saepe diceretur in libris sacris ignis exisse a Domino e. g. Leu. IX, 24. vbi lapsus ignis in sacrificiis X, 2. vbi in filios Aaronis, Num. XVI, 35. vbi in Koraitas; hunc vero ignem venisse e nube, quae fuerit in adyto. Quam sententiam vidi i oster aliis etiam viris doctis placere, in hoc quoque Iudaeorum magistros secutis, ita tamen, ut alii dicant, ignem istum venisse e nube, quae steterit super tabernaculo, alii ex adyto. CALOVIUS ad Leu. IX, 24. a Domino. In Hebraeo, inquit, a faciebus Domini, a propitiatorio, vbi tunc primum Deus statuit aspectabile praesentiae suae documentum. Sic etiam COCCLEIUS in Lexico ad vocem פנים et LVNDIVS Sacr. Iud. L. I. c. 10. ut alios taceam. Vnde apparet, sententiae huic maxime praesidium quaeri ex verbis פנים יהוה quae cum sint ad verbum, a facie Domini,

mini, nubem habent pro ista facie, atque propterea
 è nube venisse ignem opinantur. Sed mirandum
 profecto, tam parum firmo argumento duci quem-
 quam potuisse. Quis enim nescit, quod iam supra
 diximus §. II. vocem מַנִּים apud Hebraeos hoc modo
 poni sine vllò respectu ad aliquam faciem, et verba
 מַנִּים לְפָנֶימָה טַלְפָּנִים על פָּנֶימָה
 praepositionum, quae simpliciter verti debeant,
ante, a, super; vti et videmus haec verba ab his
 ipsis interpretibus aliis in locis verti, nec *faciem* in-
 terpretando exprimi. In hac vero causa aliquam
 vim iis tribuunt, vt scilicet sententiam semel con-
 ceptam inde confirment. Nam etsi negandum non
 est, מַלְפָּנִי voci יְהוָה esse adpositum saepe tum,
 cum Deus externo suae praesentiae signo usus fuit;
 non tamen id propterea factum, quod illud exter-
 num symbolum hac voce exprimeretur, quae rur-
 sus tum quoque ponitur, vbi nullum tale conspi-
 cibile signum intelligi potest, vt Ps. VII, 2.
 רֹחַ מַלְפָּנֵי et Es. LVII, 16. מַלְפָּנֶךָ מִשְׁבְּטֵי יִצְחָק
 יְעֻסָּף Quis non videt hic simpliciter significare
a te, a me. Quod quidem clarissime quoque appa-
 ret inde, quod, quae acta sunt extra adytum in
 sancto, omninoque in tabernaculo, vel etiam extra
 illud, tamen dicuntur in sacris libris facta esse

* יהוה לפני vt Deut. XXVI, 13. vbi primitias offerentes iubentur formulam aliquam recitare לפני יהוה quod recte vertit Iosephus αὐτοῖς τὸ ἅγιον τῶν προσφορῶν *Ant. Iud. IV, 8.* et supra vidimus filios Aaronis mortuos esse יהוה בקרבחם לפני 'Leu. XVI, 1. cf. Leu. IV, 4. Deut. XXX, 11. XVI, 12. Sic etiam sacrificia offerentes, quamuis tentorium non intrarent, tamen dicuntur faciem Dei videre Exod. XXIII, 15. de quo supra quoque vidimus; quod aeque dici potuit, et vere etiam dictum est de templo secundo, vti clarum est ex Zach. VIII, 21. vbi diserte dicit vates, venturos esse olim homines ad templum secundum את בני יהוה Etiam si igitur per se vel aliunde esset certissimum, ignem istum extitisse ex adyto, tamen, externum Dei symbolum ibi fuisse, nisi aliunde constiterit, ex hoc vocabulo non potest colligi. Nec vero video, quae necessitas cogat statuere, eiusmodi symbolum in adyto extitisse, si vel maxime ignis ex adyto prouenerit; ex quo quippe potuit prouenire, si ibi vel sine externo signo praefens fuit Deus. Nam et de coelo, hoc est, ex aëre, missus est diuinitus ignis, et e terra erupit, atque is ipse exisse a Deo dici potest. Quod egregie confirmat locus PHILONIS *L. III. de Vita Moysi p. 676.* vbi eadem com-

commemorat, quae sunt in sacris libris, in dedicando nempe tabernaculo ignem delapsum in victimas, cumque ignem etiam prouenisse ἐξ αἰδύτων, quae forte tum erat communis sententia Iudaeorum. *Ἐκ τῶν αἰδύτων*, inquit, *ἢτε αἰθέρος ἀπόσπασμα τῆ καθαρωτάτης, ἢτε αἴθερος, κατὰ τῶν τοιχείων φύσει μεταβολὴν ἀναλυθέντες εἰς πῦρ, αἰφνίδιον αἰθέρα φλόξ διεκκαίει, καὶ συντόμῳ ἑύμῃ φέρεται μὲν ἐπὶ τὸν βωμὸν, τὰ δὲ ἐξ αὐτῆ πάντα ἐξακαλίσκει, πρὸς, ὅμαι, σαφεστάτην δῆλωσιν, ὅτι ἂν ἀνευ θείας ἐπιφροσύνης ἐπετελεῖτο.* Ex quo loco videmus, PHILONEM quidem putasse, ignem extitisse ex adytis, nec tamen dicere, venisse e nube, quae fuerit in adyto (nam de illa nube plano apud PHILONEM nihil reperitur, de quo infra erit dicendi locus). Dubitat enim, utrum extiterit ex aethere purissimo, an ex aëre in ignem mutato; quod non dixisset, si illi constitisset de nube illa super propitiatorio. Sic et nos ergo possumus cum PHILONE statuere, ignem prouenisse ex adyto, nec tamen ideo dicamus necesse est, nubem ibi fuisse, e qua prodierit. Sed ne hoc quidem certum est, saltem non potest ex locis istis, quae attulimus, omninoque e sacris libris probari. Clarum potius est ex iisdem, ignem istum in sacrificia

filiosque Aaronis lapsum venisse de coelo, vt et alias factum est, v. c. Gen. XV, 17. in sacrificio Abrahami, 1 Reg. XVIII, 38. in ara Eliae, 1 Chron. XXII, 26. in sacrificio Dauidis, 2 Chron. VII, 1. Salomonis, vbi diserte dicitur venisse de coelo. IOSEPHVS vero dicit *Ant. Iud. III, 10.* de sacrificio Aaronis: ἐπικειμένων τῶν ἱερῶν τῷ βωμῷ αἰφνίδιον ἐξ αὐτῶν πῦρ αἰήθη αὐτόματον, καὶ ὅμοιον αἰτραπῆς λαμπρότι οὐράμενον τῇ φλογί, πάντας ἐδοῦσαν τὰ ἐπὶ τῷ βωμῷ. Et de filiis Aaronis refert simpliciter κατεκαύθησαν τῷ πυρὶ ἐπ' αὐτοὺς τὴν ἐρημὴν βαλόντος, vt videatur credere, igne illo, quem attulerant, in eos conuerso periisse: quod etsi est falsum, indicat tamen, ab ista sententia esse alienum, quae ignem istum e nube eliciat. Ac ne quis propterea putet v. c. Leu. IX, 26. a Mose dici ignem venisse e nube, quia v. 25. dicatur *gloria Dei*, qua saepe in sacris libris nubes illa indicatur, *apparuisse*, tumque sequatur; *et ignis exiit a Domino*: doctissimis interpretibus obseruatum iam est, illud ׀ in ΝΣΝ (quae copula apud Hebraeos multas ac varias habet significationes, quod sciunt omnes) hoc loco esse *nam*, atque hunc adeo esse sensum: *gloria seu maiestas Dei toti populo declarata est, etenim ignis est delapsus de coelo in sacrificia*: quod

quod optime expressit *LYTHERVS* in versione: ut adeo per hunc ipsum ignem coelo delapsum diuina maiestas et praesentia declarata esse dicatur, neque adeo illud praesentiae diuinae signum, nubem in tabernaculo, hoc loco indicare voluerit *Moses*.*

§. VIII.

Sed iam reliquis missis, ut leuioribus fere, quae a multis, imprimis a *LVNDIO*, e libris sacris afferuntur, huic sententiae illustrandae, posteaquam id effecisse videmur, ut primis temporibus, cum in itinere essent *Israelitae*, nullam eiusmodi nubem in adyto tabernaculi fuisse appareat; age iam pergamus ad sequentia tempora, et de his quoque videamus, an possit e libris sacris probari, confecto itinere, in terra *Cananaea* nubem super arca fuisse, et quidem primo ante templum exstructum. Est haec communis et *Iudaeorum* et *Christianorum* opinio, neque temere suscepta, nubem illam ducem *Israelitarum*, post mortem *Mosis* saltem, *Israelitis* non amplius visam, et quamquam in hoc quoque mira fabulantur, pro more, *Iudaei*, hoc tamen omnes, quos vidi, consentunt, post mortem *Mosis* eam discessisse. A conspectu igitur populi ab eo tempore remotam quidem fuisse dicunt, mansisse

tamen super arca in adyto, et hanc sibi sedem, quam et ante habuerit, perpetuam retinuisse. Sed ne sic quidem argumenta sibi deesse putant sententiae vulgaris patroni, quibus probent, nubem e conspectu quidem populi amotam, in sancto sanctorum tamen perpetuo remansisse. Iam cum nullus locus extet, qui diserte dicat, post ingressum Israelitarum in terram Cananaeam nubem in arca sedisse, repetunt ante omnia loca illa, de quibus iam diximus, inprimisque Leuit. XVI, 2. quem cum sensu vulgari accipiant, Deum etiam inde colligunt et hoc tempore, et deinde perpetuo usque ad excisum templum in nube sedisse super propitiatorio; et huic iam loco omnia reliqua accommodare laborant. Deinde vero duobus inprimis argumentis vtuntur, quibus hoc persuaderi posse putent. Primo, quod Deus dicatur sedere super Cherubinos, vel inter eos, statim per nubem factum esse statuunt: deinde e maxima arcae sanctitate et caerimonia, neque minus perpetratis ea subinde miraculis, Deum per nubem super ea fuisse praesentem, demonstrant.

§. IX.

Quod ad primum attinet, multa quidem exant in sacris libris, in quibus dicitur Deus *sedere super*

super Cherubinis, tanquam throno suo, v. c. 1 Sam. IV, 4. 2 Sam. VI, 2. 1 Chron. XIV, 6. Pf. LXXX, 2. XCIX, 1. 2 Reg. XIX, 15. Ef. XXXVII, 16. vt alia taceamus: itemque arca dicitur cum Cherubinis scabellum Dei, 1 Chron. XXIX, 2. Pf. XCIX, 5. vnde fit, vt a Paulo etiam dicatur *Θρόνος χαλκῶτος* Ebr. IV, 16. Sed dubitandum certe, quisquamne futurus sit, qui ex his intelligat, nubem fuisse super Cherubinis, nisi iam occupatus ista opinione ad ea explicanda accesserit. Quid enim est, quaeso, in his verbis, quod hoc suadeat? E vocabulo quidem *sedendi* nihil potest colligi, quod quis nescit, vbi de Deo dicatur, humano more dictum, vt in aliis solet verbis fieri, simpliciterque *manendi*, *habitandi*, significationem habere, vt recte obseruat GEIERVS ad Pf. LXXX, 2. Dicitur enim eodem modo etiam *equitare* super Cherubinis Pf. XVIII, 11. vbi tamen ad arcam non respicere videtur Dauides: quo de infra dicendi locus erit. Quodsi ex hac voce tale quid possit colligi, nec minus inde, quod arca dicitur Dei thronus, et scabellum pedum eius; consequens etiam esset, Deum in coelo per aspectabile signum conspici, in quo eodem modo sedere; tanquam throno suo, dicitur. *Sedes mea est coelum*, dicit ipse Deus Ef. LXVI, 1. *terra autem*

scabellum pedibus meis; quo tamen nihil aliud significari omnes fatentur, quam Deum esse regem coeli et terrae, cunctaque vi sua et numine implere; quod alibi dicitur, v. c. Ps. XLVII, 9. *regnat Deus in gentes, Deus sedet in sancto suo solio*. Quid vero? Nonne Deus ipse dicit Ezechieli, cum ei per visum ostenderet templum secundum, hanc etiam fore sedem suam, suumque thronum, cum tamen templo huic arcam defuisse omnes fateantur? Sic enim Ezech. XLIII, 7. *אח מקום כסאי ואח מקום כפרת רגלי אשר אשר אשכן שם בתוך בני ישראל* Clarum igitur est, his omnibus locis, ut et reliquis similibus, hoc tantum significari; Deum super arca quidem esse praesentem, et Cherubinibus tanquam throno insidere, sed non alio modo, quam quo fuit in templo secundo, sine ullo externo signo, de quo nihil ex eiusmodi quidem locis constare possit, quae omnino magis ad illustrandam hanc opinionem, si aliunde constaret, quam ad probandam valere videntur.

§. X.

Idem dicendum nobis videtur de reliquis argumentis, quae opinioni isti porro confirmandae afferri solent. Quod enim dicunt, maximam fuisse
arcae

arcae sanctitatem, quam ne tangere quidem praeter
 sacerdotes vlli fas cuiquam esset, eaque, vbi arca
 venerit in castra Israelitarum, Deus venisse dicitur
 Ios. XXIV, 14. tantaque adeo reuerentia illi habita
 sit: hinc, praesentem in ea Deum vim exseruisse,
 colligamus licet, sed non illico conspicuum huius
 praesentiae signum, nubis videlicet, attribuamus.
 Tota enim arca erat symbolum praesentiae diuinae,
 cui simpliciter Deus adesset sine alio simbolo. Non
 apparet certe, quomodo hoc sit consequens, vt nu-
 bes necessario adfuisse censenda sit. Accedit, quod,
 si vel maxime nubes adfuisset in adyto super arca,
 non probabile tamen sit, eam super arca etiam
 mansisse, vbi extra adytum elata esset arca, siue ad
 exercitum ducendum, siue alio quo portaretur;
 quaeque adeo miracula per eam perpetrata legan-
 tur, fufis saepe hostibus, et Palaestinis propter
 eam maxime vexatis, quae ipsa in subsidium vo-
 cantur a quibusdam, ea non nubi cuidam super
 arcam aspectabili, sed praesentiae diuinae ipsi per
 se tribuenda sint. Quid enim? si nubes ab arca in-
 diuulsa in exercitu quoque adfuit, ad Palaestinos
 etiam, cum arca ab iis capta esset, cum eadem
 transiit? quod quidem nemo facile admissurus vi-
 detur, nec vero credibile ex eo, quod Palaestini,
 hac

hac nube conspecta, facile haud dubie intellexissent, hanc esse diuinam sedem, eamque adeo timuissent, nec tam facile recepissent. Neque vero illud credibile, libros sacros hanc rem siluisse, si a Palaestinis visa fuisset nubes; quod neque hoc loco, neque in aliis dicitur, solius semper arcae mentione facta. Quid vero iis, qui hoc velint defendere, magis esse aduersum potest, quam quod, absente etiam arca e tabernaculo, non solum sacra peracta a sacerdotibus, tanquam adesset, sed etiam facta esse dicantur לפני יהוה. Doegus ab Abimelecho cum sancto inclusus esset, dicitur fuisse לפני יהוה 1 Sam. XXI, 7. quamuis tum abesset arca. Ex quibus omnibus conficitur, ut illa, si qua fuerit, nubes nec arcae ipsi, nec adyto utique tam adstricta et assidua fuerit, quam vtrunque fuisse pariter velint sententiae illius propugnatores: qui quantis difficultatibus ex omni parte premantur, deinde pluribus demonstrabimus.

§. XI.

Visum etiam quibusdam, nominatim LVNDIO, atque RELANDO *Ant. S. Hebr. P. I. c. 5. §. 27.* hinc argumentum suppeditari, quod dicitur Pf. XCIX, 6. 7. Mosi, Aaroni, atque etiam Samuclis Deus apparuisse in nube; quam negant aliam fuisse

fuisse ab ea, quae super arca federit. Sed si vel maxime diceretur Samueli Deus apparuisse per nubem, consequens tamen non esset, ut illa ipsa nubes haec fuerit ex arca. Neque enim adytum ingressus dici potest, ut eam posset videre. Neque vero hoc eo in loco dicitur, qui tantum, quod male erat intellectus, hoc persuasit. Videamus ipsa verba: משה ואהרן בכהגו ושמאל בקראי שמו קראים אל יהוה ודוא יענם בעמיד ענן ידבר אלהם. Quoniam igitur Moses, Aaron et Samuel in antecedentibus sunt, putant etiam sequentia, quibus dicitur in nube cum iis locutus esse Deus, ad Samuelem itidem pertinere. Sed ad Moysen tantum et Aaronem referenda esse, non ad Samuelem, demonstrarunt alii, inprimis GEIERS ad h. l. *De Samuele*, inquit, *tale quid non legitur, adeoque affixum non ad singula spectat, quae praecedunt, sed ad subiecta tantum duo priora, simulque ad remotiora.* Hanc vero esse consuetudinem loquendi apud Hebraeos, multis exemplis potest confirmari, et demonstratum est ab ipso GEIERO, v. c. Pl. XVIII, 15. XLIV, 3. Gen. XIX, 13. 2 Sam. XXI, 14. Refertur igitur ad Samuelem tantum hoc, quod Deum inuocauerit, et hic responderit illi, fueritque propicius.

§. XII.

Cum igitur nulla possint e libris sacris testimonia idonea afferri, quae persuadeant, nubem hoc quidem tempore fuisse super arca in tabernaculo: dispiciamus tandem, quid dicendum sit de argumentis iis, quibus volunt demonstrare, nubem fuisse super arca in templo. Primarium repetunt ex 1 Reg. VIII, 10. 11. 12. coll. 2 Chron. VI, 1. VII, 2. 3. ubi dicitur Salomo, exstructo templo, arcam inferri iussisse per solemnem pompam in templum, et quidem in locum suum, nempe in adytum; quo simulatque posita fuerit a sacerdotibus, egressis illis ex adyto, nubem ita impleisse totam domum, ut ne stare quidem sacerdotes possent, et sacrificare, densissima nebula impediti. Eius autem rei miraculo percussos homines instruxisse Salomonem his verbis: אמר יהוה לשכון בערפל *Deum dixisse, se habitare in caligine.* Hanc igitur nubem et hanc caliginem esse volunt illam ipsam nubem, quae in adyto locum suum super Cherubinis tenuerit. Apparet autem ex his, factum in dedicando templo, quod factum esse vidimus in consecrando tabernaculo, eademque adeo huic rationi esse respondenda, quae supra ei opposuerimus. Dicitur enim itidem gloria Dei, quae
voca-

vocatur nubes diserte 1 Reg. VIII, 10. 11. 2 Chron. V, 13. 14. totam domum impleſſe, atque etiam viſa fuiſſe a Iudaeis ſuper tectum templi 2 Chron. VII, 3. vt olim ſuper tabernaculo conſecrando, et in eodem, conſpecta fuerit; quae vti diſceſſit deinde a tecto, et templi ſanctuario eiusque partibus, ita deceſſit etiam ex adyto, vbi non ſolum arcam, ſed reliqua etiam ante oppleuerat: omninoque clarum eſt, Deum quidem hac ratione populo oſtendiſſe, ſe praefentem huic templo fore, vt antea tabernaculo fuerat, ſuam vero Schechinam, ſeu nubem, hoc modo templi adyto intuliſſe, quae ibi perpetuo maneret, ex his locis non poteſt iudicari. Maximum vero huic opinioni praefidium quaerunt in verbis Salomonis, qui in hoc ſpectaculo admonuit, hoc illud eſſe, quod Deus dixerit, לשכון בערשׁל, de quo integra extat diſſertatio ad calcem *Apparatus Hiſt. Crit. Antiquitatum S. Cod. et Gentis Hebr.* a I. G. CARPZOVIO v. c. editi, vbi ita explicatur, vt Salomo voluerit hoc ſignificare: Deum promiſiſſe, ſc habitaturum in caligine, ſeu nube, quod idem eſt: atque ex eo colligitur, Salomonem intelligere hac caligine nubem illam, quae in arca foederis fuit. Atque id vti vere a Deo promiſſum eſſe adpareat, affertur locus ex

Leuit.

Leuit. XVI, 2. vbi, ex vulgari interpretatione, Deus dicit, se appariturum in nube super propitiatorio. Sed clarum est, hunc locum, si vel maxime sic esset capiendus, quod tamen supra negauimus, tamen huc non posse trahi. Salomo enim hac sua oratione ad nubem respicere non potuit, quam in adyto super arca fuisse dicunt, cum eam nec ipse, nec populus potuisset videre, sed ad eam potius, quae fuit per totum templum diffusa; et in hac ipsa nebula, quae totum templum oppleuerat, dicit adesse Deum: quod inde demonstrat, quia Deus dixerit *se habitaturum*, seu *habitare* (vtrouque enim modo potest hoc verbum explicari, et sic forte melius ac simplicius) *in caligine*: vt adeo Salomo, visa hac nube totum templum replente, hoc dicere voluerit: Deus dixit, *) *se habitare in caligine*, hoc esse

*) Quaeritur, vbi hoc dixerit Deus, se habitaturum, vel habitare in caligine. Leu. XVI, 2. huc trahi non posse ostendimus. Magis huc pertinere videtur Exod. XIX, 9. vbi dicit Deus Mosi, *se venturum ad eum in caliginosa nube*; qui locus

hic et ipse solet afferri. Cum autem praeter hunc nullus in sacris libris extet, vbi Deus dicat diserte, et sine aliquo additamento, se habitare in caligine: dici forte poterit, ex diuino quodam libro, qui in numero Canonorum non esset, qualesque

esse suae praesentiae signum, sic suam se praesentiam solere declarare; atque ex ista nube intelligimus,

lesque fuisse nemo ignorat, hoc habuisse Salomonem; aut a maioribus veluti per manus ipsi traditum fuisse. Quae enim necessitas adigit, ut, quod *dictum* a Deo sit, in sacris literis etiam *scriptum* quaeramus? quasi non praeterea multa Deus dixerit, quae nec perscripta literis, nec ad nos prodita sint? Ceterum fatemur, Deum *caliginis incolam* dici propterea, quod praesentiam suam per nubem solitus sit inde a principio rerum saepe manifestare, ubi voluerit cuiquam apparere, quem admodum etiam per ignem: quod propterea Deum fecisse Moses indicat Deuter. IV, 4. ne visa aliqua specie alia, idolum sibi facerent Israelitae, proclives ad idololatram, ut alias causas ta-

ceam, optime explicatas a CARPZOVIO l. c. Inde factum est, ut, ubi scriptores sacri vellent Dei maiestatem humano more exprimere, eum nube, tenebris et caligine tantum describerent, ut est apud Davidem Ps. XVIII, 10. XCVII. 2. E quibus locis quidem apparere videtur, Davidem, cum per prosopopoeiam Dei maiestatem, et Hebraico quidem more, describeret, respexisse ad descensum illum Dei in montem Sinam, ut demonstrat GERIUS ad h. l. non vero ad nubem in propitiatorio, ad quam eum respexisse quidam coniiciunt propterea, quod illum Psalmum XVIII. conscripsisset post victos hostes, quos quidem sine dubio arcae et nubis super illam praesentia percussos fuisse,

D

mus, hoc domicilium, quod exstructum ei est, illi esse gratum atque acceptum, illudque perpetuo Deum inhabitaturum. Et quis non videt, Salomonem et reliquos hoc signo certissimos reddi potuisse de praesentia Dei perpetua in templo, non secus ac olim Moses et Israelitae, cum etiam tabernaculum tali nube, praesentiae diuinae signo, inauguraretur; neque adeo fuisse necessarium, ut haec praesentia alia nube in adyto declararetur. Quod vero dicunt, hac nebula, quae totum templum oppleret, Deum quasi induxisse Schechinam suam, seu nubem, in adytum, sumunt illud quidem, sed non probant, nec potest magis ex hac loco demonstrari, quam, ante exstructum templum in adyto fuisse, e libris sacris doceri. Neque Deum per caliginem illam quicquam aliud voluisse indicare, quam suum id fore domicilium, suamque sedem, imprimis vero in adyto super Cherubinis, ut antea factum; nubem autem praesentiae suae sym-

se, nube tum illos horrendo aspectu et tonitribus fulminibusque terrente, in fugamque vertente. Quas meras esse coniecturas, ortas non nisi ex opinione illa de

nube super arca, quilibet videt. Illa enim cuncta nihil aliud significant, quam diuinum auxilium Israelitis adfuisse, terroremque hostibus quocunque modo incussum.

symbolum nullum adyto-intulisse perpetuo ibi man-
surum, clarissime puto demonstrari inde, quod
Ezechiel, cum videret templum secundum ad prae-
scriptam a Deo formam, vidisse etiam dicitur hanc
nouam domum *repletam gloria diuina*, quae itidem
nebula indicaretur, Ez. XLIII, 4. 5. et rursus dici-
tur *plena fuisse aedes gloria diuina* Ez. XLIV, 4.
Eccesi! id ipsum est, quod Deus voluit significare
Ezechieli hoc viso, hanc quoque aedem fore suam
domicilium, nec minus in eo templo se habitatu-
rum, quam in priori Ez. XLIII, 7. Atqui afuisse
secundo templo Schechinam illam omnes fatentur.

§. XIII.

Sed ex hoc ipso Ezechiele afferuntur a RE-
LANDO *Ant. Hebr. l. c.* et LVNDIO quaedam, quae
vincere videantur, nubem in templi adyto super
arca fuisse. Dicitur enim Ezechiel per speciem
oblatam vidisse in templo primo gloriam Dei, tollen-
tem se a Cherubo IX, 3. X, 4. et in eundem locum
residentem X, 18. 19. tandemque a Cherubinis
sublatam exiisse ex vrbe, et in monte constitisse,
qui esset extra urbem versus orientem XI, 22. 23.
Sed ibi quidem primo diserte dicitur, non diuersam
fuisse hanc visionem ab illa, quam viderat ad aquam,

Chebar X, 15. 20. vbi item super Cherubinis vide-
 rat gloriam Dei I, 28. et vbi certe non intelligenda
 arca cum Cherubinis, quae fuit in adyto. Ac si
 vel maxime ibi quoque templi sp̄ciem vidit, non
 tamen omnino dicitur vsp̄iam Ezechiel vidisse hanc
 speciem ita, vt sibi videretur esse in adyto. Sed
 si vel hoc concedamus, non tamen consequens est,
 quod eo tempore, ad certum aliquod Dei consi-
 lium, per speciem, non in rerum natura, conspe-
 xerit extra se raptus vates, id vere ac semper in
 templo adfuisse. In visis enim prophetiis, vbi
 Deus reuelare aliquid vatibus vellet, suamque iis
 praesentiam declarare, necesse vtique erat, per
 signum et speciem aliquam se iis praebere conspi-
 ciendum, quod quidem per nubem vel ignem sem-
 per eum fecisse constat. Hoc igitur symbolo, seu
 nube, seu fulgore super Cherubinis praesentiam
 suam quidem declarare voluit Ezechiel, atque etiam
 indicare, se ab eo loco discessurum, quem huc
 vsque habitauerat; mox enim futurum erat, vt et
 tota vrbs et templum excinderetur; sed ex hoc
 non consequens, vere ac perpetuo ibi fuisse hoc
 symbolum. Etenim si omnia, quae vidit Ezechiel
 per istam speciem, sic se habuissent in adyto, Che-
 rubini etiam fuissent viui, et mobiles, et habuif-
 sent

fent sub se rotas, inter se prunas X, 2. 6. 9. templumque perpetuo fuisset repletum nebula et gloria Domini, aspectabile adeo praesentiae diuinæ symbolum in atrio quoque semper apparuisset X, 3. 4. quod nemini vnquam ex hoc loco in mentem venit. Vide omnino hanc Ezechieli oblatam speciem egregie explicatam a BERN. LAMIO de *Tabernaculo et Templo* L. III. C. V. Sect. 3. vbi id maxime in rem nostram monet, in visis vatum vsu venisse, vt Deus per nubem vel ignem se praeberet conspicuum, neque tamen ex his conicit, nubem super arca perpetuam fuisse; quemadmodum nec omnino auctor iste toto illo libro, inprimisque, vbi de arca agit Schechinæ vllam mentionem iniicit, quod recte ac scienter eum fecisse, omnes agnoscent.

§. XIV.

Sed iam veniendum est ad loca quaedam Noui quoque Testamenti, e quibus et ipsis vulgo solet haec opinio de nube super arca confirmari. Huc referunt primo Ebr. IX, 15. vbi omnia, quae in sancto et adyto fuerint, enumerat Paulus, et Cherubinos appellat $\chiερουβιμ δόξης$, ea, vt putant, de causa, quod $\eta δόξα Θεῦ$, seu nubes, et inter eos et super iis resederit. Sed demonstrandum erat,

χερουβίμ δόξης vllō loco sic dici propter nubem,
 quod nemo fecit. Manifestum vero est, illud sub-
 stantivum per hebraisimum notissimum pro adie-
 ctivo habendum esse, vt sit, *Cherubini gloriosi*,
 ἐνδοξοί, vt, *nomen Dei gloriosum*, כְּבוֹד שׁוֹ PŁ.
 LXX, 19. Ac si vel maxime propterea Cherubi-
 nos gloriosos velis dictos, quod Deus inter eos fe-
 derit, nondum tamen id suadebit, vt per nubem
 quoque ibi resedisse agnoscamus. Deinde vero cla-
 rum est, χερουβίμ δόξης hoc loco significare potius
Cherubinos splendoros, aureos nimirum: δόξαν enim
 saepe significare splendorem ac dignitatem, patet
 ex 1 Cor. XV, 41. vbi est, ἄλλη δόξα ἡλίου, ἄλλη
 δόξα σελήνης, ἄλλη δόξα ἀστέρων, *alius splendor*,
alia dignitas, solis, alius lunae, alius stellarum,
 2 Cor. III, saepe positum est hoc vocabulum, et
 quidem in διλογίᾳ, mox enim *splendorem*, vt v. 7.
 vbi Paullus dicit non potuisse ἀτενίσαι τὰς ὕμους
 Ἰσραὴλ εἰς τὸ πρόσωπον Μωυσέως, διὰ τὴν δόξαν
 τῆ προσώπῳ αὐτοῦ; mox *dignitatem* significat. Et
 hunc esse usum loquendi apud Hebraeos et Noui
 Testamenti scriptores, multis constat, v. c. ex Ef.
 XXII, 18. vbi commemorantur *currus gloriae*, quos
 vertit LUTHERVS optime, *currus splendoros, pre-
 tiosos*. Philipp. III, 21. dicitur Christus commuta-
 turus

turus esse *σῶμα τῆς ταπενώσεως ἡμῶν*, corpus nostrum miserum, quod affligatur calamitatibus ac miseris, vt fiat simile *τῷ σώματι τῆς δόξης αὐτοῦ*, corpori suo glorioso. Vnde potius ex illo loco contra hanc opinionem videtur argumentam posse depro-
mi. Si enim vere fuisset nubes super arca, Paul-
lus certe hoc loco, vbi omnia tam diligenter com-
memorat, quae fuerunt in adyto, praecipuae illius
partis, nubis, mentionem non omisisset, idque di-
fertis fecisset verbis, saltem quam haec, quae nunc
ibi leguntur, clarioribus. Sed hoc non adeo vrgea-
mus. Videamus reliqua.

§. XV.

Alius locus est Rom. IX, 4. quem et ipsum
favere sententiae sententiae suae, contra quos di-
sputamus, existimant. Optat ibi Paullus, vt fiat
ἀνάθεμα ὑπὲρ τῶν ἀδελφῶν σε, τῶν συγγενῶν σε
κατὰ σάρκα, ὅτινές, περὶ εἰσιν Ἰσραηλῖται, ὧν
ἡ υἱοθεσία, καὶ ἡ δόξα, καὶ αἱ διαθήκαι, καὶ ἡ νομο-
θεσία, καὶ ἡ λατρεία, καὶ αἱ ἐπαγγελίαι. Atqui
per hanc *δόξαν* alii putant intelligi arcam, alii nubem
super arca. Sed vbi *δόξα* simpliciter, nulla antea ar-
cae mentione facta, significet illam arcam, locus nul-
lus potest proferri; quod item intelligendum de eo,
quod *δόξα* significare dicunt nubem, quam vbi tan-

quam externum praesentiae diuinae symbolum denotat, semper adiectum habet τὸ Θεῷ vel Κυρίῳ. Deinde vero, cum haec scriberet Paullus, arca iam non extabat. Atqui Paullus videtur hoc loco loqui de bonis perpetuis, quibus adhuc possent gloriari Israelitae. Plus igitur intelligendum, ut existimat CALOVIVS ad h. l. et latius exponenda illa δόξα, ita nempe, ut sit illa propria ipsis gloria, quam habebant prae reliquis gentibus, ut essent filii ac populus Dei, ut tot miracula facta essent pro iis, quod etiam vult HVNNIVS ad h. l. Hoc sensu etiam verbum δοξάζειν est Sapient. XIX, 22. κατὰ πάντα, κύριε, ἐμεγαλύνεις τὸν λαόν σου, καὶ ἐδόξασας, καὶ ἔχῃ ὑπερεῖδες καιρῷ καὶ τόπῳ περισσάμενος. Planum vero est, his verbis ad antecedentia respici, ubi commemorantur miranda Dei facta, et liberatio Israelitarum ex Aegypto; ut adeo sensus sit: Deus populum suum glorificauit edendis miraculis, eumque ex Aegypto educendo.

§. XVI.

Plura quidem addere possemus loca, quae huic probandae opinioni afferri solent. Sed ne nimium excrescat haec disputatio, hic subsistimus, sperantes, primaria saltem nos attigisse. Itaque hoc
trans-

transacto, pergamus ad alteram disputationis nostrae partem, qua, ut proposuimus, demonstrandum erit, hanc traditionem nullis scriptorum veterum, qui antiquiores saltem Rabbini sint, e quibus ducta est, testimoniis confirmari, sed altum in his esse ea de re silentium, eamque adeo nec ab hac parte admittendam. Non obscurum quidem nobis est, huic argumento, quod a silentio scriptorum sumitur, exiguam vel nullam admodum vim a multis tribui, idque recte saepe fieri concedimus: sed non utique tum, cum eiusmodi scriptores rem aliquam silent, qui sint fide digni, atque ipsa res sit ea, quam et scire optime potuerint, et cuius commemorandae et occasionem et causam ac necessitatem adeo, cum reprehensionisque metu, si omitterent, habuisse videantur. Quod si in nostra causa demonstratum dederimus, tum vero hoc argumentum in hac re vim habiturum non leuem speramus. Silent autem de hac re scriptores antiquissimi, antiquiores certe istis Rabbini, a quibus accepta traditio ad nos peruenit, IOSEPHYS et PHILO, qui si non maiorem, at parem merentur fidem, in hac utique causa fide dignissimi, de qua edocti esse optime potuerunt, cum essent ambo Iudaei. Deinde nubem istam silent iis locis, ubi commodissima erat

occafio atque etiam caufa eius commemorandae, nec poterant recte eam praetermittere.

§. XVII.

De IOSEPHO primum videamus. *Ant. Iud. III, 5. 6. 7.* historiam refert IOSEPHVS constituti tabernaculi, totamque eius descriptionem ac formam cum omnibus; quae in eo fuerint: et c. 5: primum, vbi eius descriptionem exponit, hoc tabernaculum ostendit totius vniuersi huius naturam significasse, in quo quidem adytum referret coelum, quoniam esset inaccessum sacerdotibus, τὸ τειχίον, inquit, αὐτῆς sc. σκηνῆς, μέρος ὃ τοῖς ἱερεῦσι ἢ ἄβατον, ὡς ὕψαιος αὐτὴ εἴη τῷ Θεῷ. Quod repetit c. 8. vbi dicit mirandum esse, qui homines odio prosequantur Iudaeos propter perpetuam opinionem de iis conceptam, quasi per impietatem numen contemnant, quod ipsi assiduo cultu venerentur. Si quis enim tabernaculi fabricam contempletur, et sacerdotis ornatum (de quo etiam initio huius capitis discruerat) et vasa, quibus inter sacrificandum vti essent, intellecturum esse, legislatorem ipsum diuinum quendam virum fuisse, et falso adeo impietatis calumnia iis impingi: quae si quis omnia sine inuidia, seu partium studio, et prudenter

ter consideret, in his omnibus vniuersitatis rerum naturam quodammodo designatam inuenturum. Tabernaculi enim trifariam distributi duas partes sacerdotibus esse concessas, quae quasi mare et terram significarent, tertiam vero partem assignatam esse Deo, quia coelum etiam hominibus sit inaccessum. τὴν δὲ τρίτην μοῖραν, inquit, μόνῳ περιέχεσθαι τῷ Θεῷ, διὰ τὸ καὶ τὸν ἁγνὸν ἀνεπιβάτον εἶναι ἀνθρώποις. Assignatum soli Deo dicit IOSEPHVS, eoque inaccessum hominibus, non aliam ob causam, quam quod esset Dei sedes. Sed quid hic de nube? Non sane credibile, IOSEPHVM hoc in loco rem omisurum fuisse, vbi commodissime tradere posset, tanto quidem magis, quanto maius et fortius hoc esset argumentum refutandis aduersariis, quibus cum hic disputat IOSEPHVS, quibus non alio modo potuisset clarius demonstrare, Deum ipsum inter illos habitasse, Iudaeosque adeo esse verissimos ac Deo carissimos Numinis cultores. Ne vero quis dicat, IOSEPHVM hic loqui de adyto in vniuersum, non de arca et Cherubinīs, quae fuerit sedes illius: age videamus et illum locum, quo arcam cum Cherubinīs describit qui est c. 6. Ibi, cum eius formam et speciem descripsisset, nihil addit nisi hoc, operculo eius impositas fuisse duas effigies, quas

Hebraei

Hebraei Cherubes vocarent, inque hanc arcam repositas tabulas legis. Quam opportuna et hic fuisset occasio commemorandae nubis, si illi quicquam de ea constitisset?

§. XVIII.

Ne vero hic quis opponat, IOSEPHUM propterea hoc loco nondum mentionem nubis iniecis-
se, quod, cum inferret arcam sic a IOSEPHO descri-
ptam Moses adyto, nondum descenderit nubes:
primo, cum Iosephus in vniuersum hoc loco de
arca agat, sine dubio etiam de ista nube dicere de-
bebat. Quod si quis neget, videamus iam, an de
illa aliquid dicat eo loco, quo dedicationem taber-
naculi refert, qui est c. 10. eiusdem libri, vbi qui-
dem eodem fere modo commemorat, quae sunt
Exod. XL. Perfecto enim tabernaculo, inquit;
ἐπέδειξε αὐτὸν ὁ Θεὸς ἡσθύντα τῷ ἔργῳ τῶν Εβραίων;
καὶ μὴ ματην αὐτὸς ποιήσαντας ὑπερφηφάνια
τῆς χρήσεως, ἀλλ' ἐπεξενώθη καὶ κατεσκήνωσε
τῷ ναῷ τέτω, τὴν δὲ παρθυσίαν ἕως ἐποίησεν. ὁ
μὲν ἔργανός καθαρός ἦν, ὑπὲρ δὲ τὴν σκηνὴν μόνη
ἤχλυσεν, ἕτε βαθεῖ πάνυ νέφει καὶ πυκνῷ περιλα-
βὼν αὐτήν, ὥστε εἶναι δύοξαι χειμέριον, ἕτε μὴν
λεπτῷ ἕως, ὥς τε τὴν ὄψιν ἰχθυαί τι δι' αὐτὴν
κατα-

κατανοῆται etc. Nihil hic Iosephus nisi hoc, Deum descendisse per nubem super tabernaculum, velut certissimum argumentum, se illi fore praesentem. De nube vero, quae simul descenderit in arcam, perpetuo ibi commoratura, nec hoc loco, nec alibi quid apud Iosephum dicitur, sed ubi de nube agit duce Israelitarum, nihil aliud, quam super tabernaculum eam semper constitisse perhibet, ut est etiam in sacris literis; in ipso vero tabernaculo fuisse, nusquam dicit. Conf. *Ant. Iud. III, 13*. Quam commode vero et hic dici poterat, si quid de nube super arca IOSEPHO constaret, atque adeo debebat? Idem silentium est eo in loco, quo dedicationem templi describit IOSEPHVS, eodem fere modo, quo est in sacris literis. Sic enim *Ant. Iud. VIII, 3*. ἐπεὶ δὲ πάντα διακοσμήσαντες αἱ ἱερεῖς τὰ περὶ τὴν κιβωτὸν ἐξηλθον, ἄφνω πύλημα νέφελος ἡ σκληρὸν, ἃ δ' ὅλον ὥρα χειμῶνος ὑετὲ γέμον ἴστανται, κεχυμένον δὲ καὶ κεκραμμένον εἰς τὸν ναὸν εἰσπρέβου καὶ τοῖς μὲν ὄψεσι τῶν ἱερέων, ὡς μηδὲ καθορᾶν ἀλλήλους ἐπεσκέτεται ταῖς δὲ διανοίαις τῶν ἀπαίων φαντασίαν καὶ δόξαν παρέσχεν, ὡς τῷ Θεῷ κατεληλυθὸς εἰς τὸ ἱερόν καὶ κατεσκευασμένος ἡδῶς ἐν αὐτῷ. Diciturigitur IOSEPHVS, egressis sacerdotibus ex adyto nebulam totum

tum templum occupasse, non solum adytum, quod etiam est in sacris literis; atque ea re hanc omnibus cogitationem esse excitatam, ut Deum intelligerent praesentem ac libentem hoc domicilium sibi cepisse. Haec igitur apparet a IOSEPHO non alio modo accipi, quam quo a nobis sunt explicata. Atqui videtur IOSEPHVS hoc certe loco rem commemoraturus fuisse, si ita, ut volunt, fuisset; ut appareret, nubem vel ante, vel ab hoc saltem tempore in adyto fuisse, nec ita, ut factum videmus, rem totam siluisse. Neque etiam credibile, IOSEPHVM in vniuersum hanc rem non commemoraturum, si illi de ea constitisset, ac ne vno quidem loco eius mentionem iniecturum fuisse, cuius iniiciendae causam haberet gratissimam. Cum enim, quod iam diximus, nihil maiori futurum honori erat populo Israelitico, quam hoc, si Deus per aspectabile quoddam signum apud eos habitaret, ut certissimum praesentiae suae pignus: IOSEPHVS utique hoc commemorasset, in hoc triumphaturus, seque et populum suum magnifice ostentaturus aduersariis Iudaeorum, sicut a Rabbiniis fieri videmus, qui eam commenti hae maxime de causa videntur; idque adeo quidem magis, quod in aliis quoque rebus videmus, IOSEPHVM res suae gentis augere potius,

potius, quam deprimere, et gloriam suae genti, quibus possit modis, captare, quod ipsum solet a viris doctis ei saepe exprobari. Neque minus clarum est, eum hanc rem sine culpa et maxima reprehensione non potuisse omittere. Quomodo enim in tam diligenti expositione ceterarum rerum illud taceret, quod esset sane maximum et praecipuum, cuius comemorandi occasionem non certe vnus sed multa loca suppeditarent? Si de illa non tacuerat nube, quae atrium et sacrarium occupauit, cur de illa longe potiori taceret, quae in adyto resideret? Omiserit multa Iosephus, male etiam multa et parum diligenter tradiderit: hoc quidem nec omisisse potest, nec vero male tradidisse, quod ad omnium cognitionem ipsius quidem temporibus necessario peruenisse debuit, si quidem existit.

§. XIX.

Idem censendum de PHILONIS auctoritate, qui ipse filer hoc iis locis, vbi non magis quam IOSEPHVS sine reprehensione poterat omittere, profecto comemoraturus, si quidem de ea ipsi constitisset. *L. III. de Vita Moysi p. 668. 669.* enumerat omnia, quae fuerint in adyto et sacrario, ibique describit arcam cum Cherubinīs, et quidem sic, vt
signi-

significationem earum rerum arcanam simul exponat, quod eum vbique studiosissime facere constat. Atqui hoc certe in loco, nec in alio potius, nubis illius mentionem fecisset, si quid ipsi de ea constitisset, significationemque eius arcanam exposuisset. Is, qui allegorias tam libenter captat, in iis quoque rebus, vbi leuior materia est, num illud omisisse putandus est, in quo recte ac legitime posset ingenium exerceri, de quo optima quaeque possent dici? Sic de aliis locis PHILONIS censendum, veluti *Lib. de Temulentia p. 260.* vbi itidem mystice explicat tabernaculum, et quae in eo fuerint, dicitque tandem fuisse inaccessum omnibus, nisi quod soli Pontifici semel omnino per annum licuerit ingredi, causamque addit: *ἐπειδὴ καὶ ἐξ ἀπάντων μένος ὁ τῶν αἰτωμάτων καὶ ἀφθάρτων ἀγαθῶν πτηνὸς καὶ ὑράνιος ἔρως ἐδιδαιτᾶται.* Ad Cherubinos hic manifeste respicit PHILO, dicitque Deum super iis habitare, non autem in nube; quam certe etiam hoc loco commemorasset, nec minus arcanam eius significationem, quam hoc loco in aliis rebus tam anxie et ingeniose quaerit. Locus maxime insignis est *Lib. de profugis p. 465.* vbi locutus de arca eiusque operculo subiicit: *ποιητικῆς δὲ καὶ βασιλικῆς, τὰ ὑπέπερα καὶ ὑφιδρυμένα χερυβίμ ὁ δ' ὑπεράνω τέτων*

τῶν λόγος Θεός, ὡς ὁρατὴν ἐκ ἡλθε ιδέα, αὐτὸς
 μηδενὶ τῶν κατ' αἴσθησιν ἐμφερῆς ὢν, ἀλλ' αὐτὸς
 εἰκὼν ὑπάρχων Θεὸς, πᾶν νοητῶν ἀπαξάπαντων ὁ
 πρεσβύτατος, ὁ ἐγγυτάτω, μηδενὸς ὄντος μεθορίας
 διαστήματος, τῇ μόνῃ ὁ ἐστὶν ἀψευδῶς ἀφιδρυμένος,
 λέγεται γὰρ, Παλήσω σοὶ ἀνωθεν τῇ ἰλαστικῇ ἀνὰ
 μέσον τῶν δυοῖν χερσβίμ, ὃθ' ἡνίοχον εἶναι τῶν
 δυναμέων τὸν λόγον, ἔποχον δὲ τὸν λαλῆντα ἐπι-
 κελευόμενον τῷ ἡνίοχῳ τὰ πρὸς ἐρῶν τῇ παντὸς
 ἡνίοχῃσιν. Hic tantum abest, ut PHILO dicat, nu-
 bem fuisse super arca, ut potius contendat, λόγον
 illum, qui super ea fuerit ex illo: *Loquar tecum*
ex operculo inter Cherubinos, non cadere in speciem
 aspectabilem, nec rei sensibili esse similem. Quo-
 cunque sensu hoc dicat PHILO, clarum tamen ex
 eo, nihil ei plane de nube illa fuisse cognitum;
 quae si fuisset, non incognita esse potuisset antiquis-
 simo et eruditissimo, et sacerdotalis generis viro,
 cui quare minor fides habeatur, quam Rabbiniis,
 et non longe potius maior, non video. De alio loco
 PHILONIS, nempe *L. III. de Vita Moysi p. 676.* su-
 pra iam vidimus §. VII. quae hoc loco non repetē-
 mus, ex quo et ipso clarum esse diximus, de nube
 ista nihil ei omnino fuisse cognitum.



§. XX.

Sed iam, quod tertium erat ex iis, quae proposuimus, id quoque nunc agemus, ut ipsius rei naturam consideremus, quomodo sibi constet, si illa traditio fuerit probata. Deus cum Israelitas educere vellet ex Aegypto per inuia loca ac deserta in terram Cananaeam, se ipsum voluit comitem ac ducem iis praebere, idque per signum externum et aspectabile, per nubem, ut de praesentia pariter et amore ipsius certi, spem caperent certissimam finiendi tandem erroris, sedisque, quam Deus promiserat, obtinendae. Non igitur alio consilio haecce nubes a Deo adhibita dicitur in sacris literis, quam, ut dux viae esset Israelitis; nec perhibetur alii praeterea usus ab initio statim destinata a Deo fuisse, quasi, ut simul in tabernaculo super arca resideret, quod nec per se videtur probabile. Nec enim necessarium erat, cum Israelitae nubis illius quotidiano aspectu, quae eos praecederet, fatis certi esse possent vel sic praesentiae diuinac ac tutelae, neque causa idonea erat, quare Deus, idque semel quotannis, nec alio quodam modo, sed item per nubem, soli Pontifici in secreto se conspiciendum praeberet. Vbi vero Deus per nubis illius ductum Israelitas in promissis sedibus collocasset,

casset, perfecto itinere, euauit illa nubes, cuius iam nullus usus esset, nullum consilium. Ab hoc vero tempore neutiquam videtur adeo necessarium fuisse, aut tantae utilitatis, ut Deus aspectabili signo super arca habitaret, cum Israelitis satis iam certo esset persuasum, habitare Deum inter ipsos, qui et maiores suos tantis beneficiis ornasset, qui-que etiam promississet Mosi, se perpetuo inter eos habitaturum, et quidem super arca, quamuis non aspectabili symbolo, quod ne aspicere quidem magis potuissent, quam adytum illud, ubi esset, ingredi: ut adeo ipsa potius arca fuisse videatur diuinæ praesentiae signum, cuius summa erat religio ac caerimonia ex instituto diuino, per quam etiam saepissime Deus miracula ederet. Sola poterat arca omnes illos usus praestare, qui nubi tribuuntur. Si hoc signo populus praesentiam agnoscere debebat diuinam, (aliud enim consilium habere illam nubem potuisse, non prius credere cogemur, quam prolatum fuerit) cur in eo loco apparebat hoc signum, quo nemini adire, nulli quicquam conspiciere licebat? Cur non potius in sacrario, aut alio quo magis conspicuo loco? An ut soli Pontifici, qui omnium minime dubiam habere praesentiam diuinam poterat, semel anno quoque in ar-



cano, suffitus nebula conspectum adimente, appareret (cum ne apparere quidem per suffitum posset) totum in annum loco illo inaccessu refedit? Parum sane credibile. Sed non vna haec difficultas est, qua premantur atque impediuntur huius sententiae defensores. Etenim, quod supra exposuimus, quomodo nubes illa simul extra tabernaculum et intra illud super arca fuerit, nisi duas nubes comminiscamur, vel nouis nos difficultatibus induamus, vnde non nisi per ea, quae probari nullo modo queant, exitus detur. Vid. quae diximus §. VI. quae hic non repetemus. Ac ne illud quidem facile explicaueris, quid factum sit etiam post finitum iter in ipsa terra Cananaea ante exstructum templum, cum translata toties arca ad exercitumque sit ducta. Si dixeris, nubem super arca fuisse etiam extra tabernaculum: primo iam inadyto non fuisse, deinde ad Palaestinos quoque transisse, dicendum erit. Si vero sumseris in tabernaculo mansisse, ibique tantum super arca constitisse, euauisse dicenda erit toties, quoties tabernaculum alio transferretur; quae vero per arcanæ facta dicuntur miracula, non nubi tribuenda, sed ipsi praesentiae maiestatis diuinæ, quae cum ipsa arca sine ullo alio signo externo semper fuit coniuncta.


§. XXI.

§. XXI.

Quae cum ita sint, quid est cur sententiam eiusmodi amplectamur, quae nullis librorum sacrorum auctoritatibus nixa, non possit locis probari nisi iis, quae aut aliter commodius explicentur, aut, primariis illis aliter explicatis, nec infixa iam animo illa opinione, explicari secundum eam non possint: quae nullis scriptorum idoneorum testimoniis confirmetur, omissa iis in locis, vbi, si qua fuisset, necessario esset commemoranda: quae denique tot ac tam iniquis difficultatibus semet ac propugnatores suos impediat? Certe nemo tam iniquus erit, nobis ut irascatur, qui has dubitationes proferendi ius nobis quoque esse duxerimus; quam si ab aequitate Lectorum nostrorum atque humanitate veniam tulerimus, satis feliciter euenisse nobis putabimus, et si neminem ad nostras partes transducere potuerimus. Ceterum auertendae inuidiae causa quasi deprecatoris alicuius auctoritatem, auxilio in extremo, adhibere videtur magni VITRINGAE verba, e loco a nobis supra laudato: *Sufficiat dicere, arcam habitationis diuinæ symbolum fuisse, et locum inter Cherubinos ideo praesens habuisse Numen, quia voluntatis suae reuelatione inde profecta praesentem se Israelitis testabatur Deus. Non dubita-*

*mur, quin aduersa sententia multum debeat Iudaeis;
qui de praerogatiuis suae gentis magnifice loqui solent,
etsi inter eos aliqui sint, qui hic loci plus ceteris
viderunt.*

II
VINDICIAE
TRACTATVS DE NVBE S.A.F
COMMENTO IVDAICO
OPPOSITAE
IO. EVERHARDO RAVIO
THEOLOGO NVPER HERBORNENSI
CLARISSIMO



AD PRAEFATIONEM

In ipso statim limine Disputationis oppositae Cel-
RAYIVS mihi meaeque causae eo nomine in-
uidiam facere studet, quod ausus sim *contraire uni-*
uersae eruditorum cum Iudaeorum, tum Christianorum
cohorti, in praef. p. 2. Sententiam meam esse Iu-
daeis ad unum omnibus, ipsisque adeo Christianorum
doctissimis semper improbatam, p. 18. Vulgaris
vero cantilena eorum, qui vel solis ex auctoritati-
bus pendent, vel plus iusto saltem iis tribuunt,
alienisque magis quam suis oculis verum solent di-
gnoscere; qua leuitate ablatos plerumque ad opi-
niones inanes et commenta ingeniorum vanissima
deferri non est mirum. Nam hi ut aliquem vident
opinionem vulgari se opponere, ita statim occinunt:
tu vero noua atque inaudita profers; tu consensum
atque auctoritatem doctissimorum hominum laedis!
Quasi vero hoc ad defendendam sententiam temere



susceptam, vel ad faciendam aliter sentienti inuidiam, sufficiat. Quantum peruersa haec cum aduersariis disputandi ratio in omni controuersiarum genere semper dominata fuerit, et nunc quoque regnet, pluribus iam persequi non attinet. Etsi his temporibus, quorum ambitio, leuitasque dicam, an liberalitas, noua et insolita tentantibus plus etiam, quam satis tutum sit, iuris atque auctoritatis, immo licentiae concessit, deferbuisse haec inuidia debebat, et deferbuisse mihi videbatur,

Pauca tamen suberant priscae vestigia fraudis.

Ceterum non possum non mirari multorum impudentiam, qui confidenter satis ad consensum doctissimorum cuiusuis aetatis proſuocant; quod, cum in rem praesentem ventum fuerit, longe secus se habere reperiās. Quod est magno conatu fucum facere lectoribus. Im vt verissimum sit, quod ponitur falsumque subinde arguitur, doctissimos homines in aliqua re consentire, non tamen illud pro certo veri signo habendum, nisi aliunde constiterit, manifestum est. Quam multa enim olim a doctissimis hominibus acerrime defensa sunt, quae recentiorum temporum instructior doctrina acriorque subtilitas eodem consensu in erroribus ponit; neque quis-

quisquam, si hac conditione standum sit, contra inueteratos errores hiscere ausit, nullus inuestigando vero in qualibet disciplina aditus pateret, omnia coeco assensu essent tenenda, quaecunque antiquitas extra controuersiam esse statuisset. Quis ad tam inepta prolabatur? Prolabuntur autem eo, quamuis non diserte, tacite tamen, qui semper consensum doctorum in defendendis opinionibus suis crepant.

Vt omnino igitur illegitimum illud est, nec quod causam meam vere premat, argumentum; ita si vel maxime vim aliquam per se possit habere, frustra tamen a Cl. RAVIO mihi opponitur: cum et ipse sibi in eo parum constet, et consensus ille doctissimorum, ad quem prouocat, non verus sit, sed plane confictus. Mirari primo subiit inconstantiam Viri boni, quod in me reprehendisset vitii loco, id ipsum committentis in addita ad meum libellum *Dissertatione de Libamine facto in sacra mensa, per vulgatae eruditorum opinioni, atque hos inter Cl. Adr. Relandi sententiae opposita*. Num igitur ipse dubitauit discedere a sententia vulgari, et quidem eorum, quos dicit sacri idiomatis rituumque et caeremoniarum Mosaicarum peritissimos? An, quod sibi licere credidit, iure quidem, id nos sumere nobis,

non

non ferendum putauit? In quo quidem iisdem rationibus vsum esse vidi, quibus ego vsum sum: vulgarem opinionem niti maxime subiecta fide Rabinorum recentiorum, sed neque ex contextu sacro per legitimam interpretationem confirmari posse, nec habere suffragatores PHILONEM et IOSEPHVM, testes eius rei grauissimos. Quod si idonea Cl. RAVIO videbantur haec argumenta, vbi ipse iis vteretur in sua causa; me adhibentem quo iure reprehendit? ipse in re probabili dissensum doctissimorum nec curabat nec timebat, quid eundem in me inuidiae faciendae causa criminabatur? Miram vero inconstantiam, vt lenissime dicam! nonne hoc est, contra semetipsum pugnare?

Sed et in eo mihi vere iniuriam facit, quod causatur, me sententiam defendere *Iudaeis ad unum omnibus*, ipsorum adeo *Christianorum doctissimis* semper improbatam, et *contraire uniuersae cum Iudaeorum tum Christianorum cohorti*: quod oppido falsum esse, clamant allata a me testimonia Iudaicorum et Christianorum interpretum, etsi ea in alienum sensum contorquet D. RAVIUS, de quo suo loco dicemus: placet enim in his Vindiciis ordinem ac tenorem dissertationis sequi. Sed nec aliae deerant auctoritates, quas addere potuisssem, si in illis magnum meae

meae causae adiumentum posuisssem, qui argumentis potius, quam auctoritatibus, pugnandum putabam. Nunc, cum mihi ab hac parte lis mota sit, plures, easque haud spernendas, adiiciam; non eo tamen consilio, quasi nunc magis iis confidam, sed ut abstergam arrogantiae notam mihi adpersam, ut contrariari auso cum Iudaeorum tum Christianorum interpretum cohorti. Iudaeis recentiores non ad unum omnes a me dissentire, sed eorum doctissimos a meis partibus stare, infra dicendi locus erit; iam Christianorum interpretum spicilegium adiiciemus.

Atque inter primarios quidem ecclesiae antiquioris doctores, qui de illa re iudicare possent, neminem potuimus reperire, vulgari opinioni suffragantem. Omnes omittunt nubis super arca mentionem, quemadmodum PHILÒ et IOSEPHVS, in locis maxime opportunis, in quibus eam, si quidem de ea ipsis constitisset, non possent sine vitio reticere. CLEMENS ALEXANDR. *Strom. V. p. 563. ed. Paris. Sylb.* ubi de omnibus, quae fuerint in adyto, nominatim de arca et Cherubinis exponit, earumque rerum, ut solet ἀλληγορημάτων captator, mysteria indagat, nihil commemorat de nube; non praetermissurus utique tam bellam allegoriae tra-

tractandae materiam, si eius ullam notitiam habuisset. Ne quis autem obiiciat, non huc aduocandos esse Patres, qui literas hebraicas vel leuiter degustarint, vel plane ignorarint: age, perlustremus imprimis illos, qui omnium consensu hebraice docti fuerunt. Praeceptorem sequitur ORIGENES *Homil. IX, ad Leuit. e vers. Ruffini*: laudato enim vers. 1. et 2. cap. XVI. addit: *ex quo ostenditur, quod si in omni hora introeat in sancta non praeparatus, non indutus pontificalibus, neque hostiis, quae statutae sunt, praeparatis, neque propitiatur prius Deo, moriatur cet.* paullo post idem repetit: *non omni hora introeat in sancta ad altare, sed cum fecerit prius ea, quae fieri mandantur, ne forte moriatur*: quae est verissima interpretatio, quam et nos sequimur. De duplici deinde aedis parte, sic disputat: *Secunda aedes interior est, solo a priori discreta velamine, inter quod velamen arca testamenti, et propitiatorium, super quod Cherubim duo statuta sunt cet.* nubem super arca fileat utpote ipsi ignotam. Quomodo autem filuisset, si Leuit. XVI, 2. vulgari sensu accepisset: *in nube videbor super propitiatorio*? Cum in eo iam sit, ut adyti, arcae et Cherubinatorum significationem mysticam explicet: num credibile est, cum primarium, quod dicunt, praesentiae diuinæ symbolum

bolum consulto neglexisse, quod largam ipsi, quem-
 admodum a recentioribus factum est, ἀλληγορημά-
 των materiam suppeditasset? Maiorem vim in hac
 re habet silentium HIERONYMI, qui, quod omnes
 norunt, a magistro Iudaeo literas hebraicas edo-
 ctus, nimis saepe aliis in rebus pendens ab eius et
 tribulium auctoritate, hac leuitate ineptissima in-
 terdum amplectitur. Atque adeo, cum et ipse
 HIERONYMVS prae aliis sedulus sit in venandis
 allegoriis, indulgeatque ingenio tam prolixè, ut e
 rebus minutissimis multa cum argutatione sensum
 mysticum extorquere tentet: ab illo sane inprimis
 expectandum erat, ut in huius quoque symboli ex-
 plicatione ingeniosum se praestaret, quod tamen
 nullo in loco, ne maxime quidem opportuno, fe-
 cit. Ad Psalm. XCVII, 2. ענן ורעל סבבתיך
 mire argutatur, quae sit illa nubes, et violentissime
 huc trahit Ps. XXXV, 6. Es. XIX, 1. Matth. XVII,
 12. Nonne proclivius erat, nubem super arca
 huc aduocare, si quid de illa constaret? quod fa-
 ciunt recentiores in loco simili 1 Reg. VIII, 10. ut
 §. XII. a nobis dictum est. Ad Ps. LXXX, 1.
 XCIX, 1. ubi Deus insidere dicitur Cherubinis,
 veram quidem Dei praesentiam isto in loco HIERO-
 NYMVS praedicat, sed non symbolicam per nubem,
 cuius

cuius nullam hic facit mentionem. Ad Pl. XCIX, 7. ita commentatur: *Locutus est Dominus de nube filius Israel; sed et deinceps afflatus est Apostolorum de velamento carnis assumtae, in quo divinitus obumbrata latebat.* Nubein extra adytum recte intelligit HIERONYMVS, per quam saepe cum Mose et Aarone, spectantibus Israelitis, collocutus est, nec aliam intelligi posse diximus §. XI.

Ex aliis doctoribus veteris ecclesiae, hebraicae linguae plane ignaris, et vnicè pendentibus vel a Graeca τῶν ό, vel a Latina versione, mirum non est, si quos reperias locum Leu. XVI, 2. de nube aliqua super arca intelligere; quamquam solum vidimus THEODORETVM in *Quaest. XXII. ad Levit.* ad hanc interpretationem deflexisse, ita tamen, ut ab opinione Iudaeorum, quam nos oppugnandam sumimus, et ipse alienum sese ostenderet. Εν τεύθει δὴλον inquit l. l. αὖς ἐν τῷ ἱλατηρίῳ τὴν δικεάν ἐπιφάνειαν ὁ δεσπότης ἐπρεῖτο ὁ Θεός· καὶ τὴν δικεάν ἐμφανῶν ἀγαθόγητα, ἐκ ἐν γιόφῳ, καὶ καπνῷ, καὶ πυρὶ, καθάπερ τῷ Ἰσραὴλ, ἀλλ' ἐν νεφέλῃ φωτοειδῇ ἐωρεῖτο. In nube pellucida praesentiam suam exhibuisse Deum, dicit, non in fumo et igne, ut Israelitis: ergo ab opinione Iudaeorum et Christianorum sequacium plane abest,

ean-

eandem nubem, Israelitarum antea in itinere ducem, in adytum deinde statuentium. Videtur autem praeterea THEODORETUS credere, hanc nubem pellucidam tantum die expiationis, vel obsecrationis sollemnis, visam fuisse, nec in arca perpetuam sedem fixisse, quod Iudaeorum est commentum; alio enim loco, ubi per singula eundo arcam describit, nubis illius non meminit, facturus utique, si pro symbolo praesentiae divinae perpetuo illam haberet. Adposui locum commemoratione dignum, e *Quaest. LX. in Exodum*. De arca loquens ita pergit: *Επέκειτο δὲ ταύτῃ τὸ ἱλαστήριον. ταῖς πτέρυξιν τῶν χειρῶν αὐτοῦ σκιαζόμενον ἐν τῷ τόπῳ οὗτο ὁ τῶν ὅλων Θεὸς τὴν ἀσπίδα ἐπιφάνειαν ἐποιεῖτο*. Perpetuam ibi sedem fixisse Deum dicit; *ἐπιφάνειαν* enim simpliciter est *adventus*, *habitatio*, *adspectus* nulla ratione habita, ut Tit. II, 11. THEODORETUM vero his verbis externum symbolum plane excludere confirmant verba sequentia: *ἐπεὶ δὴ γὰρ ἡ θεία φύσις αἰεδαίος τε καὶ ἀχρημάτιστος, ἀόρατος τε καὶ ἀπερίληπτος, καὶ τῆς τοιαύτης ἐξίας ἐκὼνα τεκτῆνασθαι παντάπασιν τῶν αἰδυνάτων, τὰ σύμβολα τῶν μεγάλων αὐτῷ δωρεῶν εἶδεν κτῶσαι προσέταξεν. αἱ μὲν γὰρ πλάκες τὴν νομοθεσίαν ἐδήλουν, τὴν ἱερουσύνην ἐκείνης, τὸ δὲ μάντιον*

τὴν ἐν ἐρήμῳ τροφὴν, καὶ τὸν ἀχειροποίητον ἄρτον
 τὸ δῶμα ἱλαστήριον τῆς προφητείας σύμβολο ἦν.
 Naturam divinam per imaginem nullo modo effingi
 posse ponit; symbola vero fauoris non extra arcam
 eminuisse, sed intra eam latuisse, in tabulis legum,
 manna et virga; totum tandem propitiatorium pro
 symbolo προφητείας omninoque praeientiae diui-
 nae, sed non naturae diuinae, habet; in quo qui-
 dem rectissime THEODORETVM iudicasse, vltro
 concedimus, ipsique assentimus. Quae vero in
 hoc loco differit, nullo modo conueniunt cum iis,
 quae supra de nube pellucida super arca dixerat:
 e quo facile intelligas, THEODORETVM ad istam
 interpretationem superiorem quasi inuitum tractum
 esse, cum e sola versione Graeca pendens vsum τῆ
 ΠΑΤΡΟΣ nesciret.

Vnum praeterea ex antiquitate Christiana
 testem satis idoneum laudasse suffecerit, CYRILLVM
 ALEXANDRINVM, virum doctissimum, *Glaphyr.*
ad Leuit. περὶ τῆ μὴ εἰσερχεσθαι τὸν Ααρὼν δια-
 παντὸς εἰς τὰ ἅγια τῶν ἁγίων. Quamvis ille ver-
 sionem Graecam Leu. XVI, 2. in hac dissertatione
 fundamenti loco ponat, nullam tamen mentionem
 nubis cuiusdam super arca iniicit, sed de ratione
 solum disputat, qua ingrediendum esset Aaroni ady-
 tum,

ium, τίνος γένοιτο τρόπον, καὶ ἔχ' αἰμάρτοι τῷ
 πρέποντος. Ad v. 13. delatus de thuribulo su-
 mendo sic ait, *T. I. Opp. ed. Aubert. p. 373.* "Αν-
 δρακας δὲ δὲν ἀπ' αὐτῷ λαμβάνεν τῷ θυσιαστηρίῳ
 προστίταχεν, ἔσω τε ἀποκομίζεν, τῷ τῷ, ἐσώ-
 τερων τῷ καταπετάτματος. ἐπιτάττει δὲ ἕως
 αὐτοῖς πλήρη τὴν θύακα λεπτῷ θυμιάματος ποιεῖν,
 ἔ καὶ εἰς πέρας ἐνηνεγμένω, καλύψει, φησὶν, ἡ
 αἰτμή τῷ θυμιάματος τὸ ἱλαστήριον τὸ ἐπὶ τῶν μαρ-
 τυρίων. ΤΥΠΟΣ ΔΕ, ΗΝ ΑΥΤΟΥ Ο ΧΡΙΣΤΟΣ,
 ὅς τέθυται μὲν ὡς μόχθος ὀλοκαυτῆταί γε μὲν, ὡς
 κριός, καὶ ὅλην ἐπιπύπλησι τὴν ἀγίαν σκητὴν, τέ-
 τεσι, τὴν ἐκκλησίαν, τῆς νοητῆς εὐσεμίας cct. E-
 quo apparet, CYRILLUM nubem ex odoribus, qua
 implendum erat adytum renouendumque a conspe-
 ctu propitiatorium, pro symbolo praesentiae diui-
 nae, typoque Christi habere; non aliam nubem su-
 per arca positam, quam si statueret, in hac sane
 potius typum quaereret. Sed ne prolixior sim in
 afferendis auctoritatibus, quod inuitus, nec nisi ab
 aduersario prouocatus, feci: e recentioribus vnum
 saltem, sed grauissimum sententiae meae defenso-
 rem laudabo, LUTHERVM, quem quisque sine
 dubio inter doctissimos literarum sacrarum inter-
 pretes, et iudices harum rerum elegantes ac subti-

les referat. Is vero LUTHERVS ab opinione Iudaeorum de nube super arca alienissimus reperitur, in *Commentar. ad Pl. XVIII, 11. ascendit super Cherubim et volauit cet. Tom. 11. Opp. Lat. Ien. fol. 188.* Amplectitur hic sententiam HIERONYMI, qui Cherubim ἀλληγορικῶς explicat, veram sapientiam, quam docent ministri legis et promissionis, seu gratiae, si recte tractetur. *Equitat igitur, pergit ille, seu vehitur Dominus super Cherubim in spiritu et veritate, quando per fidem in nobis regnat, quae ministerio utriusque verbi in nobis paratur. Nam quod noscer super Cherubim, Ebrarus aptius dicit, vehitur seu equitat, ut vocale regnum fidei in nobis exprimat. Non ergo noster Cherub ulli loco offixus est, sed ubicunque verbum Dei fuerit, ibi super Cherubim sedet Dominus per Christum, et regnat in nobis. VNDE ET IN FIGURA ILLVD SERVATVM EST, QVOD SVPER PROPITIATORIVM ET CHERVBIM NIHIL ERAT POSITVM, QVOD VIDEBATVR, SED SOLA FIDE CREDEBATVR ILLIC SEDERE DEVS, et inde, inquit, loquar ad te. Ita nobis, non nisi fide creditur Deus in Christo habitare, quod credimus testimonio Cherubim utriusque testamenti, nec licet nobis undelibet expectare verbum Dei, nisi ex propitiatorio Christo. Sumit igitur ille pro re certa satis atque explorata,*
super

super propitiatorio, praeter Cherubim, nihil fuisse positum, quod in oculos incurreret, sed sola fide intelligi, ibi Deum habitare. Ergo nugas Iudaeorum de hac ipsa re spernit, quas quidem sine dubio norat, ut cetera eorum commenta et peccata in grammaticis et historicis: unde grauitur illos eorumque sequaces subinde reprehendit, probe edoctus, quam parum fidei his hominibus tribuendum sit, vel per incitiam, vel consulto in Christianae religionis ignominiam saepissime delirantibus. Ceterae infra in Dissert. adiectae de LUTHERO in eandem sententiam diximus.

AD §. I.

Iam statim in principio D. RAVIVS mouet I. controuersias vanas ad rei summum discrimen et caput non pertinentes. II. Ratiunculis utitur a possibili et probabili petitis, quae in re historica nihil valent. — כבוד, gloriam Dei, quae visa sit Israelitis, dixi vel nubem vel splendorem esse eximium, quo Deus maiestatis suae praesentiam declararet; utroque enim symbolo semper usus est Deus in colloquio cum hominibus: quod et nunc defendimus. Sed mentem nostram minus affecutus est Cl. RAVIVS, כבוד scilicet nomen est commune denotandae

maiestati diuinæ quouis modo patefactæ, siue per nubem id fieret, siue per ignem; illud interdiu, hoc noctu fiebat. Moses cum aliquando peteret a Deo aspectabilem maiestatis eius declarationem, eodem verbo utitur: videre cupiebat כבוד. Notissima hæc sunt, nec dubitationem admittunt. D. R. tamen in alia omnia discedit, et כבוד inprimis splendorem putat significare, sed permutari cum nube ita, ut ubi iungantur *nubes et gloria*, sit *nubes gloriosa* intelligenda, *coruscans; radios spargens*, unamque adeo inuoluere alteram, nubemque esse vehiculum ignis seu gloriæ p. 26. Hæc vero quid sunt, nisi commenta hausta e Rabbinis, qui ita Schechinam suam describunt. Eadem vestigia legens LVNDIVS sub hac forma aeris incidendam curauit, ut radios undique per nubem spargeret. *Pictoribus atque poetis, cet.* Facilem me præberem in his omnibus Doct. RAVIO concedendis, cum ad rei summam non pertineant; nisi me eo nomine grauitèr per paginas multas reprehendisset, quod non eandem tibi inftarim. Abundet suo ingenio quisque, gratisque sumtis exultet! Aliam, licet non meliori successu mihi h. l. motit. *Nubem* fuisse dixi vel *nebulam*, quæ tabernaculum replet, intròcuntesque impediret. Hic nodum in scirpo quæ-

quaerit: indignum facinus, clamat, nubem cum nebula confundi; acerbique tam nefanda. molientem perstringit; quod subinde illi facere mos est. Nec mihi modo, sed etiam Cenforibus Gottingensibus indignatur, qui mei defensionem in hac quoque causa susceperant. Ita ille in *Praef. p. 7.* *Audi facinus non minoris abolitae! Pro nube tabernaculum et templum ingressa D. Thal. substituerat nebulam cito transiitram. Sciscitabar mecum, vndenam eam arripuerit, qui noram nec Mosén illam tradere, nec alium vetustum auctorem. Mirabar, quid illud esset, quod mentem antagonista tam constanter et pertinaciter obnubilaret. Magis mirabar, eam nebulam ab illo, quasi traduce, ad se delatam admittere Cenforem Gottingensem, nec solum admittere, sed etiam sacra omnia physica commouere, ac defendere, inter nubem et nebulam nihil interesse. Si verum amasset cenfor, nouandi pruritum illum saltem virgula censoria notasset, ni fontem erroris denudasset. Neque enim D. Thal. nebulam illam suapte ingenio exsculpfit, sed fortuito arripuit ex inepta et insubida versione Gelenii apud Iosephum ad §. 18. Tantane animis caelestibus irae in re tam leui? Serio igitur acriterque defendit, nubem et nebulam toto coelo differre; quod discrimen quae ratio physica aut grammatica illi di-*

stauerit, ignoramus; non enim addidit ullam rationem, nec addere potuit; sed fletit pro ratione voluntas. Non ex meo tamen ingenio hanc nebulam concepisse, sed e versione Gelenii apud IOSEPHVM effudisse hæriolatur; quam versionem tamen illo loco nec adscripsi, nec consului. Scilicet a Gelenio demum discendum erat, quod omnes scirent. Nam et nebulae et nubes e vaporibus gignuntur, et passim uniscentur, eandemque vim habent et *tegendi et obsecrandi*, quæ hic maxime spectatur.

Sed argumentis II.) pugnat Cl. R. a possibili et probabili petitis. Credibile esse negat sine nube fuisse propitiatorium, thronum Dei, ex quo oracula redderet Pontifici; alioquin enim fuisse *solum infessore vacuum p. 29. imaginarium, quod in sola mente et cogitatione populi insideret p. 30. sine ista nube aspectabili solatio carituros fuisse Israelitas prae temporibus antegressis, cum per Moysen ederet oracula sub eiusmodi symbolo; totam oeconomiam illorum temporum fuisse umbratilem, ergo Deum ipsum, vel Dei filium, non minus umbratile quid induisse, suæque diuinitatis, tanquam gloriæ, humana olim carne quasi nube velandæ, visibile pignus et figuram extare voluisse. Egregias vero ratiunculas, quas recitasse sat fuerit; cum sese refellant ipsæ. Sine aspectabili sym-*

symbolo thronum Dei in propitiatorio *infigere vacuum et imaginarium* dicere, vereor, ne prudenter, ne pie satis dictum sit, cum diserte Deus promiserit, se ibi praesentem se exhibiturum. Vbinam dixit, se praesentem maiestatem *perpetuo* adstricturum esse externis symbolis? Veteris vero testamenti fideles tam stultos praedicare, ut non nisi per adspecabile quoddam diuinae praesentiae pignus possent verum capere solatium, quae ratio est? Auerfa haec sunt profecto laudi, ab ipso Spiritu S. illis tributae per totum c. XI. Ep. ad Hebraeos, Mosi inprimis *χ. 27.* Nec tamen eiusmodi symbolo plane illi carebant; *ἱλαστήριον* enim ipsum verus et idoneus erat Christi typus, teste Apostolo; nec alius typus statuendus, ex regula sanorum Theologorum, nisi qui per ipsum Spiritum S. sic indicatus. Nec minus tota arca symbolum erat praesentiae diuinae; quamquam non placet sententia eorum, qui naturam Christi humanam per eandem fuisse adumbratam statuunt ex Coloss. II, 3. 9. tolerabilior tamen illa est coniectura, quam Cl. RAVII et aliorum, qui in nube super arca figuram humanae Christi naturae quaerunt; vere enim nubem captant et somnia. Tabernaculum in consecratione totum permeasse nubem, atque adeo etiam

adytum, refert Moſes: nil praeterea: D. R. autem, cum reliquis opinionis Iudaicae patronis, illam ipſam nubem ſtatuit, deinde *intra ſe collectam, in ſancto ſanctorum ſuper arca conſtitiffe, ſedemque ibi fixiſſe perpetuam.* Poſtulo eius rei argumentum hiſtoricum. Non poteſt ſe expedire Cl. R. niſi prouocet tandem ad Leu. XVI, 2. ad commune vltimumque totius opinionis perſugium, quo nunc per diſputationis noſtrae ſeriem ipſi delabimur. Antequam ad hanc pugnam, quam ipſe *decretoriam* vocat, ventum fit, iam *de pleniffima victoria obtinenda gloriatur, p. 24.* Sat feſtinanter et cupide!

AD §. II.

Cum hic locus Leu. XVI, 2. pro claſſico habeatur a diſſidentibus, arcemque rei in illo ſitam ipſe Cl. RAVIVS profiteatur, *p. 40.* non poterat fane non in ipſo tuendo ſummopere laborare, quaſi pro aris et focis dimicandum eſſet, omniaque congerere, quibus nouam noſtram, quam immerito vocat, interpretationem redargueret. Quod qua fortuna factum ſit, lectores iudicent. Nos vero ſi in vindicanda noſtra ſententia hic paullo fuerimus longiores, veniam facile laturos ſperamus; in ceteris,

ris, quae ad causae discrimen parum faciunt, paucis defuncturi.

Male omnino causam suam agit D. R. cum reliquis, quos secum sentientes habet, quum hunc locum primum et classicum dicunt, ex eoque uno totam rem confici putant; in quo vehementer eos falli facile demonstrari potest. Classicum locum illum tantum licet agnoscere, qui de re aliqua pronuntiet verbis tam clavis, ut per legitimam interpretationem non nisi unum sensum admittat, qui e tota orationis serie, ex rei ipsius natura, ex argumentis tandem historicis ita confirmetur, ut cuique mediocriter attendenti satisfacere ad firmitatem assentiendi possit. Quorum nihil in locum hunc cadere, manifestum satis est. Grammatica enim ratione verba aequae facile utramque interpretationem admittunt, et vulgarem, et quam ego defendendam sumsi; כענן enim significare potest in nube, et cum nube; quemadmodum est in hoc ipso contextu: v. 3. כפר — בזות cum his — cum iuuenço; cuius rei idonei satis testes sunt Grammatici Hebraei, qui eundem sensum nobiscum huic loco reddunt, ut ad §. seq. dictum est. Vulgaris deinde interpretatio nihil habet adiumenti neque e contextu

tu, neque ex ratione aliqua probabili, neque ex argumentis historicis, quae omnia contrarium suadere demonstrauit. Quomodo ergo tandem pro classico loco possit haberi, ad defendendam vulgarem sententiam, *in quo arx totius causae posita sit*, vt Cl. RAVIVS itentidem nobis occinit?

Quae interpretationi nostrae opponit Cl. RAVIVS, facillime dilui possunt. Nam quod Graeci Alexandrini et Chaldaeus Paraphrastes, ad quos prouocat, vulgarem interpretationem secuti sunt, inde nil aliud colligi potest, quam illos quoque tritam inter populares opinionem de Schechina ex hoc loco hausisse, aut, si mauis, confirmare studuisse. (Etsi ex mudo voc. ἐφθόσεν nihil plus effici, quam e simplici Hebr. נָתַן posse apparet, integramque hoc ipsum interpretandi varietatem relinquit.) Atqui nos contra illud Iudaeorum commentum pugnamus, quod sane non est recens, sed a longo inde tempore obtinuit, vt vel ab hac parte genti suae dignitatem conciliarent. *Violentam* dicit Cl. R. nostram interpretationem. Quodcunque scilicet opinioni semel admissae et semper defensae contrarium est, id facile contortum et violentum dici solet. Sed cuinam, quaeso, verbo vis illa adhibita

hibita est? An passivae formae? Quam sic adhiberi innumera loca docere possint, si opus sit. Nonne enim idem est, *videbor*, et *homines me videbunt*? Vt cum Deus dicit *וְיִקְרַן* *sanctificabor*, idem est, ac si dicat: *homines me sanctum esse agnoscant*. Ergo non forma verbi spectanda est, sed *vis videndi*. At voc. *וְיִקְרַן* hunc sensum pati: *aditum ad me dabo, adibunt me*, ex Exod. XXIII, 15. planissimum, qui locus est vere *παράλληλος*. Ridiculum autem, quod hic Cl. R. opponit, supplendum sc. esse et in nostro loco *וְיִקְרַן* quod Exod. XXIII. additum est, et tum existere sensum absurdum. Recte ibi quidem. Sed ineptissimum esset, illud nostro loco obtrudere, quod ad rem nullo modo pertinet. *וְיִקְרַן* in forma passiva de Deo usurpatam semper inferre visibilem aliquam speciem comitantem, autumat. Quod oppido falsum esse vel hic ipse locus Exod. XXIII. demonstrat. Num enim sacra facientibus visibilis Dei species oblata est unquam? In somnio forte. Quod affert e Genes. IX, 14. et *videbitur arcus*, neque hoc esse, dicit, posse: *aditum ad se dabit*, gryphes equis iungi, ut ipse loquitur aliquo loco, apparet. Vbi enim semper ita interpretandum, nunquam *videndi* sensum habere. dictaui?

Verbum

Verbum deinde ענן *de nube suffitus* non modo commode posse, sed debere adeo, exponi, e vers. 12. 13. eiusdem cap. est clarissimum, ubi ענן הקטרת plenius dicitur, omninoque ingrediendi adytum ratio plenius et accuratius praecipitur. Neque aut a legibus ferendis, aut a rebus narrandis, aut vaticiniis pronuntiandis alienum est, ut brevius dicta paullo post clarius exprimantur. Quid ergo contorti ac violenti in nostra interpretatione remanet? Nec in eo maior est difficultas, quod excitandus sit fumus ex suffitu *supra* propitiatorio, vel *iuxta* illud, ut Genes. XVIII. 2. אנשים נצבים עליו *viri stabant iuxta eum*, et sic saepius; nam et hoc praecipitur diserte v. 13. ut scilicet res sacrae oculis Pontificis subducerentur. D. RAVIVS scribendum ad hanc sententiam fuisse ait: nubem, *quae sit* ad propitiatorium. Quid vero simplicius, quam omissum cognoscere voc. אשר quo tamen suppleto ne opus quidem est, cum verba, *iuxta propitiatorium* non minus commode iungantur voc. אראה nostro sensu: adibunt me, ad propitiatorium, cum nube.

Opponittandem CL. RAVIVS: *Ecquis vel supine ad rem attendens existimet, si is sit verborum sensus, quem*

quem *Vir doctus* iis affingit, *Deum non clarius, non apertius; locutum fore, sed verbis usum, quae minime minus scrupulo distabant aenigmate? dicendumne tum fuerat* הקטרת בענן *in nube suffitus conspicuo: velut* v. 13. Hoc vero est in ordinem cogere scriptores sacros, et Spiritum S. ipsum, quomodo loqui debeant. Nonne sufficit, praeceptum v. 24 quod obscurum cuidam videri possit, in eodem capite paullo post v. 12. 13. verbis clarioribus repetitum esse atque explicatum? Quid amplius? Enimuero haec repetitio clarior eiusdem praecepti nobis quidem vel sola argumentum praestat firmissimum, versum 2. alio sensu, quam nos diximus, accipi nullo modo posse.

Addemus autem duo argumenta haud leuiora, quae interpretationem nostram aequo cuiuslibet iudici commendent. I. Si vulgari sensu capiatur locus ille: non intret omni tempore adytum Pontifex, neque arcae appropinquet, *quia in nube ibi conspicendum me praebebo*, tum haec ratio nulla est, nec commodum sensum habet. Quomodo enim haec cohaerent: quia in nube videbor, propterea non cum lubet arcae appropinquet? Immo quia tantum in nube cernebatur, poterat quouis tempore

pore ad videndum accedere, sicut olim populus quotidie in nube viderat. Neque etiam ratio illa addita sufficit ad religionem intraturo iniiciendam. Num enim sola nubes sanctum illum locum poterat efficere, et ab aditu arcere sacerdotem? Deus vero iam antea Mosi edixerat, Exod. XXV, 22: se habitaturum inter Cherubinos et oracula editurum ex isto loco. Ergo ob solum hoc promissum Pontifex poterat ac debebat praesentem ibi Deum opperiri, atque ita sanctum istum locum habere, ne quouis tempore accedere temere auderet. Alioquin dicendum esset, Mosén et Aaronem, omnesque fideles V. T. nuspiam praesentem Deum statuissse sine externo symbolo, atque ob hanc leuitatem eorum vel pertinaciam nubis *Φαινόμενον* fuisse necessarium: quod sane in eos iniquum est et iniurium, ut supra diximus. Nonne et ipsa arca cum *ἱλασθῆναι* aspectabile praesentis Dei symbolum erat, sufficiebatque ad religionem intraturo iniiciendam? E quibus efficitur, solum nubis symbolum non tantam adyto sanctitatem conciliare, nec causam unicam esse diuini moniti: *ne introeat omni tempore, cet.*

II. Accedit aliud, quod rem planissime conficiat, et extra dubium ponat. Ex omnium scilicet con-

confessione ab altero templo abfuit nubes illa commentitia, et tamen intemeratum manfit imperium Dei Leu. XVI, 2. ex eoque semper egit Pontifex in solemnibus obsecrationis die, *) quod contra, cessante primaria causa, facile potuisset negligi. Non exigua vero difficultas, quae vulgari interpretationi obiicitur! ut intelligent omnes, qui animo ab opinionibus libero rem expenderint. Quod si autem locum sic explices: *non quouis tempore, nec tenere Pontifex adytum ingrediatur et arcam adeat, sed curiose praeparatus, magnaue cum religione, ita quidem, ut antea rebus sacris thuris fumo caliginem inducat*: tum vero omnis difficultas cum nube euanesceat, estque hoc praeceptum commune, ad cultum Leuiticum secundi etiam templi perdurans.

AD

- *) Vnum PET. MOLINAEVM de hac re dubitantem in *Vate Lib. I. c. 2.* satis refutauit IO. GEORG. MICHAELIS in *Exercitat. Theologico - Philologicis Ex. III.* Neque opus erat longa refutatione, cum ex instituto diuino, cultusque Leuitici ratione, hic inprimis dies expiationis ad Christi *aduentum* tempora esset celebrandus: confirmante Apostolo Ebr. VII, 27. atque etiam IOSEPHO *Ant.* XVII, 6.

G

AD §. III.

Non satis aduertit Cl. RAVIVS verum consilium meum, quod in afferendis his interpretationibus Rabbinorum sum secutus, quamquam diligenter indicaueram; ad multa igitur delabitur, de quibus parum laborandum mihi sit. Scilicet non tam volui Rabbinos in partes meas trahere, eorumque auctoritate vti ad refutandum de nube commentum; sciebam enim, illos ipsos Iudaeos, qui Leu. XVI, 2. de nube suffitus interpretarentur, tenere tamen communem de Schechina opinionem, si ABARBANELEM exceperis: sed hoc consilio iis vsus sum, vt demonstrarem, explicationem istius loci a me defensam nec esse nouam et inauditam, nec linguae genio contrariam, atque adeo contortam. Atque haec quidem Iudaeorum testimonia mihi fauere dubitari nequit: et illud non minus, quod C. R. addidit e *Talm. Hierosol. Ioma fol. 39. col. 2.* vbi Karracis haec dica scribitur a Rabbanitis, quod Leu. XVI, 2. de nube suffitus intelligant. ABEN ESRAE quidem et ABARBANELIS auctoritatem eripere mihi studet D. RAVIVS: frustra. Quae ex ABEN ESRA laudauimus, male a me et VITRINGA intellecta caussatus, contendit, illi non sermonem esse h. l. de Leu. XVI, versu 2. sed de versu 13. In quo mire fallitur.

Posita

Posita enim est haec ABEN ESRAE commentatio ad v. 2. ibique ad verba כי בענן. Quomodo ergo ad v. 13. trahatur? D. R. autem in noua huius commentarii versione, quam dedit, illud כי בענן quod praepositum est, plane omisit, ut lectores nesciant, quo trahendum sit. Quod consulto ab eo omissum sit, an per incuriam neglectum, definire non ausim. Ceterum mihi iniuriam facit, cum dicit, me VITRINGAE de ABEN ESRA iudicium reticuisse, quod ita laudat: *Et certe Aben Esra omnino sic sentit, quod in secundo hoc versu Deus loquatur de nube, in qua super propitiatorio communiter creditur habitasse.* Haec verba in VITRINGAE *Obs. l. l.* reperire non potui; sed ita ille: *Aben Esra utique nubem, de qua mentio est v. 2. intelligit de fumo nubis creando ex incenso suffitu a Pontifice: licet alias non neget, super arcam fuisse aliquod symbolum gloriae diuinae p. 171. ed. Franeq. a. 1712.* Vter ergo nostrum verum VITRINGAE de ABEN ESRA iudicium indicauerit, uterue subticuerit, lectores iudicent. Quae opponit Cl. R. de ABARBANELE diserte vulgarem inter suos interpretationem Leu. XVI, 2. refutante, non minus frustra dicta reperiās. Cum scilicet ABARBANEL alio loco ad 1 Reg. VIII, 12. sententiam popularium de Schechina comme-

moret, per formulam solemnem: *aiunt sapientes nostri*, eandemque sine refutatione dimittat; Cl. R. hoc eius silentium ita accipiendum censet, vt illam sententiam iam suam faciat, et retractet ea, quae alibi contra eam pronuntiasset. Quod nullo modo exinde colligi potest. Quid opus erat noua refutatione, cum de eius mente iam aliunde constaret? Ita vero est in more positum Rabbinis, vt effata sapientum saepe repetant, vbi occasio sese obtulerit: sed non omnia sua faciunt, quae laudant, cum saepe eiusmodi effata afferant, quae sibi sunt contraria.

Tandem Cl. R. malum cenforem agit versionum mearum, quas dedi Rabbincorum locorum; in quibus pudenda quaedam peccata inuenisse sibi visus est; quae vero nulla sunt. Quodcunque scilicet reprehendendi libido quaerit, id facile solet reperire. In IARCHIO et ABARBANELE *לפי שגלוי שכינתי שם* verti vult RAVIVS ad verbum prope pueriliter: *eo quod manifestatio Schechinae meae ibi est*: ego verti vt homines latine scientes loquuntur: *quandoquidem Schechino, seu praesentia mea, ibi declaratur*; et in altero loco: *quoniam ibi conspicitur Schechina mea*. Inde colligit, me substantiuum *גלוי* habuisse pro participio Paul masc. gen. et construxisse

xisse male cum שכינה fem. gen. Quod quis non deridendum putet? Latine aliter non poterat exprimi substantivum, quod in Hebraeo est. Similiter versionem ABEN ESRAE non aliam ob causam reprehendit, quam quod bene latine, non ad verbum, facta sit. Quod si peccatum dicendum, quemadmodum alii permulti linguas e lexicis docti in versione librorum sacrorum existimant; ego libenter ita peccaverim, aliis reliquens verbalem et accuratam suam, quam iactant, versionem, quae barbara potius et obscura dicenda, nec verae versionis nomen potest habere. In ABARBANELIS loco illud הראיה 'וכסה cet. *irato Aristarcho* (quasi ipsi aliquid cum Aristarcho esset) me efferre statuit; *et hoc probabile et verum est ex eo*, quod sc. habetur v. 13. *et tegat nubes* cet. pro quo substituit: *argumento eius rei est illud: et tegat* cet. Videant ergo lectores, quantum intersit, aut quam iratus Aristarchus mihi fuerit!

AD §. IV.

Me nec cuiusdam interpretis vel Iudaei vel Christiani auctoritate motum, hanc sententiam defendere, nec causae meae patrocinium ab ea petere, sed solis argumentis e S. S. petitis confidere, saepe

G 3 monui,

monui. Quod si VITRINGA serio retractavit ante scripta, reliquitque has partes a me defensas, mea parum interest, nec quicquam rei veritati, modo idoneis argumentis aliunde probata fuerit, decedere potest. *Magnum Vitringam humani aliquid possum esse, cum olim nubem super arca inter commenta Iudaeorum referret*, Cl. RAVIVS putat p. 45. maturiore iudicio retractasse ea, quae fervore iuventutis, aut studio novitatis, aut utroque, abreptus scripserit p. 69: Recte per me diuinari, nec ne Cl. R. parum laboro. Si quid tamen coniecturis dandum est; multo magis ad verum accedere videtur, quod ego posui: *invidia suorum motum fuisse Vitringam, ut pedem retraheret*. Cocceianorum enim cohors, quae primas eo tempore tenebat in Batavis, non sine magna indignatione videre poterat sibi ereptam caram nubem, de qua egregia hucusque commentati vel potius argutati fuissent. Iam si inter illos vel vnus aduersarius VITRINGAE extitit Cl. RAVIO similis, qui vulgarem opinionem tanto cum fervore, inter iurgia et conuicia, tueri anniteretur, id potuit sane in Viro pacis studioso hanc vim habere, ut in re leui abdicaret prius sententiam, quam censorum feneritatem et iniquitatem diutius irritaret. Sunt enim in talibus etiam rebus Theologi Bataui, ut
audi-

audimus, acerbiores, et non modo molestiam, sed etiam periculum facessere non dubitant iis, qui in talibus aliquid innouare coeperint. Nec tamen ita feriam fuisse VITRINGAE retractationem, vel illud argumento sit, quod non plane deleuit in *secunda editione Obseruatt. SS.* quae antea contra nubem illam Rabbinicam scripserat, sed non mutata omnino repetit, propterea, *quod viris quibusdam literatis et veri studiosis non displicuissent.* Quodcunque hominibus *literatis* et, quod maxime eius sensum prodar, *veri studiosis* haud displicet, in eo sane non potest non multum boni ac veri inesse.

AD §. V.

Ex iis vero, quae hac §. dixi, expedire se aliter non tentauit D. R. quam prouocando iterum ad *Leu. XVI, 2.* tanquam ad locum classicum omnium-quæ dubitationum ac difficultatum obicem: quod est, disputationem in orbem conuertere. *Sufficit,* inquit ille, *in hac quaestione historica nihil in contrarium afferri posse, quod locum classicum Leu XVI, 2 et qui ei proxime succenturiatur, Exod. XL, 34. 35. coll. 1 Reg. VIII, 10. 11. et 2 Chron. V, 13. 14. aduersa fronte arictet aut euertat, ipsaque adeo loca Mosi. D. Thalemanno h. §. laudata, ex nostro, quem prius*

dicebamus, non vice versa hunc ex illis, exponi atque intelligi debere, ut quae nubem in sancto sanctorum non disertis verbis praeserunt, neque adeo effugia Aduersarii nostri eiusque similibus praecludunt. An sufficiat hoc absolutum decretum: nil in contrarium afferri potest, cet. lectores viderint. Me locum Leu. XVI, 2. ex aliis explicare, arguit Cl. RAVIVS. Immo per argumenta grammatica, ex ipso contextu petita, et historica maxime, vulgarem sensum euerti. Contra Cl. R. in eo vere peccat, ut ad vnum hunc locum, male intellectum, alia omnia explicet, immo contorqueat.

AD §. VI.

Quod dixi, vnam tantum nubem in sacris literis commemorari, eamque solam visam Israelitis, hinc magnae sane difficultates vulgari opinioni obii-ciuntur. quas ut remoueat Cl. RAVIVS, in omnes partes se versans, ad tam inepta descendit, ut videas, commodam elabendi viam plane non dari. Duplicem primum nubem fingit, quarum altera in tecto tabernaculi, altera in adyto resederit. Postulo disertum facti testimonium. Nuspiam illud extat, nisi in ingenio interpretis. *Quid vetat, inquit, hanc in adyto diuersam fuisse ab altera?* Egregium vero argu-

argumentum pro rei veritate! Quid enim vetat, quo minus sexcenta alia fieri potuerint? Nonne hoc est coniecturam alia fulcire? Etsi hic multa vetant. Nam si alia nubes erat in tabernaculo, alia in adyto; haec, vbi proficiscendum esset, sese abscondere atque euanescere debebat, vbi rursus tabernaculum poneretur, redire; cuius rei non magis extat testimonium. Quid ad illa D. RAVIVS? *Ad hoc*, inquit, *responduri sumus commode, cum absolutiora plenioraque de modo atque omni ratione eorum, quae tum acta sunt, naſti fuerimus commentaria.* Secare hoc est nolum, non scindere. *Ecquid tamen in eo absurdi, si statuamus, hoc in casu Deum sua potentia effecisse, ut nubes dissoluta in auras euanesceret, post vbi tabernaculum refrigeretur, suo loco restituenda?* Tot res vt precario concedamus, impetrandum a nobis est, si admitti tam infirmam coniecturam placet.

AD §. VII.

Perſtat, quod mireris Cl. R. in ſententia, לִפְנֵי *esse ante faciem Dei, et faciem non nisi nubem esse posse, non refutatis tamen, quae ex consuetudine loquendi Hebr. a me allata sunt in contrarium. Illa vero refelli plane non possunt, quod vel mediocriter hebraice doctus intelligat: nec ipse ausus est aut*

tentavit refellere. Ceteris vindicandis non immeritumur, quae ad causae caput nil faciunt, ne lectores defatigemus.

AD §. VIII. IX.

Frustra et haec disputata sunt apud Cl. RAVIVM, qui, quicquid contra dicatur, opinioni semel admittae pertinaciter inhaeret. *Sedere et equitare, vel vehi*, inquit, *cum de Deo dicuntur, sunt locutiones impropriae; sed quae sensu causae et clumbers forent, nisi dicamus, super arca adfuisse rem externam et visibilem, suo loco circumscriptam nubem, quae ad arcam relationem habuerit, qualis inter sedentem et sedile, inter equitantem et equum. — Ecquis Δεόρον super arca animo conspiciat, nisi eadem opera diuinæ praesentiae aliquod symbolum, nubem, superne inter Cheruborum alas ei incubantem, adfuisse existimet? — Itaque sedere vel habitare in loco Deus dicitur, cum ad tempus assumit aspectabile suae praesentiae signum, quale in re praesente est nubes, arcae imminens tanquam folio.* Haec omnia non aliunde sumuntur, quam ex ingenio, et tam sunt infirma, ut refutatione plane non indigeant. Quod de templo secundo ab Ezechiele delineato opposui et hic et §. XII. ita tentat declinare Cl. RAVIVS, ut dicat, nondum constare inter
inter-

interpretes, utrum sit templum secundum, an aliud coeleste et mysticum intelligendum? Dissensum illum non curo; quam pauca enim sunt, in quibus non dissentiant interpretes? Mysticum templum huc aduocare, est plane absurdum atque ineptum.

AD §. X.

Delibauimus in hac §. quasdam difficultates ex rei natura petitas, de quibus deinceps tertio libelli capite diximus. Ergo et dubitationum illarum solutionem praestare gestit hoc loco D. RAVIVS, ita quidem, ut quemadmodum ad §. VI. non tam soluat nodos, sed scindat, quae est facillima sese expediendi ratio. Ad I. difficultatem: quid factum sit nubi, ubi in alium locum transferenda esset arca, num et hoc tempore eam comitata sit et conspecta a quocunque, de quo silent libri sacri, neque est per se probabile: ita respondet: *Non esse, quod de eo quaeramus; immo de eo quaeri potest ac debet; non enim vana est quaestio, quae magnam difficultatem attinet; neque enim Deum unquam fidem dedisse, habitaturum se in nube illa super arcam extra sanctum sanctorum aut alibi responsa daturum; sed inter populum suum in loco sacro id voluisse: non esse autem a*

vero

vero absonum, restitisse nubem in sede sua ordinaria aedis Silunticae, septenos intra menses cum arca reu-
niendam. In eo vero sibi manifeste repugnat; infra
enim p. 129. disertè ex Pf. LXXVIII, 61. probare
contendit, nubem etiam in castra Philistaeorum de-
latam, et per hanc ipsam, quae proprie gloria et
robur Dei dicatur, in isto loco et alibi, non vnum
diuinæ potentiae specimen inter hostes esse editum.
Quam male sibi constat Cl. RAVIVS! Commenta
scilicet et somnia sibi nunquam rectè constant. *Ini-
qua vero conditio*, pergit ille, *cum loqui constringi-
mur tacente scriptura!* Conditionem vero multo ini-
quiores, cum, tacente scriptura, quicquam nobis
pro verissimo obtruditur! Ad II. cum exularet arca,
tamen sacra dici facta esse *לפני* ergo in isto פנים
nubem respici non posse; D. RAVIVS rem non tan-
git, sed subterfugii causa alio deuertit: *nil impedire,
quominus sacra, quamvis absente arca, tamen legitimo
modo facta esse dicantur.* Nec vero hic quaeritur,
fuerint legitima sacra, nec ne? sed quo sensu facta
esse dicantur *לפני יהוה* si in his verbis est argu-
mentum pro nube in arca? Rursus respondet aliena:
Philistaeos non facile recepturos fuisse arcam, si
nubem indiuisum comitem, certissimum et terri-
bile praesentis Dei indicium, conspexissent. Quam
diffi-

difficultatem nullo modo soluit ex 1 Sam. IV, 6. ubi Philistaei ex iubilis Israelitarum ad aduentum arcae in castra sua dicuntur intellexisse, Deum eorum aduentasse. Quid hoc ad nostram quaestionem?

AD §. XI.

Simillimus profecto huic nostro (e Ps. XCIX, 6. 7.) est 4 Sam. XXI, 14. sed et in hoc calumniatur Cl. R. ut nihil non reprehensum dimittat, quamvis sit clarissimum atque verissimum. Quomodo vero? Afferendum esse, dicit, locum, ubi affixum pl. num. ut h. l. in אלהים referatur non ad omnia praecedentia subiecta, sed vnum ex iis excipiat. In illo vero Samuelis esse in אביו affixum sing. num. quod sane ad solum patrem Saulis sit trahendum. — De numero non quaeritur, sed de forma loquendi, quae in utroque loco est eadem. In hoc affixum plur. esse debebat, quia ad duo pertinet, ad Moysen et Aaronem.

AD §. XII.

Quemadmodum supra ad §. I. de dedicatione tabernaculi, ita neque et hic, ubi de dedicatione templi Salomonei agitur, aliter se expedire potest Cl.



CL. RAVIVS, quam vt ad vltimum sententiae praefidium recurrat, Leu. XVI, 2. quem locum respexisse Salomonem his verbis: *dixit Deus, se habitaturum in caligine*, plane ipsi non dubium est, quicquid contra dicatur.

AD §. XIII.

Largitur quidem CL. RAVIVS, Ezechielis et reliqua a RELANDO et LVNDIO illustrandi magis et confirmandi, quod in quaestione ponebatur, quam probandi gratia allata esse: ipse vero serio contendit, omnino maximam habere vim probandi; idque facit tanto molanine, vt et hic sarcasmos et conuicia sat multa, argumentorum loco, fundat. Suo vero se telo ipse petit, cum dicit, in visionibus symbolicis prophetarum quaedam tantummodo, non omnia, habere *αἰτίσθησιν* in rerum natura, exemplo vsus visionis Zachariae IV, 2. 3. cum lychnuchus aureus cum septem lucernis, simulque duae oleae ipsi ostenderentur. Lychnuchum in templo *αἰτίσθησιν* habere ait, oleas non item. Aliud exemplum affert ex Apocal. XXIII, 13. vbi Iohannes vidit Hierosolyma cum ternis portis ad singulos mundi cardines. Has portas frustra quaeri apud auctores, qui urbem Hierosolymae descripserint, ipse

ipse fatetur: solam urbem per se spectari, sub cuius emblemate noua oeconomia adumbrata sit. Omnia libenter accipio, sed ita, vt contra D. RAVIVM conuertere audeam. Eodem modo scilicet etiam in oblata Ezechieli specie arca quidem et Cherubini habent suum ἀντίστοιχον, nubes non item, nisi hoc, vt designet praesens in arca Numen, quod quidem in viso prophet. non alio modo nisi aspectabili symbolo exprimi poterat. Consimile est illud, quod primo loco posui, c. X, 15. 20. visum ad aquas Chebar, vbi item super Cherubinis gloria Dei conspecta prophetae; ad quae Cl. R. veram hanc glossam ponit: *Quemadmodum Ps. XVIII, 11. inter phaenomena super Sinai conspecta habentur Cherubi, quibus Deus insederat volitaueratque super alas venti: ita vero in visione illa ad aquas Chebar oculis mentis prophetae obuersatae sunt species Cheruborum; non eorum, qui arcae insisterent in adyto, sed ut figura et emblema essent divinae maiestatis et omnipraesentiae, caelum implentis terramque, stylo Hebraeis scriptoribus solenni.* Haec omnia recte sese habent, meamque sententiam non minus confirmant, quam si voluisset ἀπολογίαυ meae causae scribere D. RAVIVS. Sic et inuito interdum extorquetur verum. Cetera non moror.

Pernegat Cl. R. *χερσὶν δόξης* aliter dici posse, nisi a nube inter eos residente. Cur? quoniam e Leu. XVI, 2. euictum sit, illam vere adfuisse. Sic vbique in orbem curritur. Aliam addit rationem: Cherubos mole exiguos non nisi exiliter praedicari posse *κατασκιάζειν τὸ ἱλαστήριον*, sed *κατασκιασμένον* proprie fuisse a nube. Mirum figmentum! Quis ipsi reuelauit, fuisse Cherubos mole exiguos? Magna et praestanti forma haud dubie fuerunt efficti: ac si mediocris tantum eorum forma fuisset, quidni expansis alis et faciebus ad *ἱλαστήριον* demissis, uti describuntur in sacris literis, dici tamen possint illud obumbrare. Non minori iure, quam riuum aut flumen inumbrare dicitur arbor, quae vix primum marginem tegat. Ridiculus sit, qui hoc pertinaciter neget. Scrupulus alius a me ipsi iniectus: Apostolum, qui omnia commemoret Ebr. IX, 15. quae fuerint in adyto, nubem tamen omittere, nec vno verbo attingere, aut eius suspensionem leuem mouere. Quid ille? *Vel noluit Apostolus actum agere, postquam δόξαν, ut vidimus, Cherubis adiunxerat, quam γνώσιμα nobis euicimus* — infausto vero Marte euictum! *effinximus* dicere debebat — *vel nubem delite-*

delitescere voluit inter ea, de quibus figillatim deditaque opera non assurum se mox inde palam profitetur. Nubem voluit delitescere, primum ex mente RAVII et sequacium adyti decus, praesentiaeque divinae symbolum eximium! Hoc non est, causam suam agere, sed pessumdare.

AD §. XV.

Interpretationem *δόξης*, ut sit propria Israelitis gloria prae reliquis gentibus, quae nec nona nec mea est, sed optimorum interpretum, ita eludere voluit Cl. RAVIVS, ut diceret: me inter *καυχήματα* Israelitarum referre *καύχημα*. Satis argute, modo sit vere! Inter *καυχήματα* Israelitarum refertur honos iis a Deo habitus, ut essent Dei peculium, prae omnibus gentibus Deo adamati, cet. Ita omnes rem intelligent, qui eam non consulto cauillandique studio voluerint ignorare. Pertinaciter vero et h. l. defendit *δόξαν* esse nubem, duplicem quidem, quam fingit, ut supra vidimus; quarum altera populum praeciret in solitudine, altera in sacrario resideret. Repugnare, dixi, consuetudinem loquendi, cum nunquam *דבר* na de de arca vel nube ponatur. Ad haec ille: *Romae or, ad quos scriberet Apostolus, si non ex Hebraeo fonte,*

attamen ex Graeca versione, non potuisse latere usum istius vocis absolute positaе — At de hoc ipso quaeritur: num esset vnquam in sacris libris absolute posita? — In singulis Israelitarum priuilegiis diuinum nomen commodè subaudiri, ut sit *νομοθεσία* *Κυρίου*, *δέξασαι* *Κυρίου*; Apostolum autem refecuisse ista, vitandae asperitatis causa, et quia hilum addere superuacuum esset. Quid inde? *Νομοθεσία* non requirit additamentum illud, sed *δέξασαι*, si quidem alio sensu posita est. Ac si vel maxime sit *δέξασαι* *Θεῷ*, quo tamen sensu accipienda sit, integra quaestio restat. Taedet reliqua non minus insulsa refutare, quae per se concidunt.

AD §. XVI.

Quod vidimus hucusque Cl. RAVIUM omnia tentando, ut causam suam tueatur, verba librorum sacrorum mirum in modum torquere, et ad quacuis *ἀκούσασθαι* καὶ ἀνίστασθαι confugere; id vero multo magis fecit in altera dissertationis parte, in qua PHILONIS et IOSEPHI auctoritate ad confirmandam sententiam nostram vsi sumus. Hic enim ad tam inepta prolabitur, ut sane mirer, Viro alias doctissimo talia excidere potuisse. Eo scilicet abripere hominem potest feruor disputandi, atque opinio;

opinionis semel adamatae propugnandi studium, ut amplectatur prius ineptissima, quam aduersario vel tantillum concedat. Ut vim argumenti, & silentio PHILONIS et IOSEPHI petiti infringat D. RAVIVS, repetit primum cantilenam vulgarem, quae fidem istorum hominum, IOSEPHI imprimis, fugillat. *In antiqua hunc, ait, suae gentis historia omis-
sisse multa per incuriam, vel corrupisse, vel interpo-
lasse, subinde etiam nugae egisse vitio gentis suae ac
ae seculi. Extra hos casus, in aevi sui historia, fidem
eius et auctoritatem in tuto esse.* Non hic repetam, quam lubricum et iniquum sit, de fide IOSEPHI, diligentissimi scriptoris, ita in vniuersum pronun-
tiare, cum in Disputatione adiecta sigillatim hoc
argumentum tractauerim. Illud admonere iam at-
tinet, frustra mihi opponi, IOSEPHVM in antiqua
historia interdum falsum esse, quod non negaue-
rim: quaeritur enim, num in hac utique re, de
qua agitur, falsus vere sit, et esse potuerit?
Vana sunt semper in vtramque partem eiusmodi
decreta absoluta de fide scriptorum, quae si vale-
rent, facillima sane esset ex quacunque difficultate
historica se expediendi via. — Dixit aliquid fide
dignus scriptor; ergo non potest non esse verum:
aliud a scriptore interdum falso prolatum; ergo

neque hoc non potest non esse falsum. — Quis talia ferat? Atqui hæc ipsa est Cl. RAVIO argumentandi ratio, in qua quidem plures habet sui similes, quos hic nominare nil attinet.

Negat porro, PHILONEM et IOSEPHVM optime scire potuisse, vtrum vere fuerit in arca nubes, nec ne? *Sat enim longo tempore disunctos esse ab ea aetate, qua in templo habitauerit.* Ita sua ipse vineta caedit. Rabbini enim, quorum tanta est apud eum auctoritas, multo maiori temporis intervallo ab ea aetate seiuncti ad testimonium in hac re dicendum admitti multo minus possunt.

Tandem grauem hanc dicam PHILONI IOSEPHOQUE scribit: *Deinde vero, quod caput rei est, neuter eorum tantum Hebraice callebat, ut ipsos historiarum fontes, ipsum Moysen, ceterosque auctores, quos in sacris habemus, adiundi et consulendi plena uis esset potestas: sed sapiebant solum e versionibus Graecis, quales tum extabant.* Repetit idem p. 147. 149. Falsissimum vero crimen, cuius doctum hominem pudeat! Diximus de hoc quoque in Dissertatione adiecta. Et tamen, si e versionibus sapiebant, arripuisse vulga-
tam

ram de nube, sententiam tanto magis debebant.

AD §. XVII. XVIII.

Negare non potest CLRAVIVS, Iosephum nubem super arca nuppiam attingere; quaerit igitur: suane culpa id fecerit, an aliena? Neque aliam tandem probabilem rationem potest afferre, quam quod de sententia loci Leu. XVI, 2. iam tum disceptatum sit ipsos inter Iudaeos legum peritos: *Mosese de nube gloriosa scribat, an de alia ex suffitu?* quemadmodum inter recentiores Rabbanitas et Karraitas ea de re fuerit disceptatio, de qua supra ad §. III. dictum est. Non ergo mirum esse, si IOSEPHVS in corruptam et minus tutam istius loci versionem inciderit. — Rursus ignorantia IOSEPHI in Hebraicis praetenditur, quod merum est commentum, quemadmodum et reliqua sine vlla veri specie efficta refutatione non egent. Nisi hoc velimus monere: si iam tum inter ipsos Hebraeos in Palaestina dubitatio fuit, quod tamen doceri non potest; cur accusatur IOSEPHVS incitiae aut fraudis ex versione? et ille poterat sic statuere sine vlla versione. En vero nouam et vere ridiculam mei censuram, quae non nisi ab eo proficisci possit, qui

undique carpendi materiem anquirat. In eo me reprehendit grauiter, quod verba IOSEPHI, graece tantum, non addita versione latina, laudauerim, quam quidem ille subiicit, *veri rectique conscientiam* obtendens; quasi ego, nil praeter ipsissima verba auctoris afferendo, mala fide egerim. Supra cum testimonia Rabbinica latine reddebam, me per has versiones sententiae meae inferuire velle clamabat. Quomodo igitur, cum neutrum placeat, ipsi satisfaciendum fuerit, plane non video. Quid? ipse cum latina tantum ponit, e textu ipso iudicandi facultatem eripuisse lectoribus, sua obtrusa interpretatione, si quis criminetur? Meum hoc non facio: ex ipsius quidem ratione valebit.

Quid vero ad illa IOSEPHI? *Nihil omnino in his desse*, dicit, *quam disertam commemorationem nubis super arca ex Lev. XVI, 2.* Belle! quoniam eum ignorabat Iosephus, non poterat sane commemorare. Per totum templum in dedicatione diffusam esse nubem, dicit IOSEPHVS, atque hoc argumentum fuisse omnibus, Deum descendisse in illud templum, in eoque perpetuum domicilium posuisse. Ita ipse Moses et Scriptor Librorum Regum. Sed in sacrarium concessisse nubes, ibique sedem

sedem fixisse, non dicitur. Responder V. C. *Id vero tam uniuersali consensu a Iudaeis creditum, ut monere quicquam de eo superuacuum et Iosepho et Philoni visum fuerit.* Ita rursus disputatio in orbem ducitur, idque pro certo ponitur, quod est in quaestione. In eo vero nouam inconstantiam prodit: qui antea cum dixisset, IOSEPHVM, nimis longo intervallo ab ista aetate remotum, non esse fide dignum eius rei testem, iam ponit, eo tempore opinionem istam de nube omnibus indubiam habuisse. Quae sane nullo modo inter se conueniunt.

AD §. XIX.

Et PHILONIS testimonia ita torquent D. RAVIVM, vt, quo se vertat, nesciat, et saepe discurrat in contraria. In caussis, quare siluerit PHILO nubem, modo ponit ignorantiam hebraismi, plane ἀναλαμβάνον in hebraicis cum habens, p. 147. mox versiones ad Samaritanum codicem interpolatas et corruptas, a quibus solis cum IOSEPHO pependerit: suspicionem vero non leuem esse, locum classicum Leu. XVI, 2. adulteram manum esse expertum, cum Iudaei nube ista tanquam Palladio ad Samaritanorum inuidiam gloriarentur.

H. 4

At

At tum non amplius erat? quomodo gloriari poterant? Sane hoc est, commentum nouis commentis confirmare. Nunc eo delabitur, ut dicat, PHILONEM esse secutum syllabum Moſis Exod. XXVI. XXVII. quo tabernaculum deſcripſit cum arca ceterisque vafiſ ſacriſ, *a Bezalaele artifice fabricandiſ.* In horum autem cenſum non veniſſe nubem. — Argute, ſed non minus inepte! Plura enim, quam quae a Bezalaele poſſent effingi, commemorat PHILO, diſerte praefentiae Dei inter Cherubos mentione facta, ita tamen, ut in *aſpectabilem ſpeciem* cadere neget. Quid vero ad hoc CL. RAVIVS? Hic enim nodus eſt. Vel ſapientiore ſibi viſum PHILONEM Moſe, dicit, qui Deut. IV, 15. in monte Horeb Deum ſecum per ignem locutum affirmet; — quaſi vero de illo hic eſſet quaefitio: num Deus vnquam ſymbolo externo ſe praefentem declarafſet; — vel veritum eſſe PHILONEM gentium et maxime Aegyptiorum in ſe maioresque ſuos calumniam, de qua Iuuenaliſ:

Nil praeter nubes et coeli numen adorant;

quaſi non hic coeli nubes intelligi pateat; — vel denique imprudentia eadem, qua IOSEPHVS, denunciationem Aaroni Leu. XVI. factam neglexiſſe. —

Hiſ

His tam vanis coniecturis ne sibi ipsi quidem satisfacit D. RAVIVS: subiungit ergo: *quamquam si dicendum, quod res est, neuter locus Philonis huic rei sat opportunus fuit.* Immo quam maxime opportunum esse illum e libro *de Profugis*, quis non videat? Hoc ipsum, quod mireris, paullo post confitetur V. C. superiora retractans: *E dictis, inquit, efficitur, si a secundo loco Philonis discedimus, (e libro de Profug.) nullum ex illo auctore asserre Nostrum, in quo nobis in adyto mentionem commodè ac opportune iniicere potuerit, debuerit.* Post longam igitur disputationem, in qua huc et illuc vagatus, coniecturas et ἀντιθέτας miscuit, inuitus tandem concedit, quod volo, nec negari vilo modo potest. Quorsum igitur tot verba! tot ambages!

AD §. XX.

Difficultatibus ultimo loco ex rei natura motis nil denuo opponit Cl. RAVIVS, ad ea, quae ad §. X. de quibusdam ex illis disputata sunt, nos amandans. Sed plura sane hic supersunt, ab aduersario refutanda, quod optarem factum eodem



ordine, eadem breuitate, qua ego vsus sum. Cur
vero secus visum fuerit V. D. lectores iudicent,
quibus integrum in tota hac caussa iudicium re-
linquatur.



III
DE
PHILONIS ET IOSEPHI
AVCTORITATE
IN HISTORIA RITVVM
SACRORVM



Quod in omni genere opinionum temere receptarum fieri solet, ut vel in clarissima luce velut caliginem offundant, nec veritatem ante oculos positam cerni sinant, id etiam in peruulgato nimis errore accidisse deprehendimus eorum, qui Iudaeorum magistris recentioribus, in rituum sacrorum explicatione, non modo parem, sed multo maiorem fidem, quam scriptoribus aequalibus, PHILONI et IOSEPHO, tribuant. Ego vero iam dudum versabam animo, quae priuatim in circulis commilitonum contra hanc pudendam multorum leuitatem, immo libidinem, saepius disputassem, ea publica commentatione edisserere; opportunum modo tempus locumque expectabam. Quem cum mihi huius libelli edendi consilium per argumenti tractati coniunctionem praeuisset; nolui hanc opportunitatem dimittere, meam, de male aestimata fide scriptorum istorum, sententiam paullo copiosius ac diligentius explicandi. In quo instituto non sane docto-

doctorum hominum, qui mea admonitione non egent, sed iuuenum potius sacrarum literarum studia aemulantium rationem habui, ne prauis opinionibus a lectione optimorum scriptorum absterrentur, quibus, in cognoscenda rerum sacrarum antiquitate, proximus a libris diuinis locus concedendus videretur.

Cum in praefatione Disputationis superioris de nimia facilitate Christianorum interpretum, in amplectendis Rabbinorum edictis, quaedam delibarem, illius leuitatis hanc causam posui, quod harum rerum cognitio fere peteretur ab iis, qui olim his solis usu essent magistris in addiscendis literis hebraicis, ex eorumque auctoritate toti pendere consueverent. Quod enim usu fere discipulis venit, ut magistros, a quibus multa bona didicisse se agnoscant, in ceteris coeco assensu sequantur, in eorumque verba iurent, nullo iudicio suo, nulloque delectu adhibito; id in Rabbinicis quoque scholis factum esse, mirum videri nemini debet. Sed hunc *ῥεῖμα*, ut ita appellem, apud eos maxime deprehendas, qui in tractandis Hebraeorum monumentis non modo ex ore pendent Iudaici magistri, sed etiam literis graecis latinisque aut omnino non, aut leui-

leuiter imbuti, elegantiorisque doctrinae expertes, ad hoc genus rerum eleganter tractandum et iudicandum, ingenium praeparatum non attulerunt; quod genus hominum a LVTHERO, MELANCHTHONE, FLACIO ILLYRICO, BVCERO aliisque viris subacti per elegantem doctrinam iudicii, et e magna ineptiarum Iudaicarum farragine optima tantum, spretis reliquis, iusta cum cura et diligentia feligere solitis, saepe cum magistris suis est reprehensum. LVTHERVS quidem quid de magistris istis senserit, multis, e doctissimi inprimis Commentarii in Genesin, aliorumque similium librorum, locis perspicuum est.

Sed in illo genere hominum et principes fuere ipsi BVXTORFII, et auctores reliquis, qui se ad earum rerum studium contulissent. Nam cum illi in hac parte doctrinae ita regnarent, vt nihil iis perfectius putaretur, plerique eorum auctoritatem secuti, Rabbinorum opinionibus incautius sese permiscere, ex eorumque scriptis tamquam ex oraculis omnia hausere, tanta quidem cum fiducia, quasi ea nemo melius tradidisset, neque vero tradere potuisset. Ipsa scripta BVXTORFIANA cum auide a plerisque legerentur, et confidenter vbique laudarentur

tur et compilarentur; si quis vellet excellere in hoc genere, nihil aliud agebat, quam ut e Rabbinico illo fundo plura depromeret, et ad rerum sacrarum explicationem traheret; longe valere iussis aliis auctoribus et doctrinae melioris praesidiis.

Non mirum igitur, si optimos iidem de rebus Iudaicis scriptores, PHILONEM et IOSEPHVM, plane non attigerunt, e quibus meliora et certiora rituum inprimis sacrorum documenta haurirent. Ad hos enim auctores graece doctissimos et elegantissimos recte legendos, nisi probe subactus scientia graecarum literarum accedere nemo potest, aut iustum iis pretium statuere; ut cetera praesidia taceam, veri hebraismi (non illo e Rabbinis, sed fontibus melioribus, analogia linguarum Orientalium, interpretibusque inprimis V. T. antiquis, hausto) et historiae sacrae et profanae haud vulgarem cognitionem, sine qua nemo IOSEPHVM et PHILONEM recte intelligat, aut eorum amore et studio capiat. Exinde vero primariam causam neglecti a permultis recentiori aetate, quin contempti, PHILONIS ac IOSEPHI repetendam arbitror. Nam ut largiar, post BARONIUM, SALIANVM, et alios externos, e nostris quoque non paucos de IOSEPHO inique sensisse,

fisse, eumque ut nugacissimum scriptorem risisse propterea, quod in antiquioris historiae hebraeae partibus aberrare subinde a libris sacris videretur; PHILONI autem ἀλληγορημάτων nimium studium inuidiosum fuisse: non tamen has solas esse causas vulgaris contemptus, persuasissimum mihi habeo, sed illam superiorem causam longe plus valuisse. Dolendam vero sortem optimorum scriptorum, qui tam iniquos, etiam imperitos, censores nacti, e multorum manibus, iuuenum imprimis sacra studia colentium, excutiantur!

Quamvis autem nunquam defuerint, neque hodie, post SCALIGEROS, CASAVBONOS similesque, desint viri doctissimi, qui rectius de PHILONE et IOSEPHO sentiant, iustumque utrique pretium statuunt: inter illos ipsos tamen non paucos reperias, qui, sui iudicii parum memores aut tenaces, in indagandis maxime explicandisque ritibus sacris saepe, quo se vertant, dubii, nunc PHILONI et IOSEPHO, nunc recentioribus Iudaeis maiorem fidem tribuant. Cuius inconstantiae si omnia exempla congerere velim, quae vel mihi innotuerint, voluminis insti modum impleant: sed quaedam speciminis loco attulisse sufficiat.

Primum inter haec occurrit exemplum CL. RAVII, qui sane fidem scriptorum de rebus Iudaeis antiquorum et recentiorum recte aestimat. *Cante et circumspecte*, inquit, in Praef. libelli mihi oppositi, *ures substringi decet Iudaeorum citerioris aevi cantilenis, si quando de rebus ritibusque maiorum suorum perscribunt, quae tum internis domesticisque laborant incommodis ac difficultatibus, ex auitae linguae ignorantia proscissis, tum vero antiquiorum in gente sua auctorum, Philonis et Iosephi, nec non Versionum Pentateuchi, quae primae omnium in lucem prodierunt, fide ac suffragio destituuntur.* In Dissertatione autem, quam adiecit, *de Libamine factō in Sacra Mensa*, grauitur saepius reprehendit interpretes Christianos, quod, neglectis melioribus praefidiis, *Iudaeorum recentiorum nugae amplecterentur, qui diuinae legis sensum minus affecti traditionibus suis in diuersum abeant, maioribusque, testibus oculatis, in os contradicant — quorum crebrae de antiquis ritibus ac caerimoniis alterationes et controuersiae in collectione Mishnica frequentatae, locupletes haesitationis testes sint p. 159. 168. 174. 189. et in tota hac disputatione PHILONIS et IOSEPHI testimonio feliciter usus, recte tandem pronuntiat: nos, si absque aliis Iudaeorum gentis scriptoribus essemus, Philone, Iosepho, et Pentateuchi antiqui*

antiqui interpretibus, in magna versaturos esse plurimarum rerum, quae ad caerimonias illarum publicas attinent, ignorantia. At idem Cl. RAVIVS contra meam causam disputans, in alia omnia concedit, nimium confusus Rabbinorum commentis de nube super arca, quae non secus ac Sibyllina folia colligit; IOSEPHI contra de illa silentio, PHILONIS-que diserto in contrariam partem testimonio ita spreto, ut potiora ducere Iudaeorum recentiorum oracula videatur. In qua quidem inconstantia permultos habet sui similes, nominatim Cel. 10. GOTTL. CARPZOVIVM in Apparatu Antiquitatum S. Cod. et Gentis Hebraeae, opere eruditissimo atque laudatissimo. Is enim Vir doctissimus, quamquam optime subinde defendit auctoritatem PHILONIS et IOSEPHI, eamque anteponit Iudaeorum magistris e recentiori aetate: aliis tamen locis, sui immemor, ad diuersa labitur; quod non in ignominiam Viri optimi dictum velim, cuius merita bene nouerim, et, quanti par sit, aestimem.

Baptismum quidem Profelytorum recte ut commentum Rabbinorum repudiat, *quoniam nullum eius sit vestigium in Philone et Iosepho, aliisque id genus commentariis antiquis, qui omnes ritum tam solemnem*



certe non tacuissent, cum in minoris ponderis caerimoniis describendis mirum quantum fuerint curiosi p. 48. Valet rursus apud illum utriusque testimonium, contra BRAVNIVM, in tunica et bractea aurea Pontificis, spretis Rabbiniis, *ex ingenio nugantibus*, ut ipse ait p. 73. 85. Potu quolibet caput tentante Naziracis interdictum, PHILONIS auctoritate contra MAIMONIDEM defenditur p. 153. Eiusdem PHILONIS auctoritate nititur, Proscuchas Iudaeorum a Synagogis non differre, eodemque loco esse habendas, probaturus p. 320. De altari thymiama-tis agens IOSEPHI fide recte utitur, tamquam *testis oculati*, ita enim vocat, ad refellenda recentiorum commenta, p. 272. Eundem de decima pauperum tuto sequitur p. 621. — Quid vero idem aliis in locis? Labri aenei a IOSEPHO datam descriptionem repudiat, *vix tuta*, inquit, *ipfi fides constet*, p. 288. Oraculum Vrim et Thuminim templo posteriori plane defuisse, defendit contra IOSEPHVM, *quicquid ogganniat ille*: his verbis utitur, p. 301. Nec maiorem illi fidem habet anno Iubileo obaeratos a mutuo liberatos commemoranti *Ant. III, 12. hallucinatum esse in multis, et hinc ex ositantia, hinc ex malitia praeter scripturae fidem nonnulla scripisse*, arguens, allata R. SIMONII obseruatio-

uatione ex *Hist. Crit. V. T. T. I. p. 157.* eadem vitia IOSEPHO exprobrantis. Quod si vel maxime concedamus tantisper, IOSEPHVM nonnulla oscitanter et malitiose contra scripturae fidem in historicis tradidisse, de quo deinde videbimus; non hoc tamen suffecerit ad omnem ipsi in quolibet genere rerum traditarum fidem abrogandam. Immo, hic vel illic vere peccasse, demonstrandum erat argumentis idoneis.

Plura ex hoc auctore aliisque afferre possim eiusmodi inconstantiae exempla, quae ostendant, incertum plane apud multos esse de scriptoribus Iudaicis antiquioris et recentioris aevi iudicium, incertumque adeo et vanum eorum usum. Equidem hac inprimis causa motus ad suscipiendam hanc opellam animi appuli, ut demonstrarem, fidem PHILO-
NIS et IOSEPHI, in ritibus Iudaicis, recentioris eiusdem gentis scriptoribus omnibus longe maiorem merito habendam esse; quod deinde exemplis quibusdam confirmabo. In illo autem instituto non hoc mihi sumo, ut perdifficilem de fide Iudaicorum scriptorum quaestionem ad liquidum omnino perducere velim ac possim; cum nec doctrinae, si qua est in me, tenuitas, nec libelli huius angustiae

tantam argumenti grauitatem sustineant: id vnum ago, vt, si possim, studium doctiorum ad hanc rem curatius excutiendam conuertam; qui si meliora et certiora tradiderint, omnes sacrarum literarum studiosos, meque ipsum, vehementer sibi obstrictos habebunt.

In fide scriptorum historica aestimanda duo in primis spectanda esse, viri harum rerum intelligentissimi praeceperunt: primum, *an fontibus idoneis et satis certis auctoribus vsi essent, vel, quod maximum est, ipsarum rerum, quas traderent, spectatores affuissent, vt adeo verum necessario scirent, nec possent ignorare*: deinde, *eone fuissent ingenio, eoque animo, vt curiose satis et diligenter verum tradere vellent, nullasque causas falsi, graues autem veri tradendi haberent*. Vtrumque vero in PHILONEM et IOSEPHVM, quod quidem historiam rituum sacrorum attineat, multo magis cadere, quam in recentiores Iudaeorum magistros, eoque nomine, nisi vnicam, multo tamen maiorem in his rebus fidem mereri, intelligi facile potest. Ambo scilicet cum stante etiam nunc templo viuerent, ortique essent e sacerdotali familia, cultus publici rationem necessario tenebant, nec poterant ignorare. IOSEPHVM quidem, vt in Iudaea

Iudaea natum et Hierosolymis degentem, nemini dubium fuit, cultus publici fuisse perpetuum spectatorem et interdum etiam administrum: at PHILONEM fuerunt qui auctorem harum rerum minus idoneum haberent propterea, quod Alexandriae vivens, longeque adeo remotus a ministerio Levitico, veram eius rationem non potuerit indagare. BONFRERIUS *ad Levit. XXI, 14.* PHILONEM pronuntiat rituum templi plane ignarum, quem sequitur C. L. SCHLICHTERUS *de Panibus Fac. P. I. p. 50.* negans, fuisse *αὐτόπτην*, atque adeo fide dignum testem; ut alios mittam. In quo quidem illi mire falluntur, pudendamque leuitatem produnt. Nam, ut PHILO non fuerit testis earum rerum *αὐτόπτης*, num propterea nulla omnino fide dignius censendus sit, qui stante adhuc templo vixerit, e sacerdotali genere ortus esset, et legis doctrinam studiose atque erudite tractasset? Enimuero, quomodo non *αὐτόπτης* fuerit, cui per natales ipsos fungi sacris liceret, qui de religioso more Iudaeorum, etiam Alexandrinorum, anno quoque semel saltem Hierosolymis ad sacra communia praesto fuit; cuius rei ipsum habemus disertum testem, καὶ ὃν χρόνον, inquit, εἰς τὸ πατρῷον ἱερὸν ἐτελλόμεν ἐυζόμενός τε καὶ θύσαν, in *Libro περὶ πρηνείας*, qui integer fere

extat in edit. MANGEI, *T. II. p. 646.* Pauca quidem sunt PHILONIS commentaria de ritibus sacris, quippe qui de iis non singulis ex instituto scribat, sed quaedam tantum, ut occasio se obtulerat, attingat: non illa tamen contemnenda interpreti S. S. cum multis locis magnam lucem recte utenti possint praebere: quorum exempla aliquot infra ponemus. Sed non Iudaicorum modo rituum peritum fuisse, sed *ἀρχαῖα* quoque Pharisaeorum disciplina imbutum, vel ea satis doceant, quae de Melchisedeco, de ciuitate Patriarcharum caelesti cet. aeque ut a Paulo ad Hebraeos, a Philone disputata commemorauimus in *Disp. de Eruditione Pauli Ap. Iudaica, non Graeca.* Amplius autem multo de his rebus differentem habemus IOSEPHVM, quamuis nec ipse rituum sacrorum historiam in vnum corpus congefferit, aut perpetuo ordine tradiderit, sed per integrum opus Antiquitatum Iudaicarum, et per Libros de Bello Iudaico, opportune sparserit, unde colligi a lectore in suasque classes digeri possunt.

Cum vero vterque non eas modo caerimonias tradant, quas ipsi in sacris obeundis sua aetate viderint, sed ex antiquioribus etiam permultas stante
taber-

tubernaculo et templo Salomoneo solemnes: quaeritur, unde illarum historiam hauserint? De IOSEPHO quidem, qui plurima eius generis habet, confecta res est, cum diserte testetur ipse, se omnia hausisse ἐκ τῶν Εβραϊκῶν γραμμάτων, ἐκ τῶν ἱερῶν βιβλῶν, *Prooem. Ant. Iud. 2. 3.* Iterum commemorat ἀρχαία βιβλία, Εβραίων βιβλας, quos solos se secutum affirmat, *Ant. X, 10. 6.* Sed noua hic quaestio exoritur: quinam sint hi *sacri et hebraici libri?* illine soli, quos et nos habemus, libri V. T. Θεοπνεύστοι et Canonici, an praeter hos et alii? Cui quaestioni optime, ut solet, magno cum doctrinae apparatu, satisfecit Auunculus Optimus, S. V. ERNESTI, in *Exercitatione Flauiana I. de Fontibus Archaeologiae §. XIV. cet.* Permulta scilicet cum habeat IOSEPHVS et in rituum sacrorum historia, et in ceteris, quorum nihil sit in nostris libris Canonicis: ea quin ex aliis depromserit monumentis tum notis, communemque fidem meritis, dubitari nequit. Θεοπνεύστος vero fuisse, etsi diuersos a Canonicis, ut quibusdam placet, non credibile est S. V. ERNESTI ex eiusdem IOSEPHI testimonio, qui diserte hos modo nostros Canonicos XXII. recte *diuinos* credi tradit, *contra Apionem I, 8.* Libri haud dubie tam extitere satis antiqui, quales sunt,

I 5

quos

quos nos Apocryphos V. T. vocamus, quorum quidem, si non par diuinis, at magna satis vigeret apud omnes auctoritas, ita quidem, vt IOSEPHVS in conscribenda gentis suae historia, praeter *Σεοπνέυτες*, et hos recte adhibendos, nec sine vitio negligendos, putaret.

Εβραϊκὰ βιβλία cum IOSEPHVS appellet monumenta, quibus vsus sit: vel inde refellitur RAVII aliorumque permultorum opinio, IOSEPHVM linguae Hebraicae plane rudem existimantium; cuius ignorantiae crimen cum multo magis PHILONI Alexandrino impingant: pauca hic contra vulgarem istum errorem videntur monenda. Et in IOSEPHO quidem tanto minus condonanda criminatio eiusmodi viris doctis videtur, quò clarius per se patet, cum ab hebraicis literis alienum esse nullo modo potuisse. Iudaeum enim in Palaestina natum, e familia sacerdotali oriundum, ἀκριβεστέρως ἀγέσεως Pharisaicae discipulum, doctum adeo hominem, e Iudaica quoque formula, quis credat hebraica ignorasse? cum eruditio Iudaica ex ipsius testimonio in sacrarum literarum interpretatione et intelligentia versaretur: παρ' ἡμῖν, inquit, μόνοις σοφίαν μαρτυροῦσι τοῖς τὰ νόμμου σαφῶς ἐπισταμένοις, καὶ τὴν ἱερῶν

ἡρῶν γραμμάτων δύναμιν ἐξημεῦσαι δυναμένοις
Ant. XX, 11. 2. In *Vitae autem suae narratione n. 2.*
 se dicit iam quatuordecennem ita prouectum fuisse
 in sacrarum studio literarum, vt a Pontificibus vr-
 bisque primoribus de recondito legum sensu confu-
 leretur. Non minori igitur iniuria IOSEPHVM
 ἀναλφάβητον in hebraicis dixeris, quam Paullo
 Apostolo, eiusdem disciplinae alumno, ignorantiam
 hebraismi obieceris.

Sed alia in promptu sunt, quae errorem illum
 arguant. Ipse IOSEPHVS in *Prooemio Libr. de*
Bello Iud. affirmat, hos libros a se primum hebraice
 conscriptos fuisse: προῦθέμην ἐγὼ τῇ κατὰ τὴν
 Ῥωμαίων ἡγεμονίαν Ἑλλάδι γλώσση μεταβαλὼν, ἅ
 τοῖς ἀνω βαρβάροις τῇ πατρίᾳ συντάξας ἀνέπεμ-
 ψα; vbi barbaros intelligit Iudaeos, ἀνω i. e. Orien-
 tem incolentes, vt Paullus *Rom. I, 13.* ἔλλησι op-
 ponit. Quid desideretur amplius ad vindicandam
 IOSEPHO hebraicae linguae cognitionem, equidem
 non video. Quod' si quis plura in hanc rem argu-
 menta requirit, adcat imprimis S. V. ERNESTI *Ex-*
ercit. Flau. 1. §. III. cet. vbi plus satis refutauit opi-
 nionem eorum, qui IOSEPHVM putant graecam
 interpretationem semper consuluisse, non hebrai-
 cam



cum archetypum, demonstravitque exemplis multis, iisque clarissimis, non posse IOSEPHVM graecam versionem omnino secutum esse, cum pluribus in locis consentiat manifeste cum hebraicis exemplis contra graecam; in iis vero, ubi cum graeca faciat, vel id temere ei accidisse, vel a Christianis doctoribus hebraica ignorantibus ad graecam versionem, quam solam sequerentur, esse correctum atque interpolatum; cuius corruptionis in IOSEPHO nimis manifesta sint indicia. *

Quod

* Egregium praeterea et ab hac parte IOSEPHVS natus est defensor V. Illustr. I. D. MICHAELIS in Praef. ad Spicilegium Geogr. Hebr. post Bochartum p. 10. Turpissime falluntur, inquit, qui hebraicae linguae peritiam ab illo abinducant. Grammaticarum legum imperitior, (fateor) quod nondum grammatica mortuae linguae inuenta esset, verborum significationes multo plures none-rat, quam illi ipsi, qui de eo iudices sedere audent. Verum saepe alia in suis

legebat Codicibus hebraicis, quam nos in nostris, (quod si opus est sat magnis variarum lectionum ex eo excerptarum copiis confirmare possum) iam significationes verbis hebraicis subieiciebat, lexicis nostris ignotos, usu tamen reliquarum linguarum orientalium confirmatos. Alterutrum ubi accidit, doctis istis viris, qui hebraica sua omnia in lexicis commentariisque habebant, de lectionis autem varietate nihil suspicabantur, valde indoctus visus est, aliquando

Quod PHILONEM non minoris inscitiae in hebraicis literis accusatum videmus, id eandem causam habet, quam in IOSEPHO; nempe, quoniam saepe alias verborum etymologias sequitur, grammaticamque non habet ἀκριβειαν, qualem nos desideramus in eo, qui hebraicarum literarum scientiam profiteri velit; graecam denique Interpretum, etiam ubi ab hebraica veritate recedit, graece interpretatur, et ad allegorias flechit; quod quidem non inscitia hebraici sermonis, sed consulto fecit, qui Iudaeis Graecis scriberet, inprimisque imbutis aliqua doctrina graecarum literarum, quippe qui soli Iudaeorum possent eius orationis elegantiam capere. Sed et ad PHILONEM in vniuersum excusandum illa valebunt, quae bene monuit Ill. MICHAELIS l. c. hebraicam linguam illo tempore nondum fuisse more graeco ad grammaticas regulas accurate reuocatam, aut analogiam linguae per subtiles observationes indagatam; neque adeo e talibus peccatis vniuer-

do etiam plane mentiri, historiamque sine auctore confingere. In quo quidem Viro Eruditissimo assentimur omnino, gaudeamusque vehementer fide facta, de exponendis co-

pius alio loco virtutibus IOSEPHI, quamuis et in hoc ipso opere diligenter IOSEPHVM illustratum et contra iniuriam recentiorum optime defensum vidimus.

vniuersae linguae scientiam idoneam detrahi vel
 IOSEPHO vel PHILONI posse ac debere. Quod si
 • ad eiusmodi seueram normam de his voluerimus
 iudicare: ORIGENES quoque et HIERONYMVS
 hebraicarum literarum plane rudes eodem iure ha-
 bendi sint, qui et ipsi grammaticam *ἀκριβειαν* saepe
 negligunt, ineptas effingunt etymologias, et graeca,
 vbi captandis allegoriis inferuiunt, sequuntur po-
 tius quam hebraica. Quid? nostrorum quam multi
 ea conditione hebraismi ignari dicendi essent, qui
πρὸς ἰκδομένην vernaculam potius versionem se-
 quuntur, quam hebraicam veritatem; vel hebraica
 verba mire contorquent, vt sensum tandem eliciant
 eum, qui orationis ad populum argumento sit ac-
 commodatus. Ceterum, vt largiar, inter Iudaeos
 Alexandrinos permultos fuisse, qui auitam linguam
 vel parum callerent, vel plane ignorarent: PHILO-
 NEM tamen inter eos nemo retulerit, qui, e sacer-
 dotali gente ortus, legis Iudaicae rerumque Iudai-
 carum studiosissimus esset; quod nemini ignorare
 licet, qui vel partem aliquam librorum PHILONIS
 legerit.

Quae haecenus disputata a nobis sunt, eo per-
 tinent, vt in PHILONE et IOSEPHO fuisse demon-
 stre.

stremus primam ac praecipuam virtutem, qua fides scriptorum recte aestimanda est, ut idoneam facultatem haberent rituum sacrorum cognoscendorum, et necessario scirent, quae de iis traderent, et sinceris omnia fontibus hebraicorum monumentorum, quos ipsos adeundi facultas esset, haurientes, et, quod maximum est, ad fidem illis faciendam, cultus publici αὐτόπται.

Sed nec alterum bonae fidei κερήριον, quod posuimus, in vtrouis desideraueris: ut eo scilicet essent ingenio, eoque animo, ut, quicquid de cultus publici ratione recte cognoscent, id bona fide tradere velent, nullasque falsi, veri contra dicendi graues causas haberent. Magnum sane vtriusque rei praeiudicium vel ex eo ceperis, quod erant homines et Iudaica et vero Graeca etiam eruditione exculsi, qui per consuetudinem cum optimis Graecorum scriptoribus non modo dicendi genus, sed ingenium quoque ita ad eorum similitudinem conformassent, ut in tractandis rebus exponendisque non possent non bene versari. Quid vero non expectandum ab iis, qui per omnia scripta vere castum atque religiosum animum spirent: num illi, de rebus diuinis, cultuque veri Dei, scribentes incuriose et mala fide egisse credendi sunt? Nullo vero pacto. Qui aliter senserit, fidem-



fidemque iis temere denegarit, nae is eorum libros plane intactos reliquisse, et alienis potius, quam suis, oculis rem diiudicare merito censeatur!

Sed ipsum IOSEPHVM (cuius ratio inprimis habenda nobis est, cum de ritibus sacris plurima traderit) et huius rei habemus testem, quanta cum cura et religione in perscribenda gentis suae historia rerumque sacrarum historia versatus sit. Τῷ ἰστορίαν ἀναγράφοντι τὸ μὲν ἀληθεύειν ἀναγκαῖον, dicit ille in *Vita Sua* n. 65. eodemque loco recte reprehendit illorum leuitatem, qui, cum historiam scribendam susceperint, de veritate parum admodum solliciti ex odio gratiae falsi aliquid dicere non vereantur. Qui aliis scriptoribus veri studium tam grauitur commendet, ipsum hoc neglexisse putabimus? Iam supra e Prooemio Ant. Iud. testimonium eius attulimus, quo fontes historiae suae ingenue indicaret, ex iisque solis sua hausisse, sanctissime confirmaret. Idem factum Ant. X, 10. 6. quem locum inprimis commemoratione dignum putamus. Εγκαλέσει δέ μοι μηδὲς ἔτιως ἕκαστα τέτων ἀπαγγέλλοντι διὰ τῆς γραφῆς, ὥς ἐν τοῖς ἀρχαίοις εὐρίσκω βιβλίσκῃ καὶ γὰρ εὐδὺς ἐν ἀρχῇ τῆς ἰστορίας πρὸς τὰς ἐπιζητήσαντας τί τῶν πραγμάτων ἢ μεμφομένους ἡτφα-

ἡσθαλισάμην, μόνον δὲ μεταφράζειν ταῖς Εὐραίων
βιβλῆς εἰπὼν εἰς τὴν Ἑλλαντιὰ γλῶτταν, καὶ
ταῦτα δηλώσειν, μήτε προστιθεῖς τι τοῖς πράγ-
μασι αὐτὸς ἴδιον, μητ' ἀφαιρῶν ὑπερχημέος.

Quis non religiosum historicum habeat, qui monu-
mentis literarum, e quibus hauriat, nec demere, nec
addere quicquam de suo audeat. Quin tributam hanc
bono IOSEPHO laudem videmus a viris doctissimis,
qui eius virtutes crebra lectione perspectas habe-
rent. Ἀξίος πιστεύεται, laudatur EUSEBIO *Hist. Ec-
cles. III, 9.* Φιλαλήθης αἰνῆς ISIDORO PELUSIO-
TAE *Ep. III, 19. IV, 75.* THEOPHYLACTO *ad
Matth. XXII, 7.* et SVIDAE. E recentioribus
egregius IOSEPHI defensor extitit inprimis magnus
IOS. SCALIGER, eum vocans *diligentissimum et Φι-
λαλήθῆσαν* omnium scriptorum, cui non solum in
rebus Iudaicis, sed etiam in externis tutius credatur,
quam omnibus Graecis et Latinis, *Praef. ad Opus de
Emend. Temp.* in quo ipso quidem libro et *Notis ad
Eusebii Chronicon* multa absterfit a IOSEPHO crimi-
na, quae ab imperitis illi essent imposita. Non mi-
nori fortuna vindicem eius egit contra Baronium
CASABRONVS in *Exercitationibus*, et PAGIVS in
Critica ad Annales Baronii, ut illos taceam, qui in
IOSEPHI libros commentati sunt.



Neque vero quisquam eorum, qui iusta laude IOSEPHVM maerent, eumque Φιλαληδέσσωρον prae-
dicent, errores et vitia eius dissimulasse reperitur;
immo ingenue fatentur omnes, aliquid humani in-
terdum passum, quod a CASAVBONO *Exercitat.*
XII. * a FABRICIO in *Biblioth. Graeca*, ITTIGIO
in *Praefat. edit. Iosephi Lipsf.* PETRO BRINCHIO in
Examine Chronologiae et Historiae Iosephi, ad calcem
edit. Hauecamp. aliisque factum est. Sed de his
ipsis vitiis caute et modestè iudicandum arbitramur,
quod

* Cum historicum nobilissi-
mum laudasset CASAV-
BONVS l. c. quicquid in-
grati Iosephobonastiges inu-
ginentur; ita pergit ille:
Si omnes Iosephi errores,
hallucinationes, aut able-
psiae (de iis non loquor,
in quibus discedit Iosephus
a Bibliis: in quo excusari
non potest) in unam sum-
mam contrabantur, vix
centesima pars ea fuerit
culparum ab vno Eusebio
admissarum, siue in Chro-
nicis, siue in aliis scriptis.
Cur igitur tanta cura et
tanta cum iniquitate Iose-
pho insultabimus? cuius

libros nisi providentia Dei
singularis ad nostra serua-
set tempora, in quantis
rerum Iudaicarum tene-
bris versaremur? quot sa-
bulas, quot mendacia in-
bar historiae Iosephi discen-
tis? At errat Iosephus in-
terdum manifesto. Sane:
homo enim erat. Potuitne
Baronius obliuisci, omnes
homines errare, omnes ve-
nia opus habere? Quis au-
tem magis ipso? cuius An-
nales tot fuitiles fabulas,
tot foeda mendacia, tot
omnis generis errores con-
tinent cet.

quod plerique minus fecere, quam debebant. Nam si quaedam historiae sacrae, antiquioris inprimis aetatis, admiscuit, quae in libris sacris haud repirentur, neque per se probari possent; non ideo illa conficta ab eo sunt de industria et malo animo, uti criminantur eius aduersarii, sed hausta e monumentis scriptis, sine iusto fortasse in omnibus delictu: alia paullulum immutata, non peruersa aut detorta, ad ingenium Graecorum, in quorum gratiam animum ad scribendum appulisset; in iis maxime rebus, quae ad paganorum sacra opinionesque tractatae, et rationem in Iudaicis et similitudinem in Graecis haberent; ut de igne caelesti et *ἀντροπαῖρα*, quo victimae incenderentur cet. alia omissa, quae offendere possent paganos, neque illud malo consilio, sed quo magis per hanc artem veram religionem reliquis gentibus commendaret. Haud pauca denique ipsi exprobrata vitia, in Chronologicis maxime, reperias, quae non a IOSEPHO vere profecta, sed intrusa a doctoribus veteris ecclesiae et correcta sint ad graecam versionem; cuius correctionis et interpolationis exempla dedit clarissima S. V. ERNESTI *l. l.* et plura se daturum pollicitus est in aliis ad IOSEPHVM commentationibus, quas, optandum est, ut in magnum rei sacrae commo-

dum aliquando edat. In eandem sententiam IOSEPHI causam optime tuetur V. Cel. I. M. SCHROCKHUIS in egregio libro *Christl. Kirchen-Geschichte T. II. p. 255.*

Ceterum et ex hac parte saepe iniuria fieri mihi videtur IOSEPHO, quod, quae sacris narrationibus *praeter* libros diuinos interdum adiungit, (quae *contra* libros illos habet, per se concidunt) hoc ipso nomine omnino repudientur a quibusdam, quia in sacris literis nulla eorum iniciatur mentio, cum tamen nihil absurdi habeant, et commodam interpretationem admittant. Nos vero satis credibile ducimus, quasdam eiusmodi narrationes ex iisdem libris antiquis depromtas esse, e quibus Apostoli sua de Ianne et Iambre, de cadauere Moïsis rel. hauserint. Bileamum et PHILO et IOSEPHVS tradit consilium dedisse Balacko corrumpendi Israelitas per feminas Moabiticas, quod a Ionathane Paraphrasæ pariter additum est textui sacro; IOSEPHVS item per angelorum ministerium datam legem: vtrumque, opinor, malae fidei arguerent multi, nisi hæc ipsa virorum Θεωμιέτων testimonio in N. T. confirmata haberemus; de Bileani quidem consilio *Apoç. II, 14.* de angelorum ministerio

rio in ferenda lege *Act. VII, 53. Gal. III, 19. Ebr. II, 2.* * Quae quidem admonere quemque debent,

K 3

vt

* De ministerio angelorum in lata lege video etiam viros doctissimos et librorum sacrorum loca, et *IOSEPHI* locum *Ant. XV. 5. 3.* in alienum sensum detorquere, non aliam, puto, ob causam, quam quod non clare satis intelligerent, quomodo hoc factum sit. De modo autem non quaerendum, si de facti veritate e locis luculentis, quales hi sunt, confiterit. *Αγγέλους* Stephano et Paulo dici putant prophetas, qui etiam angelorum nomine in S. S. interdum insigniuntur. Sed de lege in monte Sina promulgata in allatis locis sermonem esse, nimis manifestum est; neque vox *ἄγγελος* nude posita, sine villo adiuncto, aliud significare potest, nisi genium caelestem. Ex eadem ratione *I Cor. XI, 10. I Tim.*

III, 16. non nisi de angelis caelestibus intelligi debet. Qui *ὡς διαταγὰς ἀγγέλων*, inter ordines angelorum explicant, (ὡς pro *ἐν* positum est, vt alibi sexcenties) non aduertunt veram et vnā significationem τῷ διατάσσου, quae est *promulgare*, vbi de lege ponitur, repetitamque clariorem explicationem Apostoli *διαταγὰς δὲ ἀγγέλων*, λαλῶν δὲ ἀγγέλων, quod sane ministerium angelorum in promulgata lege luculenter satis indicat. Quod aliis in locis Deus dicitur edixisse legem, non vere repugnare, quilibet videt, neque excusatione indiget. Eandem vim expertus est locus *IOSEPHI*, in quo *δὲ ἀγγέλων* legem datam non de Sinaitica, sed de aliis praeceptis institutisque diuinis, *ἀγγέλους* autem de prophetis itidem,

vt cautius et de aliis eiusmodi additamentis indicet, neque ea damnet promiscue, aut de industria mendaces PHILONEM et IOSEPHVM propterea clमित, quod non vsquequaque iis conveniat cum libris diuinis.

Sed iam e deuerticulo in viam redeundum. Cum enim mei non sit instituti, vindicem agere PHILONIS et IOSEPHI, in tota rerum sacrarum historia tradenda; integrum cuiuslibet iudicium huiusce partis relinquam: id teneo, quod ad causam meam pertinet, bona haud dubie fide vtrumque egisse in describendis ritibus cultus publici, quibus celebrandis et ipsi saepe interfuissent, meritoque religiosum illis animum, quam aliunde prodant, et in eo tribuendum esse, vt, quae ipsi viderint, et satis cognita habuerint, accurate ad posteros tradidisse credantur. Haftenus quidem certam eorum fidem atque inconcussam stare, serio defendo, neque in eo pertinacius repugnaturum quemquam rerum salium intelligentem confido. Ac nescio, an qui ita cupide IOSEPHO et PHILONI fidem de-

tra-

dem, aliisque doctoribus, titur, neque est probabile.
intelligi volunt; quod
contextus nullo modo pa-

trahunt, eoque etiam, quae in sacris literis leguntur, corrupisse defendunt, sibi repugnent ipsi alia in causa grauissima, hoc est, in integritatis librorum sacrorum defensione, in qua maxime solent citi fide et reuerentia Iudaeorum aduersus scripturam sacram. Nam ea ratio labefectetur necesse est et corruat, si tam illustria exempla perfidiae Iudaeae in tantis viris, e sacerdotali etiam genere natis, ei opponi possint.

Ex his autem facillimum erit iudicare, quale momentum faciat fides Iudaeorum recentioris aetatis, si cum PHILONE et IOSEPHO comparentur; neque aliud colligi potest, quam quod volumus: vnum PHILONIS vel IOSEPHI testimonium sexcentis Rabbiorum sequioris aetatis esse longe anteponendum. Nam si ad fidem historicam probandam requiritur, primum, ut verum necessario scire te, constet, e sinceris scilicet fontibus, certisque fatis in monumentis haustum: id quomodo ad Rabbinos possit conferri, equidem non video, ut qui vel hanc ob causam primas concedere debent PHILONI vel IOSEPHO, quod sint longe antiquiores, et multarum rerum, quas tradunt, ἀνέκτα, cuius generis scriptoribus, nisi diligentia bonusque animus

defuerit, summa fides recte tribui solet. Enimvero qui testimonium Rabbinorum in quolibet ritu cultus Leuitici pluris faciunt, quam PHILONIS et IOSEPHI, aequae turpiter se dant, et ridiculi sunt, ac si quis in Romanae reip. historia et antiquitatibus maiorem fidem habeat v. c. Onuphrio Panuino, Sigonio, Rosino, Nieupoorto et similibus, quam Liuio, Dionysio Halicarnassensi, Dioni Cassio, ceterisque auctoribus grauissimis: vel, si quis post quindecim saecula aedis nostrae Thomanae rationem, et sacrorum in ea formam, e scriptore saeculorum consequentium potius voluerit cognoscere, aut tutius cognosci posse statuerit, quam e testimonio alicuius Antistitis sacrorum in illa aede.

Communem atque vnum fere fontem Rabbinicae sapientiae esse Talmudem, omnes norunt. Idoneum vero monumentum ad fidem historicam! Mischna I. nihil aliud est, quam farrago opinionum et scitorum de rebus sacris, quorum auctores CXXX. numerantur; aucta deinde innumeris commentis in vasto Gemarae commentario. Ipsi Iudaei hanc *legem oralem* dicunt, a viris diuinis ore ad posteros traditam: quae si vera vel maxime eius sit origo, quod concedere nullo modo possumus; per istam
tamen

tamen propagationem ore factam immixta est atque intexta tot sententiis absurdis et fabulis anilibus, nullum ut sit veri *νεστηριον*, nisi in iis, quae cum libris sacris accurate conueniant; quae sunt sane per pauca. II. Inter ipsas magistrorum de rebus ritibusque sacris sententias magnus est dissensus; alter repugnat alteri, et in alia omnia discedit, tantaeque hic feruent lites et controuersiae, quae nullo modo in concordiam possint redigi. Quomodo igitur hoc opus pro fonte historiae sacrae probabili possit haberi, ad Calendas Graecas docebitur. III. Accedit, quod non ipsi modo auctores Talmudici dissentiant, sed etiam inter Iudaeos reliquos ad hunc usque diem vehementer magnoque animorum motu de eo concertatur: utrum sit Talmudi fides habenda, nec ne? et adhuc sub iudice lis est. Ortae hinc, quod notissimum est, sectae Rabbanitarum et Karracorum, quorum illi Kabbalam, i. e. traditionem, amplecterentur, hi legi scriptae vnice adhaerendum putarent; in quo recte eos iudicare, non dubium esse cuiquam potest: atqui etiam plus sapere reliquis Iudaeis Karraeos semper statuerunt, qui e nostris plus aliis saperent. Ipse MAIMONIDES, Rabbanitarum princeps, conqueritur in *Comment. ad Tract. Aboth. c. I.* in eo con-



senfisse Sadducaeos et Baithofaces, quos Karraei fuerint subsecuti, vt dicerent: *recipio legem, repudio Kabbalam, quia non est vera*: execrandam vero hanc sectam haereticorum ridicule criminatur. Consu- lendus omnino IAC. TRIGLANDIVS, qui de secta Karraeorum optime scripsit, in *Syntag. de tribus Iud. sectis*, recensuitque eorum argumenta, qui- bus Talmudis auctoritatem vendidatam euertant: aduersari scilicet eum libris sacris; secum ipsum pu- gnare; absurda et impia tradere. Cf. EISENMEN- GERI *Entdecker Iudenthum* I, 8. Quae si recte sese habent Karraeorum contra Talmudem dicta, quod negare vtique e nostris nemo audeat; efficitur, vt pro puro ille fonte antiquitatum sacrarum haberi nullo modo possit.

Sed tanto magis demiranda est Christianorum permultorum leuitas, qui MAIMONIDI, epitoma- tori Talmudis, tantam auctoritatem concedunt, vt eius scita oraculorum fere loco amplectantur: vnde in plerisque antiquitatum S: commentariis primo loco positum videas, tanquam optimum auctorem, cui fides in hoc genere denegari nullo modo possit. Taedet recensere elogia a nostris vbiuis in MAIMO- NIDEM cumulata, quorum sane auctores pudeat.

Hunc

Hunc P. CVNAEVS *de Rep. Hebr. I, 2.* primum Iudaeorum vidisse, ait, quid esset, non delirare; nec de eo tam magnifice dici quicquam posse, quin id virtus eius exsuperet. Fuit is, quod non negamus, Iudaeorum doctissimus, ex Aristotele et Platone, quorum versiones Arabicae tum extabant, inter suos philosophus; sed qui Rabbaniticae sectae addictus, totus penderet a Talmude, cuius compendium in scriptis eius extare, omnes largiuntur, ab ipsoque diserte affirmatur in Epistola Apologetica, quae est in BVXTORFII *Institut. Epistolari Hebraica p. 382.* Quo loco respondet popularibus sibi novandi studium laesamque auctoritatem Talmudis exprobrantibus, contenditque, se omnia religiose ex isto thesauro antiquitatis, quamvis non semper indicato loco, hausisse. Non defuerunt tamen inter nostros, qui post MORINVM, VOSSIVM, R. SIMONIVM, et in MAIMONIDE nugae et deliria multa notarent; nominatim Cel. CHRIST. SCHOETTGENIVS, *Hor. Hebr. et Talmud. T. I. Praef. §. 8. inprimis T. II. p. 809.* Christianis, inquit, *Philologis illud vix condonari potest, qui ex illis, MAIMONIDE sc. et aliis recentioribus Iudaeis, antiquitates Hebr. discere, et alios docere voluerint. Scriptores enim non satis antiqui sunt, et ab antiquioribus in multis abeunt.* Immo

ne ipsis quidem propositum fuit, antiquos ritus docere, sed tantum suos informare, quid in variis rituum generibus sequi debeant. Igitur lectio illorum ad antiquitatem cognoscendam non solum inutilis sed etiam noxia est. Et tamen viri docti secure illos in consilium adhibuerunt, et nullum fere est Antiquitatum Hebraicarum volumen, quod non horum traditionibus contaminatum sit. Immo pleraque Mainmonidae in latinum sermonem conuersa et commentariis illustrata sunt, ut iuvenes sic mature a via veritatis abducti fuerint, cet.

Alterum superest, ut recentiores Iudaeorum magistri cum PHILONE et IOSEPHO hac ex parte conferantur; num in iis idem fuerit veri studium, idem ingenium, idem rerum seligendarum iudicium, eadem tractandarum diligentia? In quo quidem toto coelo differre ab utroque, non multa eget demonstratione. Etenim cum IOSEPHVS inprimis, professione historicus, consuetudinae optimorum Graeciae scriptorum probe excultus, Iudaicis moribus fere exutis: ad illorum venustatem ingenium suum scribendique solertiam conformarit: hi contra ab omni ingenii cultu alieni reperiuntur, procliuvesque adeo ad quaeuis fingenda et credenda. Quis vero non nouit ingenium Rabbinicum, quarumuis
nuga-

nugarum anilium fundum fertilissimum? ut recte *fabulae Iudaicae* in prouerbium abierint, a quibus ne doctissimus quidem eorum, MAIMONIDES, sibi temperauit. Neque vero eorum haec est criminatio, qui scripta Rabbinica non intelligunt, et vero intelligere non cupiunt; (etsi legi vel sic possunt a quolibet in tot excerptis et versionibus, etiam vernaculis) illi ipsi testes huius rei ingenui sunt, qui per multos annos versarunt libros Iudaeorum, atque in hoc genere doctrinae excellere recte putantur. *A Rabbinorum lectione*, inquit BERNARDVS ad IOSEPHVM, *ardua res est et rara, non delirare.* De fide sublesta Rabbinorum si quis velit scriptores nosse et consulere, adeat inprimis I. C. WOLFIVM in *Bibl. Hebr. T. II. p. 1095.* I. A. FABRICIVM in *Bibliogr. Antiquar. p. 7.* I. F. BVDDEVM in *Isagoge Hist. Theol. p. 1457.*

Quod ut planius intelligatur, quantum praestet PHILONIS et IOSEPHI auctoritas omnibus recentiorum Iudaeorum effatis: age, exemplis aliquot ex antiquitate sacra petitis rem totam illustremus. De arca foederis et die solempni expiationis cum in hoc libello nobis sermo fuerit; hoc primum exemplum ponemus. Arcae totius rationem si quis velit



lit cognoscere ex iis, quae BVXTORFIVS in vasto libro *Hist. Arcae Foederis* compilauit, ita mira audiet, vt tandem, quid sequendum sit, nesciat: ita falsis vera, ineptissimisque fabulis, sunt mixta. E ligno Sittim fabricatam fuisse sacrae literae tradunt, quod plerique pro ligno cedrino optimi generis habuere, sed esse potius ex arbore, quae spina nigra s. Arabica, atque etiam acacia dicitur, in deserto Arabiae copiosa, docuit ex Hieronymo Cel. SEBALDVS RAVIVS, IO. EBERHARDI Filius, Professor Vltraiectinus, in eleganti Dissertatione *de iis, quae ex Arabia in usum tabernaculi fuerunt petita.* * IOSEPHVS *Ant. III, 6. 5.* vocat ξύλα ἰσχυρὰ τὴν φύσιν, καὶ σῆψιν ἔπαθεν διαίμενα, quae est acaciarum istarum natura. Oī ὁ passim per ξύλα ἀσηπτα vertunt. Arcam porro περιμεκαλυμμένην πάντοτε χερσὶν dicit Paullus *Ebr. IX, 3.* idque iubente Deo *Exod. XXV, 10.* quod et ipsam egregie confirmat et explicat PHILO *de Vita Moysi III. p. 668.* κεχερωσμένην πολυτελῶς ἐνδοθεν καὶ ἔξωθεν, perhibens; vnde, quid sit πάντοθεν Apostolo, plane intelligas: *undique*

* Recudendam curauit hanc dissertationem Cel. I. M. SCHROECKHIVS Lipf. 1755. cum praefatione

erudita, de veris rationibus studii linguarum Orientalium.

que sc. intus et extra obducto laminis aureis. Consentit IOSEPHVS *Ant. III, 6. 5.* Quid Talmudici? In *Cod. Ioma* tradunt, Bezalaelem ita fecisse arcam, vt quasi tres essent arcae, duae aureae, et vna lignea, quae aureis fuerit inserta et inclusa. Quod si vero etiam laminae aureae ab vtraque arcae parte separatim fabricatae fuerint a Bezalaele, de quo aliunde non constat; non tamen tres arcae dici possint, sed vna. *Vestes* arcae in longum latumne positi fuerint, libri sacri non commemorant, IOSEPHVS autem *l. l. ex utroque latere longiore promississe* perhibet. Opponit RELANDVS et cum eo DEYLINGIVS *ὁ πᾶν, Obs. Sacr. T. II. p. 572.* Talmudistarum testimonium, quod illis in hac re potius est, propterea quidem, quia a quatuor viris commode non potuisset portari arca, cum iis non nisi spatium vnus et cum dimidio cubiti, quae latitudo erat arcae, suppeteret. Ex qua difficultate recte se ita expedit C. G. CARPZOVIVS, vt, baiulos non intra, sed extra vestes humeros submisisse, dicat in *Appar. Art. S. Cod. p. 261.* omninoque IOSEPHVS potius audiendus est. Vere ridiculum hic notat CARPZOVIVS commentum MAIMONIDIS, qui baiulos arcam faciebus introrsum, versus arcam, et tergo extrorsum, tulisse nugatur. Duo
ergo

ergo baiuli cancrorum more incesſerunt. Dignam
ſane ſpectaculo pompam!

Non minus inepte duas arcas Talmudiſtae
commiſcuntur, alteram, quae tabulas integras
complexa in adyto maneret, alteram, quae fra-
gmenta tabularum habens ad bellicas expeditiones
exportaretur; de quo vid. BUXTORFIVS *Hiſt. Ar-
cae F.* in hoc ipſo nugax ingenium Rabbiorum re-
prehendens.

Chérubos ſuper arca dicunt ſacrae literae ex-
panſis alis operculum texiſſe, alterius vultu in alte-
rum verſo et ad propitiatorium demiſſo, *Exod.*
XXV, 20. Nihil praeterea. IOSEPHVS vocat
ζῶα πετεσὼν *Ant. III, 6. 5.* non vltra deſcripta cor-
poris forma. At his non contenti Rabbini diſpu-
tant de forma corporis; alii auium, plerique homi-
nis habitum illis tribuunt; quibus et conſentiunt
noſtrorum multi, quia angelorum ſymbolum eſſe
deberent. Quasi vero angeli non niſi humanam
formam poſſint induere. Neque hic deſunt peio-
res ineptiae Rabbiorum. R. BECHAI et R. SALO-
MO alterum Cherubum masculinam, alterum femi-
ninam ſpeciem habuiſſe fingunt; nihil eſt videlicet
tam

tam absurdum, quo Rabbīnorum fingendi libido, semel capto impetu non labatur.

De ritibus ad solemnem piaculi diem pertinentibus, ingressuque Pontificis in adytum, multa imprimis commentantur antiquitatum scriptores: at si perconsueris, quae optimi quique de isto argumento dixerint, e quibus CARPZOVIVM in *Appar. Ant. S. Cod. p. 433.* et DEYLINGIVM *Obs. S. P. II. n. XIII.* laudasse suffecerit: pleraque e Rabbīnis hausta reperiās, qui in hac re tanquam fide dignissimi auctores audiuntur. Ex eorum, MAIMONIDAE imprimis, sententia Pontifex illo die quater ingressus est adytum: 1. ut inferret thuribulum; 2. sanguinem iuueni pro delictis suis; 3. sanguinem hirci pro peccatis populi; 4. ut efferret thuribulum. GROTIUS eundem numerum seruat, mutata duntaxat ministerii ratione; de quo non aliis testibus illi constaret. Post primum egressum ex adyto Pontificem preces fuisse, perhibent Rabbīni, quarum formulam ab ipsis effectam, (veram enim esse quomodo credibile sit?) eodem consensu excipiunt nostri. Hic vero nec consultitur nec auditur PHILO, qui eundem ingressum Pontificis commemorat, in *Legat. ad Cai. p. 1035.* dicitque: *si Pon-*

tifex duabus diebus, aut si illo die τοῖς καὶ τετρακτίς ingrediatur, illi esse moriendum. Quae verissima esse sententia videtur. MANGEVS, quod miror, in notis ad h. l. male carpit PHILONEM, inscitiaeque rituum Iudaicorum arguit, fieri non potuisse ratus, ut non saltem ter adytum Pontifex ingrederetur. Aliam rationem se expediendi habet S. V. I. B. CARPZOVIVS in *Exercit. S. in Ep. ad Hebr. ex Philone p. 402.* non haec verba Philonis esse notans, sed Herodis Agrippae e literis ad Caium datis, illum autem Agrippam non satis curiosum fuisse in cognoscendis ritibus: saluam interim rem esse hactenus, ut quater una die ingressus reperiatur Pontifex. — Illud vero sumitur mera coniectura, neque est credibile, Agrippam, qui Hierosolymis regem ageret, et summam sacrorum potestatem haberet, ignorasse vel neglexisse ea, quae essent tum in vulgus nota; recentiores vero Rabbinos illo esse et diligentiores et sapientiores. Ex Leu. XVI. maior binario numerus effici non potest, totumque ministerium huius diei per duplicem ingressum Pontificis commode absolui poterat; ut 1. suffiret et aspergeret arcam sanguine iuuenti; tum vero 2. inferret sanguinem hirci.

Exem-

Exemplum aliud praebeat locus de Paschatos ritibus, in quibus non minus plerosque sola auctoritate Rabbiorum stantes, perspicuum est, hoc ipso frustra in magnas difficultates implicari. Nam si in solo librorum sacrorum et antiquissimorum monumentorum testimonio acquievisset: multa et inani opera, quam scribendis tot chartis impenderunt, potuissent superfedere. In quaestione: a quonam sint mactati agni paschales? cum consulerent solos Rabbinos, a plerisque (quidam enim aliter tradunt) didicere, sacerdotes semper mactasse eos in templo, quod pro verissimo habet cum GRO-TIO et aliis DEYLINGIUS *Obs. S. P. I. n. LII.* qui quidem hac imprimis ratione in eam sententiam adductus videtur, ut crederet, Christum non verum et legitimum Pascha cum iudaeis comedis-
se, sed novum Evangelicum in locum veteris surrogandum. Sacerdotes quidem mactasse agnos aliquo tempore dicuntur, *2 Chron. XXX, 26. XXXV, 11.* sed id factum in instauratione sacrorum, quia populus ritus nesciebat. Aucta vero prope in immensum multitudine, plane fieri non potuit, ut sacerdotes tot agnorum millia, intra tam breue tempus, quod esset destinatum lege diuina, ad aram ma-



Etarent, sanguine in scrobem circa aram fuso, et homines inde domum deportatos agnos appararent ad edendum hora vndecima. Sub Nerone Cestius Procurator numerari iussit agnos paschales, reperitque 2560500 auctore IOSEPHO *de Bello Iud. VI, 9. 3.* Quomodo tantae multitudini suffecissent sacerdotes? At PHILO disertè tradit *de Vita Moysi III, p. 686.* quemlibet patrem familias mactasse agnum; cui sane fides eo tutius habeatur, quod, aliter fieri non potuisse, res ipsa loquitur. Consentit optime, quod Christus discipulis imperat: *ἐτοιμάσατε τὸ πάσχα.* Nam *ἐτοιμάζεν* h. l. idem est quod hebr. *פָּשַׁע* in eiusmodi contextu, legiturque v. c. *Gen. XVIII, 7.* de vitulo, quem Abrahamus mactavit conuiuiis. Error iste prognatus ex alio, quod e pressius intellecto verbo *θύσας*, agnus paschalis sacrificii genus habebatur; vnde a sacerdote mactandum fuisse censuerunt: quod est falsissimum. *Θυσία* enim est, quodcunque mactatur, et hebr. *זָבַח* quod alias voc. *θύς* exprimitur, de Beli sacerdotibus *1 Reg. XVIII, 40.* de Achabi posteris *2 Reg. X, 7.* mactatis legitur: vnde et simpliciter apud Matthaeum et Marcum legitur: *ὅτι ἔθυσεν τὸ πάσχα* scil. Iudaei omnino. Etsi non repugna-

gnarim, *παρεα* et de tota coena paschali dici, utique *Luc. XXII, 13. vbi in coenaculo apparasse* leguntur.

Alia sunt in promptu exempla eiusdem generis; sed pro instituto haec sufficiant, modus enim est imponendus opellae. Quod si haec, ut speramus, non frustra disputata sunt, argumentisque haud contemnendis euictum, auctoritatem PHILO-
NIS et IOSEPHI in antiquitatibus sacris longe potiore esse toto Talmudistarum et reliquorum Rabbiorum grege: facile inde colligas, plerosque libros Christianorum, qui vel ex instituto, vel obiter, rituum sacrorum historiam tractant, magno laborare vitio, cum Rabbiorum effata in iis utramque fere faciant paginam, PHILO autem et IOSEPHVS vel nunquam (nam nec huius generis auctores defunt) vel perraro in censum veniant, nec nisi illis in locis, vbi opinionibus vndecunque arreptis inseruiant. Quid in ista inconstantia, de qua in limine commentationis nostrae diximus, certi et explorati esse potest in rebus iis, quarum fides non deserto literarum sacrarum testimonio nititur; cum, uti lubuerit, et antiqui et recentiores



Iudaeorum scriptores miscentur, nec norma aliqua posita est, ad quam fides eorum exigatur, ut scias, quid unoquoque loco tuto sequare, quid repudies? In eo vero maxime elaborandum esse, ut eiusmodi norma poneretur, bene intellexit Cel. SEBALDVS RAVIVS in erudita Dissertatione *de eo, quod fidei merentur monumenta Iudaeorum sacris in antiquitatibus et sensu earum mystico*, primum edita Traiecti ad Rh. 1751. nuper recusa in OELRICHI V. C. *Collectione Opusc. Historico-Philologico-Theologicorum T. 1. p. 162. Breae 1768.* in qua quidem dissertatione hoc inprimis egit, ut, quomodo fides Iudaicorum scriptorum recte aestimanda sit, regulis certis definiret. PHILONIS et IOSEPHI auctoritatem omnibus Rabbini longe praestare, quamvis et ipse nobiscum ponat V. Cl. Iudaeis tamen recentioribus plura tribuere videtur, quam debebat; de fide saltem eorum nimis ambigue pronuntiat. In Talmude quidem dispersa esse, ait, genuina quaedam vetustatis *Λείψανα*, in quibus fidem mereatur, donec libris divinis, vel rectae rationi, reique naturae dissona propinet; omninoque ubi res facti, non iuris, loquatur, consentiantque plerique vel antiquiores, vel prudentiores, in eo esse tuto audien-

diendum. — Sed vel sic nondum certum aliquod veri *κρίσιον* adest; quinam enim sint illi antiquiores et prudentiores Talmudis auctores, unde habeant sua de rebus sacris scita, quomodo diiudicabis? Enimvero et hi in rebus facti etiam inter se dissentiunt quam saepissime. Contra cum concedat V. Doct. reperiri in Talmude multa Pharisaeorum scita, sectae istius vitio nouiter procusa, qui, ut suis traditionibus a vetustate auctoritatem conciliarent, easdem plus quam Baroniano artificio, inde a Mose, per clarissimos gentis suae doctores propagatas, ab iisque in Talmudem relatas, finxerint: per illud ipsum, in quo V. Cl. lubenter assentimur, superiora concidunt, neque, quid tuto in istis doctorum placitis sequare, quid secus, habeantne tradita de ritibus sacris illos vere auctores, quos commemorant, intelligi facile potest. Recte decernit V. D. iudicio critico opus esse, quo verum a falso, probabile ab improbabili, seiungatur; ad calcem etiam Dissertationis subiicit canones, ad quos iudicium illud dirigatur. Sed hi ipsi canones (qui non nude, sine exemplis idoneis, ponendi erant) maximam partem ambigui videntur, neque perspicuas satis suppeditant notas, quibus

res verae agnoscantur et deprehendantur; sine quibus vel summa solertia critica nihil neque perspicere, neque decernere potest. Omnino arbitramur, nondum esse hunc locum perpurgatum, et satis demonstratum, quibus in rebus et quatenus istis magistris uti in antiquitate sacra possimus. Sed de eo ex instituto disceptare non est huius loci.

Vniuersae quidem consentientem habeo etiam Cel. CHRIST. SCHOETTGENIUM, hebr. literarum doctissimum, qui, cum ipse diligenter tractasset Rabbiorum libros, eorumque sapientiam penitus imbibisset, fassus tandem est: *Talmudistas in antiquitatibus sacris nullam, vel postremam saltem, auctoritatem habere.* Sed haec vltima prouincia, qualis esset, dicendum erat, eaque suis finibus circumscribenda. *Frustra hic, inquit, antiquitatem quaeras, cum videris Talmudistas adhuc disceptare, quid sequendum sit. Quid ad nos decisiones Rabbanitarum, cum quaerimus, quid apud antiquos receptum fuerit? Hic quaerimus, quid factum et gestum sit, non quid homines otiosi sectandum existiment.* Post sacras literas et Targumim imprimis consu-

consulendos esse, iudicat, scriptores ante Talmudem, (inter quos tamen etiam librum *Sohar* male refert) hos euoluendos, in his acquiescendum. Ergo bonum et probabile satis systema antiquitatum sacrarum in *desideratis* adhuc ponit, *Hor. Hebr. et Talm. T. II. p. 817. 818.* * Sed ad eiusmodi corpus concinnandum cum crebra opus sit lectione *PHILONIS* et *IOSEPHI*, per quam diligenter omnia notentur, quae ad illustrandam rerum sacrarum historiam pertineant: videndum esse arbitror, ut iuvenes sacris literis dediti mature istos scriptores nosse et adamare discant, quantumque eorum lectio futuro Theologo profutura sit, accurate intelligant. Ad quam commendationem sane non sufficiunt laudes inanes et encomia vtriusque auctoris; sed in rem praesentem deducendi iuvenes, propinandaeque illis deliciae, quas ipsi degustent.

Non

* Quamvis ea recte sese habeant, ipsam tamen bonum *SCHOTTGENIUM* non ab omnibus vitis ex assidua lectione Rabbinorum

contrahis liberum dicam; quod e multis Horarum *Hebr. et Talm.* locis perspicuum satis est.

M

Non igitur possum hoc tam opportuno loco reticere, quod dudum animo hæsit: ut vehementer hic publice optem, in scholis PHILONEM, et IOSEPHVM inprimis, eodem cum ceteris auctoribus Graecis numero haberi, eodemque studio adolescentibus commendari. Etenim cum illi, quod omnes fatentur, elegantiam graecam ita affecti sint, ut plerosque scriptores meliores aequent, IOSEPHVS autem iucunde et leniter fluente facilitate etiam superet; eo iam nomine frugifera satis eorum erit lectio. Sed multo latius patet eorum usus, et ad cognoscendam rerum sacrarum historiam, quae omnibus aliis potior esse debet Christiano homini; et ad interpretandos scriptores divinos utriusque Testamenti, verumque hebraicum intelligendum, quod ea, quae in S. S. hebraico sermone traduntur, pure graeco explicant, in quo interpretando nulla ambiguitas locum habet. Ad Novi quidem Testamenti interpretationem quantum prodesset lectio PHILONIS et IOSEPHI, demonstratum est egregie a Celeb. IO. TOB. KREBSIO, in *Observationibus ad N. T. e Fl. Iosepho*; S. V. I. B. CARPZOVIO in *Exercitationibus in Epist. ad Hebraeos e Philone*; et

et CHRIST. FRID. LÖNNERO V. C. in *Specimine Lectionum Philonianorum Lips. 1758.* quorum commentationes ut ab eruditis magno pretio habentur, ita plura eiusmodi ex utroque fonte bona, inde facile haurienda, eodem plausu ab omnibus rei intelligentibus excipientur. Si quis vero suppetere negarit eiusmodi editiones PHILONIS et IOSEPHI, quae lectionibus scholasticis aptae sint, id incommodum non tantum est, quin illi non possit eadem medela afferri, qua adolescentibus aliorum scriptorum saltem specimina in manus tradita sunt. Edi potest Chrestomathia, quae elegantissimas et commemoratione dignissimas *ἑξῆς* e IOSEPHO inprimis contineat, quibus addi etiam possunt quidam libelli e PHILONE. Eiusmodi vero Chrestomathia si a KREBSIIIS, FISCHERIS, GEISLERIS, HENTSCHIIIS, BAYERIS, GOTTLIEBERIS, IRMISCHIIIS, MÜCKIIIS, aliisque Viris graecarum et vero etiam hebraicarum literarum doctissimis, diligenter explicata fuerit iuuentuti scholasticae: certissime euenturum speramus, ut pluribus, quam hucusque factum est, ad legendos optimos scriptores mature allectis, plura tandem ex iis ad interpretationem librorum sacrorum Veteris



ris etiam Testamenti, conferantur: quod laudabile institutum si vel aliqua ex parte hac nostra opella iuuerimus, aut certe commouerimus, vehementer gaudebimus.



VA1
1510693